

STENOGRAM
28. Radne sjednice Skupštine Kantona Sarajevo
održane u četvrtak, 20.08.2020. godine sa početkom rada u 10,00 sati
(ONLINE)

Predsjedavajući:

Otvaram 28. Radnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Sjednici prisustvuje ONLINE 32 zastupnika, što je dovoljan broj za punovažan rad i odlučivanje.

Izostanak sa ove sjednice nije niko opravdao ali su najavili kašnjenje ili zbog tehničkih smetnji povremeno će se uključivati.

Prijedlog dnevnog reda 28. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 07.08.2020.godine.

Prelazimo na utvrđivanje dnevnog reda današnje sjednice.

Na osnovu naprijed navedenog, Prijedlog dnevnog reda današnje, 28. Radne sjednice, glasi:

1. Poslanička/zastupnička pitanja, inicijative i odgovori;
2. Informacija Ministarstva zdravstva, Kriznog štaba i Civilne zaštite o poduzetim mjerama i sa prijedlogom mjera za suzbijanje širenja pandemije koronavirusa.

Molim zastupnike da se izjasne o predloženom dnevnom redu, a sekretara molim da napravi anketu kako bi mogli glasati. Otvaram glasanje. Molim zastupnike da glasaju za Prijedlog dnevnog reda 28. Radne sjednice Skupštine Kantona Sarajevo. Još 30 sekundi za glasanje. Molim zastupnike da glasaju u Viber grupi.

ZA JE GLASALO 25 ZASTUPNIKA, PROTIV nije bilo i SUZDRŽANO 4.

KONSTATUJEM DA JE SKUPŠTINA ZA 28. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Prelazimo na realizaciju dnevnog reda, sada je 11,46 sati.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Molim zastupnike da se prijave. Kolegica Vildana Bešlija traži riječ, vjerovatno poslovnička intervencija. Tako ćemo to preformulisati radi stenograma i zapisnika. Imate riječ uvažena kolegice Bešlija.

Poslanik/zastupnik Vildana Bešlija:

Hvala predsjedavajući. (nerazumljivo) iz razloga što sam upravo vama, kao rukovodstvu i sekretarki poslala i prvi put kao dopunu dnevnog reda, shodno usvojenim zaključcima od strane Skupštine, a onda sam to ponovila i poslala svim zastupnicima. S obzirom da nisam dobila do dana današnjeg iako sam dva puta poslala tu urgenciju sa naznakom hitno, jer se zaključci tiču konkretno dnevnog reda sljedeće naredne sjednice, redovne, a ovo je takva vrsta sjednice i trebala je biti dopunjena sa tačkama dnevnog reda znači: Nacrt Zakona o visokom obrazovanju, i određenim zaključcima i materijalima koji se tiču stanja prostornog uređenja, građenja i zaštite šuma na prostoru planina Bjelašnice i Igman, itd. Da se to pripremi kao tačka dnevnog reda. Ovaj dio sam dobila kao odgovor kroz inicijative, naime to nisam tražila i to nije usvojila Skupština, nego je ovdje jasno navedeno da se obavezuje Skupština Kantona Sarajevo da pripremi ovo kao redovne tačke dnevnog reda za prvu narednu sjednicu, a to je ova. Znači to je u slučaju obje inicijative. Tako da bih zamolila da mi se obrazloži zbog čega je ovo došlo, zašto nisam dobila odgovor, kako bi mogli krenuti dalje da radimo. Hvala vam.

Predsjedavajući:

Zahvaljujem uvažena zastupnice Bešlija. Međutim, zaključak Kolegija je bio jednoglasna, gdje imate i vi svoje predstavnike u Kolegiju da na ovu sjednicu 28. nema dopune Dnevnog reda i tiče se samo ove informacije, a Poslovník je naložio da za svaku redovnu sjednicu moramo razmatrati poslanička pitanja i inicijative i odgovore. A Kolegij, ponavljam, je donio zaključak da se neće dopunjavati dnevni red za 28. radnu sjednicu. Ova vaša informacija koja je u formi zaključka Skupštine Kantona Sarajevo bit će razmatrana sigurno na narednoj sjednici Skupštine Kantona Sarajevo.

Kolega Vibor Handžić, ispravka krivog navoda. Kolegice Bešlija nemate pravo na repliku, možete samo ispravku krivog navoda ili poslovničku intervenciju. Kolega Handžić izvolite.

Dopredsjedavajući Vibor Handžić.

Zahvaljujem predsjedavajući. Ispravka krivog navoda samo u smislu da je Kolegij jednoglasno odlučio da se ne proširuje dnevni red. Dio Kolegija, odnosno prijedlog koji nije prošao je da bude hitna sjednica. Dakle koja je se trebala desiti prije desetak dana i bez ove prve tačke. Dakle nije odluka cijelog Kolegija da se ide u redovnu sjednicu uopšte. Zahvaljujem.

Predsjedavajući:

Ja nisam rekao da je to bila odluka, ja sam rekao da se neće dopunjavati dnevni red redovne sjednice i to je tako doneseno na kraju, ukoliko se sjećate poslije prijedloga kolegice Kristić i mene. Kolegica Bešlija izvolite. Imate ispravku krivog navoda ili poslovničku intervenciju, izvolite.

Poslanik/zastupnik Vildana Bešlija:

Hvala predsjedavajući. Pa u suštini kolega Vibor Handžić je to rekao pošto ja ne prisustvujem Kolegiju, a ono što sam informisana, znači znam da je četvorka tražila hitnu sjednicu ovog tipa da raspravljamo o problemima i poduzetim aktivnostima i izvještajima i informaciji vezano za COVID. I to je trebalo još davno da se desi. Na vašu inicijativu, odnosno prijedlog koliko sam upoznata, vas lično, je rečeno da se preinači taj zahtjev umjesto u hitnu znači da bude redovna sjednica. Samim tim, vi kao predsjedavajući, a i sekretarka Skupštine ste trebali imati u vidu, ako ste već to predložili, koje su obaveze po pitanju usvojenih zaključaka od strane Skupštine i iste sprovoditi. Tačno je da mi imamo predstavnike na Kolegiju, tačno je da su bile moje kolegice i kolega, ali prije svega to je obaveza i sekretara i vas lično. Ako ste to predložili, morali ste voditi računa o ovome da ne prekršite usvojene zaključke i odluke Skupštine. Hvala vam.

Predsjedavajući:

Niko ne krši bilo koju odredbu koju donese Kolegij i Skupština. Znači materijal čim bude dostavljen u skupštinsku proceduru, sekretar i ja ćemo delegirati prema Kolegiju i uvrstiti u dnevni red. To je procedura vezano za materijale koje dobivamo od Vlade. Prelazimo na pitanja, inicijative. Prvi se javio uvaženi zastupnik Damir Marjanović. Izvolite kolega Marjanoviću imate riječ.

Poslanik/zastupnik Damir Marjanović:

Zahvaljujem predsjedavajući. Pozdravljam sve prisutne kao i ljude iz Kantona Sarajevo koji prate ovu cijelu Skupštinu. Dva konkretna pitanja Ministarstvo za obrazovanje i nauku i mlade Kantona Sarajevo je napravilo plan i program odvijanja nastave u prve dvije sedmice. Zanima me na osnovu kojih podataka su napravili procjenu manjeg rizika za sudjelovanje u školama djece od I do V razreda, a većeg rizika za sudjelovanje od V do IX. A između ostalog zanima me na osnovu kojih parametara su odlučili i za srednju školu što raditi, kako raditi.

Drugo pitanje ide prema Kriznom štabu, Ministarstvu zdravstva. Zanima me koliko prosječno vrijeme prođe, (nerazumljivo) taj podatak od momenta prikupljanja uzoraka za analizu do saopštavanja rezultata pacijentu i doktoru koji vodi pacijenta. To su dva kratka pitanja za sada, a dio mojih inicijativa bit će uključen u neke zajedničke prijedloge. Hvala velika.

Predsjedavajući:

Zahvaljujem uvaženi zastupniče Marjanović. Sljedeća je uvažena zastupnica Duraković Jasna. Izvolite kolegice.

Poslanik/zastupnik Jasna Duraković:

Dobar dan predsjedavajući. Jel se čujemo? Hvala. Dakle ja imam za današnju sjednicu nekoliko pitanja koje upućujem, prvo Ministarstvu za obrazovanje, nauku i mlade Kantona Sarajevo. Prvo pitanje, obzirom da se zaista nalazimo u kriznoj situaciji nastaloj uslijed pandemije COVID 19, neodgovorno bi bilo zahtijevati da se u periodu od septembra do kraja oktobra 2020. godine prosvjetni radnici/ice zakonski obavezuju obavljati sistematske preglede u Domovima zdravlja. Naime, svjesni smo ozbiljnost epidemiološke situacije u KS i alarmantnog broja novozaraženih zdravstvenih radnika kao i građana/ki KS, I naravno povećanog broja osoba umrlih od posljedica korone. Smatram da bi bilo krajnje neodgovorno očekivat od nas da se obavezujemo da čekamo po domovima zdravlja i stvaramo nepotrebne gužve da bi obavili zdravstvene preglede, gdje su šanse puno veće da se svi zarazimo u tim redovima, pogotovo ako u trenutku početka nastave još uvijek nemamo tačne podatke hoće li se nastava na fakultetima odvijati online ili u učionici.

Da li možemo očekivati, ministru postavljam ovo I tražim usmeni odgovor, da se ovi rokovi odgode/prolongiraju dok se ova slika zdravstvena u KS značajno ne popravi ili se može donijeti neka odluka na nivou ova dva resora, zdravstvo I ministarstvo obrazovanja, da se ova obaveza sistematskih pregleda u potpunost ukine za ovu akademsku godinu?

I naredno pitanje također upućujem Ministarstvu za obrazovanje nauku i mlade Kantona Sarajevo.

Svjesna sam velikih izazova i problema u kojem se nalazi obrazovanje zbog pandemije, kao i problema s kojima se ministarstvo suočava kako se bliži početak nove školske godine, mogu reći da se u osnovi slažem s odlukom ministra da će se nastava za učenike od prvog do petog razreda osnovne škole odvijati u učionicama, međutim istovremeno dijelim zabrinutost naravno i ljudsku i roditeljsku, kako će sve to izgledati u ovim teškim uvjetima. Stoga molim ministra da mi u cijelost obrazloži, naravno, zbog potreba roditelja, prosvjetnih radnika/ica i javnost u KS.

1. S obzirom da smo u proteklih nekoliko sedmica i nekoliko dana kada je donesena ova odluka, čitati isključivo kroz medijske objave vrlo šturo informacije smo dobili o tom zamišljenom prijedlogu Ministarstva i Vlade KS o

načinu realizacije nastave za osnovne i srednje škole, možete li nam sada detaljno obrazložiti usmeno kako će sve to izgledati, ponavljam ovo što je kolega Marjanović rekao, po kojim parametrima ste donijeli takve odluke? Dakle, čak sam u nekim dijelovima pročitala da će se prva sedmica nastave odvijati u učionici, druga sedmica online. Dakle to stvara dodatnu konfuziju.

Da će se časovi tjelesnog odgoja odvijati isključivo online u osnovnim školama, (što i nema puno smisla s obzirom da sportski klubovi kako znate već par mjeseci rade normalno treninge za sve sportove u fiskulturnim salama sa djecom istog uzrasta i da obrazložite i druge vrlo konfuzne ideje koje su nam predočene kako ste zamislili o realizaciji nastave u ovakvim uvjetima?

I drugo pitanje koje me također zanima, naravno zbog potreba i prosvjetnih radnika i radnika, hoće li ovo iziskivati, sigurno da hoće iziskivati dodatne kadrove, tj. zaposlenje novog nastavnog osoblja kako bi se vodilo računa i o kvalitet nastavnog procesa i o poštivanju

osnovnih ljudskih prava da radni dan ne smije trajat više od osam sat, te da naravno ne smijemo ni nastavnike/ice ne smijemo izrabljivat dodatkom radnih sat koji im neće bit dodatno plaćeni, da li će se zaposlit novi ljudi na ugovore o radu da pomognu u ovoj situaciji? To je dodatno opterećenje za budžet ali istovremeno može biti idealna prilika da se upravo zaposle prosvjetni radnici koji su već godinama bez posla na birou rada.

I molim vas za usmene odgovore i da mi u cijelosti odgovorite, i da mi u cijelosti odgovorite zbog potreba koje sam već navela. Zahvaljujem.

Predsjedavajući:

Zahvaljujem uvažena zastupnice Duraković. Segmedina Srna Bajramović ima riječ. Kolegice izvolite.

Poslanik/zastupnik Segmedina Srna Bajramović:

Zahvaljujem predsjedavajući. Pozdravljam sve prisutne. Pa ja također bih imala pitanje za ministra za obrazovanje, nauku, i mlade Kantona Sarajevo Anisa Krivića. Zamolila bih pismeni i konkretan odgovor.

Poštovani ministre, U Vašem odgovoru na moje pitanje od 28. maja ove godine o potrebi realizacije istraživanja ministarstva u cilju spoznaje iskustava i problema online nastave iz perspektive nastavnika, djece i roditelja ste isključivo naglasili kako je postojala maksimalna koordinacija svih učesnika i izuzetna motivacija u smislu realizacije procesa što, priznat ćete, nije dovoljno kada je u pitanju ozbiljna systemska postavka obrazovnog sistema u okviru digitalne platforme. Kako se definitivno radilo o prekonocnom, epidemijski iznuđenom prelasku na online nastavu, jasno je i Vama danas kao i roditeljima i nastavnicima, a djeci posebno, kako ta tranzicija i nije bila najsretnije odrađena, te da je isključivo dodatnim naporima u odnosu apsolutne motivacije nastavnog osoblja, strpljenja djece i posvećenosti roditelja kroz raznorazne improvizacije, školska godina ipak okončana. U zadnjem pasusu Vašeg odgovora 28. maja naveli ste kako su neophodne obuke nastavnog osoblja u cilju korištenja digitalnih platformi i izradi digitalnog sadržaja, te kako je neophodno obezbijediti konekcije za škole i djecu zajedno sa odgovarajućom opremom, te imam potrebu postaviti par konkretnih pitanja za aktivnosti Ministarstva u periodu od maja do danas. Kako se nalazimo nekoliko dana uoči školske godine, interesuje me da li ste realizirali obuke nastavnika, kad i koliko je nastavnika iste prošlo, od maja kad ste utvrdili da imate problem?

Da li je kreiran digitalni sadržaj u skladu sa nastavnim planom, te da li se razmišljalo o eventualnim uštedama roditeljima na kupovini knjiga, ako bi se od strane države kompenziralo autorsko pravo vlasniku sadržaja koji bi se kroz online platformu distribuirao djeci digitalno? Da li ste osigurali neophodne internet konekcije i opremu za djecu koja istu nemaju i kad će isti moći preuzeti opremu? Toliko zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Kolega Elvis Vreto ima sljedeći riječ.

Poslanik/zastupnik Elvis Vreto:

Hvala predsjedavajući. Pozdravljam sve prisutne kao i građane koji nas prate. Više inicijativa podnosim Ministarstvu komunalne privrede i nadležnim KJKP. Navest ću suštinu inicijativa, šire obrazloženje dostavljam u pisanoj formi. Prvu inicijativu pokrećem i odnosi se na nastavak izgradnje primarnog cjevovoda od Kobiljače do Zelene meraje, MZ Rakovica kako bi se na tom lokalitetu stvorili preduslovi za priključenje domaćinstava na gradski vodovod. Sljedeću inicijativu pokrećem za sufinansiranje izgradnje gradske vodovodne mreže za 180 domaćinstava u ulicama Kamenolom MZ Blažuj, kao i za 80 domaćinstava u ulici Mitići MZ Vrelo Bosne. Narednu inicijativu pokrećem za potkresivanje drveća u MZ Lužani u naselju

Pejton, posebno uz saobraćajnice unutar naselja i u stubove ulične rasvjete kao i da se u navedenim naseljima riješi problem sa dijelom javne rasvjete koja ne radi. Građani se obraćaju danima, imaju obećanje da je nalog izdat ali konkretno se još ništa nije uradilo. Sljedeću inicijativu pokrećem da se ubrzaju aktivnosti oko priključenja prirodnog gasa na području MZ Rakovica za domaćinstva. Prema Ministarstvu privrede, Sarajevo šumama i Ministarstvu prostornog uređenja i JU za zaštićena prirodna područja pokrećem inicijativu za uređenje područja Dolina u MZ Rakovica, kao i da se razmotri da taj lokalitet postane dio zaštićenog područja Kantona Sarajevo kojim bi upravljanje i održavanje prešlo u nadležnost JU za zaštićena prirodna područja. Ostale inicijative i pitanja kao i šire obrazloženje dostavljam u pisanoj formi. I na kraju uz navedene inicijative predlažem i zaključke za koje traćim da se skupština izjasni. Neki od njih su vezani za podnesene inicijative i pitanja, a kako bi se konačno otkočile administrativne prepreke vezane za izgradnju kanalizacione i vodovodne mreže koji građani godinama čekaju, dok se predstavnici institucija godinama dopisuju i bave birokratskim stvarima. Zaključci utemeljeni na osnovu odgovora Ministarstva KJKP VK i Opštine Ilidža na moja prethodno postavljena zastupnička pitanja kao i odgovora na inicijative i zaključke Skupštine Kantona Sarajevo na prijedlog zastupnice Srna Bajramović.

Zaključak broj 1.

Zadužuje se Ministarstvo komunalne privrede i infrastrukture i komunalno preduzeće VIK da u što kraćem roku, najdalje 30 dana d usvajanja zaključka razmotri i da saglasnost na dostavljenu idejno projektnu dokumentaciju separatne kanalizacione mreže, dostavljenu od strane opštine Ilidža za obuhvat ulica Hendekuša, Osijek, Bratunačka cesta i Osječki put. A što je preduslov za početak izgradnje kanalizacione mreže.

2. Zaduje se Ministarstvo komunalne privrede i infrastrukture i VIK da u roku od 30 dana od usvajanja zaključka razmotri i da saglasnost na dostavljenu projektno tehničku dokumentaciju..

Predsjedavajući:

Vrijeme kolega Vreto, samo molim vas da požurite.

Poslanik/zastupnik Elvis Vreto:

Imam samo još 10 sekundi. Kako bi otpočele aktivnosti na izgradnji vodovodne mreže za 180 domaćinstava u ulici Kamenolom MZ Blažuj i kao vodovodne mreže za 80 domaćinstava ulici Mitići, Vrelo Bosne, što je zaključak broj 3.

ove zaključke ću naravno poslati na grupi i na mail kako bi se mogli zastupnici izjasniti. Zahvaljujem predsjedavajući.

Predsjedavajući:

Zahvaljujem uvaženi zastupniče Vreto. Dževad Poturak je sljedeći zastupnik. Izvolite, imate riječ kolega Poturak.

Poslanik/zastupnik Dževad Poturak:

zahvaljujem predsjedavajući. Selamim i pozdravljam sve prisutne. Prije svega ja još uvijek nisam dobio odgovor od komesara policije Kantona Sarajevo zbog kamiona i pretovara na cestama na Kantonu Sarajevo? A s druge strane isto tako čestitam i komesaru policije i ministru policije na nedavno urađenoj akciji hapšenju korumpiranih policajaca. S druge strane ja imam za danas jedno pitanje, jednu inicijativu.

Pitanje za premijera Vlade jeste Vlada Kantona Sarajevo je 2019 godine donijela Uredbu o vrsti i postupku objavljivanja propisa i javnosti rada organa uprave i javnosti preduzeća i pravnih lica čiji je osnivač Kanton Sarajevo. Prema ovoj uredbi sva Ministarstva, službe, JU, JP su obavezna na svojim web stranicama objavljivati svoje propise te svoje opšte i

pojedinačne akte. Pregledom web stranica ovih javnih institucija može se vidjeti da se ova uredba ne primjenjuje. Na stranicama ministarstava od februara 2020 se gotovo ništa ne objavljuje. Na stranicama JU nisu objavljeni osnovni, opšti akti, pravilnici, poslovnici a da ne govorimo o pojedinačnim aktima. Stoga postavljam pitanje ko vrši nadzor nad ministarstvima u postupku primjene ove Uredbe? I pod dva, da li je i jedno Ministarstvo ikada izvršilo nadzor nad resornim JU i preduzećima u postupku primjene ove uredbe, što je utvrdilo i te koje je mjere preduzelo?

Moja je inicijativa za danas, pokrećem inicijativu i tražim od Vlade Kantona Sarajevo da podršku lokalnoj zajednici gdje je to neophodno da bi što bolje lokalna zajednica riješila problem registra nekretnina i da ne bi dozvolili investitorima da bježe od Kantona Sarajevo zbog nesređene evidencije o nekretninama koja je neažurna, netačna i ne predstavlja stvarno stanje na terenu. Podrška bi bila u smislu zapošljavanja dodatnih kadrova na određeno vrijeme, nabavka opreme, i rješavanja svih mogućih situacija u ovom segmentu. Zahvaljujem predsjedavajući. Toliko za danas.

Predsjedavajući:

Zahvaljujem uvaženi zastupniče Poturak. Sljedeći je u uvaženi zastupnik Čampara Aljoša. Izvolite kolega Čampara.

Poslanik/zastupnik Aljoša Čampara:

Zahvaljujem predsjedavajući da li se čujemo? OK. Hvala. Imat ću dva pitanja. Evo pokušat ću brzo da pročitam. Dakle prvo pitanje je u vezi stanja sa Vladom Kantona Sarajevo.

Svi smo svjedoci da je Kanton Sarajevo u posljednjih nekoliko sedmica postao najveći klaster u BiH i čitavom regionu, da se povećava broj zaraženih i nažalost, broj umrlih, da još uvijek nemamo usvojen, javno objavljen i stručno obrazložen put pacijenta u KS - i poslije višemjesečnog insistiranja javnosti i struke i više puta ponovljenih obećanja da će to pitanje biti riješeno, da je ministar zdravstva, kao ključna osoba zadužena za ova pitanja, mjesecima bio na bolovanju, a onda dao ostavku, da je ostavku dala i ministrica za rad i socijalnu politiku, u trenutku kada, osim problema u javnom zdravstvu imamo problem u socio-ekonomskom situaciji i konačno da je i premijer nažalost, zbog određenih zdravstvenih problema praktično van stroja.

Kratko kazano, mi u ovome trenutku nemamo Vladu u punom kapacitetu koja može odgovoriti ogromnim zdravstvenim i ekonomskim izazovima sa kojima se suočavamo. Građani KS se razboljevaju i nažalost, umiru, ostaju bez posla, privredni tokovi su prekinuti, turizam i servisne usluge su na koljenima. Takva stanje zahtijeva stalno zasjedanje Vlade koja ne zasijeda, vidljiv i efikasan rad ministarstava, posebno zdravstva koje ne radi, transparentan i stručan rad kriznog štaba koji ne zasijeda redovno, nemamo nove ekonomske mjere koje Vlada ne dostavlja itd. Imajući u vidu sve navedeno moje pitanje premijeru, predsjedavajućem Skupštine i šefovima klubova vladajuće koalicije - kada će biti kompletirana Vlada KS, evo svjedoci smo i danas šta se desilo, i kada će početi funkcionisati u punom sastavu? Ako želimo biti odgovorni prema zdravlju i standardu građana, onda se to mora desiti na narednoj sjednici Skupštine. Iako smo to očekivali da će se desiti i danas. Ja želim decidan odgovor na ovo pitanje, jer je u ovoj situaciji mnogo važno je da KS ima operativnu Vladu koja na stručan i efikasan način može odgovoriti na aktuelne probleme, nego ko će činiti tu vladu i čija će politika nadvladati. Situacija u kojoj se nalazimo nadilazi sve stranačke interese i svi to moramo posmatrati kao nadstranački cilj. Zato, ako nismo u stanju brzo kompletirati stranačku Vladu, možda bi trebali razmisliti o ekspertnoj Vladi koja bi bila imenovana i djelovala dok traje korona i dok ne krene oporavak. Siguran sam da postoje stručnjaci i eksperti koji bi se žrtvovali u narednih 6 mjeseci sa željom da pomognu građanima KS i da vode procese u pravom smjeru. Ako neko misli da nisam u pravu, uporedite stanje u KS sa drugim kantonima ili sa situacijom u regionu, pa ćete vidjeti da tamo

ministri zdravstva vode procese, da u kriznom štabu sjede adekvatni stručnjaci, da premijeri redovno izvještavaju o ekonomskim mjerama itd... Volimo da kažemo da je KS najbolji, najrazvijeniji, najefikasniji - ovo je vrijeme i momenat da to pokažemo i na djelu. I drugo pitanje, odnosi se na komunalnu privredu. Imam nekoliko pitanja uputiti nadležnoj ministrici.

Predsjedavajući:

Vrijeme kolega. Evo 30 još sekundi.

Poslanik/zastupnik Aljoša Čampara:

Evo mislim da su pitanja vrlo bitna. Neće biti ništa za jednu minutu predsjedavajući ako mi dozvolite.

Da li je istina da se u KJKP „Park“ imenovanja na određene rukovodeće pozicije vrše na način da se za potrebe upražnjavanja određenih pozicija izmijenio Statut ovog preduzeća, te da su po novom Statutu izbrisane odredbe o neophodnom iskustvu za rukovodeću poziciju, a dio kojim je bila precizirana struka koja je potrebna, dopunjen sa nekoliko fakulteta?

Da li je istina da se po ovoj matrici radi i na izmjenama Pravilnika o unutrašnjoj sistematizaciji u KJKP „Rad“, a sve sa ciljem ponovnog dovođenja Senada Hasanspahića za direktora. Pravilnik se navodno prilagođava u dijelu potrebne školske spreme, jer podsjetit ćemo naprasno imenovanje Hasanspahića već je jednom, protivno aktima preduzeća, pokušano i trajalo je 48 sati?

Da li vi ministrice Glamoč tražite za rukovodiocice, prije svega stručne osobe koje će biti na čelu ovog preduzeća, sa menadžerskim kvalitetima ili želite udovoljiti željama političkih lidera stranaka ispred kojih imenovani dolaze? Ukoliko tražite kompetencije, na raspolaganju su vam desetine mladih, obrazovanih i sposobnih kadrova koji bi mogli izvanredno voditi ova preduzeća, međutim ukoliko je u pitanju ovo drugo onda ste vi nažalost među onima koji ne poštuju standarde struke, koji ne cijene obrazovanje, iskustvo i znanje?

Da li ste svjesni da je prilagođavanje akata preduzeća najeklatantniji primjer

Predsjedavajući:

Kolega Čampara zaista evo tri i po minute, moramo prekinuti.

Poslanik/zastupnik Aljoša Čampara.

Dobro, nema veze. Ja ću ovaj ostatak dostaviti u pismenoj formi. Hvala.

Predsjedavajući:

Zahvaljujem. Suljević Samir, kolega imate riječ. Izvolite.

Poslanik/zastupnik Samir Suljević:

Hvala predsjedavajući, da li se čujemo. Odlično. Pozdravljam sve koji danas učestvuju u radu ove sjednice Skupštine kao i one koji prate. Za današnju sjednicu imam dva seta zastupničkih pitanja. Prvi set je vezan za Ministarstvo obrazovanja, nauke i mladih Kantona Sarajevo. I to je ovo:

Da li je urađena analiza online nastave obzirom na brojne probleme? Zašto se ne unificira online platforma za izvođenje nastave? Odnosno zašto sve škole ne primjenjuju Office 365 koji je od strane MONKS-a preporučen? Zašto u komisiji koja je donijela odluku o tome kako će se izvoditi nastava u novoj školskoj godini nije bilo ni nastavnika ni predstavnika sindikata, i ko će štiti njihov interes? Također interesuje me šta se dešava sa kolektivom u kojem je potvrđen slučaj među nastavnicima?

Drugi set pitanja je upućen Vladi Kantona, Ministarstvu zdravstva i Kriznom štabu.

U šta je potrošena mjesečna tranša ZZO Kantona Sarajevo ako znamo da je KC smanjio rad od 70% i da je dnevna popunjenost bolesničkih kreveta da se kretalo od 280 do 390, kada znamo da je kapacitet posteljnih kreveta cca 1400. može li mi neko objasniti šta se dešava u KC imajući u vidu da je u zadnjih mjesec dana sa istog otišlo sedam vrhunskih ljekara. Da li ZZO Kantona Sarajevo i dalje dostavlja novčana sredstva KCUS za ljekare koji su napustili tu ustanovu, to je po mojim informacijama cca 450.000 KM bruto mjesečno. Zatim, da li postoji jedinstven protokol liječenja za pacijente koji su oboljeli od COVID a imaju srednje tešku oboljelost ili se liječe kod kuće? Ko kontroliše primjenu terapije= i posljednje, koliko je pacijenata skinuto sa mehaničke ventilacije oporavljeno, kakav je procenat? Molim vas da mi pitanja odgovorite, prvi dio usmeno a drugi pismeno. Hvala.

Predsjedavajući:

Zahvaljujem uvaženi zastupniče Suljeviću. Bilsena Šahman uvažena zastupnica ima riječ. Kolegice da li ste spremni?

Poslanik/zastupnik Bilsena Šahman.

Pozdravljam sve kolege i naše sugrađane. Ja danas imam samo par pitanja, nemam inicijativu. A zahvaljujem se odgovoru ministru Juski za inicijativu od prošlog puta. Molim odgovor na pitanja, danas imamo temu COVID i nadam se da ću na ova pitanja dobiti odgovore i tražim usmene odgovore.

Zašto ste pokrenuli pripremanje izolatorij u Domu Bjelave, pitam Vladu Kantona kada je svima jasno da je tamo nemoguće napraviti uslove za bolesnike. Pogotovo za ovakvu zaraznu bolest. Koliko je koštalo opremanje izolatorija na Građevinskom fakultetu, ko je donio odluku da se rasformira i zašto? Šta je sa izolatorijem na KCUS? I dokle su stigli radovi za izolatorij u Opštoj bolnici? I kolika je popunjenost bolesničkih kreveta u KC a kolika u Opštoj bolnici? Zahvaljujem.

Predsjedavajući:

Zahvaljujem uvažena zastupnice Šahman. Jasmina Bišćević Tokić ima riječ. Kolegice izvolite.

Poslanik/zastupnik Jasmina Bišćević Tokić:

Zahvaljujem predsjedavajući. Evo s obzirom da se prvi put javljam, pozdravljam i ja također sve kolege i građane Kantona Sarajevo. Imam jedno pitanje i dvije inicijative pitanje upućuje Ministarstvu pravde i prave Kantona Sarajevo, presude ustavnih sudova govore o povredi lokalne samouprave. A imajući u vidu da nema Zakona o lokalnoj samoupravi, zanima me da li resorno ministarstvo pravde i uprave poduzimaju mjere i dali radi na donošenju Zakona o lokalnoj samoupravi, molila bih ministru da mi odgovori usmeno.

Zatim imam inicijativu prema Vladi Kantona Sarajevo i Ministarstvu za obrazovanje nauku i mlade Kantona Sarajevo. S obzirom da prema dostupnim informacijama ministarstvo je ranijih godina organiziralo posjete MC za sve srednjoškolce drugih razreda, te da su profesori historije učenicima tom prilikom prenosili historijske činjenice vezano za period agresije na BIH, od 1992 do 1995 godine, s posebnim osvrtom na događaje koji su prethodili julu 1995 godine zatim dan pada Srebrenice, kao i opis događaja koji su uslijedili nakon toga, predlažem da zbog trenutne epidemiološke situacije i pandemije COVID 19 učenici i nastavnici koriste dostupne digitalne izložbe ili viralne ture ili na drugi način u saradnji s MC Srebrenica da se organizira online edukacija učenika.

Predsjedavajući:

Kolegice da li ste tu? Ne čujemo vas.

Poslanik/zastupnik Jasmina Bišćević Tokić:

I imam inicijativu koju upućujem također Vladi Kantona Sarajevo, ministarstvu unutrašnjih poslova.

Predsjedavajući:

Kolegice nismo vas čuli zadnji. Kolegice Bišćević Tokić mi vas ništa nismo čuli.

Poslanik/zastupnik Jasmina Bišćević Tokić.

Predsjedavajući jel me sada čujete?

Predsjedavajući.

Mi vas sada čujemo ali vas ali vas ništa nismo čuli. Evo ja vama hajte popravite konekciju pa ću ja vama dati riječ.

Poslanik/zastupnik Jasmina Bišćević Tokić.

Hoću li ponoviti svoja pitanja i inicijative?

Predsjedavajući:

Hajte ponovite jer vas zaista ništa nismo čuli.

Poslanik/zastupnik Jasmina Bišćević Tokić.

Pitanje je bilo upućeno Ministarstvu pravde i prave Kantona Sarajevo, i molila bih ministricu usmeno da mi odgovori, znači presude ustavnih sudova govore o povredi lokalne samouprave. A imajući u vidu da nema Zakona o lokalnoj samoupravi, zanima me da li resorno ministarstvo pravde i uprave poduzimaju mjere i dali radi na donošenju Zakona o lokalnoj samoupravi?

Inicijativa je bila upućena prema Vladi Kantona Sarajevo i Ministarstvu za obrazovanje nauku i mlade Kantona Sarajevo. S obzirom da prema dostupnim informacijama MONKS je ranijih godina organiziralo posjete MC za sve srednjoškolce drugih razreda, te da su profesori historije učenicima tom prilikom prenosili historijske činjenice vezano za period agresije na BiH, od 1992 do 1995 godine, s posebnim osvrtom na događaje koji su prethodili julu 1995 godine zatim dan pada Srebrenice, kao i opis događaja koji su uslijedili nakon toga, predlažem da zbog trenutne epidemiološke situacije i pandemije COVID-19 učenici i nastavnici koriste dostupne digitalne izložbe ili virtualne ture ili na drugi način u saradnji s MC Srebrenica da se organizira online edukacija učenika.

I druga inicijativa upućena Vladi Kantona Sarajevo Ministarstvu pravde i uprave Kantona Sarajevo i Ministarstvu unutrašnjih poslova Kantona Sarajevo da predlože uređenje korištenja električnih romobila.

Obrazloženje:

Svjedoci smo svakodnevnih nesreća koje se dešavaju uslijed voženje električnim romobilima te predlažem Ministarstvu pravde i uprave Kantona Sarajevo i Ministarstvu unutrašnjih poslova Kantona Sarajevo da iniciraju uređenje ovog pitanja u okviru zakona. Zahvaljujem predsjedavajući. Evo ja se nadam da smo se ovaj put čuli.

Predsjedavajući:

Jesmo kolegice Bišćević-Tokić. Kolega Zvonko Marić.

Poslanik/zastupnik Zvonko Marić:

Zahvaljujem predsjedavajući. Ja imam nekoliko pitanja. Prvo se odnosi na činjenicu da znamo u kakvoj je situaciji zdravstvo u Kantonu Sarajevo. I problemi sa COVID-19 ali mene interesira ono što i građane, čuo sam od mnogih od njih, da ih zanima zašto i gdje je zapravo

donirana oprema, sredstva medicinska, kupljena, nabavljena itd, i molim sve nadležne da mi daju precizan i jasan odgovor zašto se ta roba i ta sredstva ne dijele ustanovama i pojedincima. Na kraju krajeva, ako svi ističemo da su nam građani i zdravlje građana najbitniji, zašto se ta oprema ako izuzmemo respiratore koji su bili sporni ne podijeli ustanovama i građana. Jer otvara se naravno prostor i ruši se kredibilitet tih institucija koje su zadužene za takvo nešto iz prostog razloga što se sada spekulira, i već je u medijima i počelo tako nešto da je ta roba možda za tržište a ne za zdravstvene ustanove i pomoć građana. Ako je to onda želim odgovor i naprosto ko je zarobio sva ta sredstva, pod kojim izgovorom i s kojom namjerom zapravo ili možda treba da zamolimo kao što sam već jednom rekao specijalce Dragana Vikića da oslobode ta sredstva koja su kupljena od novaca građana. Prema tome, molim vas ako već imamo neprijatelja za kojeg smatraju da je nevidljivi, onda je to i način borbe. Ako podijelimo ta sredstva za koje vrijeme se ona čuvaju, za koga? Za tržište možda. Za crno tržište i onda ćemo raspravljati o takvim pitanjima. To su ključne stvari na koje želim da čujem odgovor svih nadležnih institucija. I također to ne izuzima ni Vladu koja je zahvaljujući UNDP nabavila po povoljnim cijenama respiratore i koliko znam oni su odgovarajući. Na koji način i koji je to kriterij podjele tih sredstava. Zatim ponukan člankom u Slobodnoj Europi, moram postaviti pitanje s obzirom da se sve više pominje diskriminacija pacijenata, onih hroničnih bolesnika, oni su nekako u drugom planu i sve je fokusirano na COVID-19. Koliko zapravo ljudi je umrlo u proteklom periodu od COVID-a a koliko od drugih bolesti? I molim vas da zdravstvo vodi računa o tome da vrati jednaka prava svim građanima kada je riječ o zdravstvenoj zaštiti jer u suprotnom zaista mi idemo pogrešnim putem. Molio bih odgovore na ova pitanja. I prije svega o ovom broju jer se spekulira da se jasno, nedvosmisleno istupi i objasni javnosti koliko je umrlih zbog uzroka ranih hroničnih bolesti a koliko onih od COVID, da napokon vidimo da li je zaista prisutna. Jer nekako stiče se dojam da doktori, tako barem pacijenti tvrde, pokušavaju da bježe od pacijenata. To je nedopustivo u zdravstvu. Hvala vam lijepa.

Predsjedavajući:

Hvala vam uvaženi zastupniče Marić. Okerić Elvedin ima riječ. Kolega Okerić izvolite. Kolega Okerić ako niste spremni, možemo nekom drugom dati riječ pa ćemo vas uključiti kada budete spremni. Dopredsjedavajuća Kristić Danijela, izvolite.

Dopredsjedavajuća Danijela Kristić.

Zahvaljujem predsjedavajući. Pozdravljam sve prisutne i gledaoce kraj malih ekrana obzirom da se javljam prvi put. Ja danas imam jedan zaključak za koji želim da se izjasni Skupština. Obavezuje se Vlada Kantona Sarajevo, Ministarstvo zdravstva KS i Zavod zdravstvenog osiguranja da se odmah počne primjenjivati Uredba i raspišu tenderi za kontinuirane mjerače i glukozne senzore, ketonske trakice, zamjenske pumpe, potrošni materijal i tender za trakice za mjerenje šećera za odrasle (kako bi ukinuli referalnu cijenu koja je 3 puta viša od realne) Obavezuje se Vlada Kantona Sarajevo, Ministarstvo zdravstva KS i Zavod zdravstvenog osiguranja KS da u roku od 60 dana realizuju 4. zaključka Skupštine Kantona Sarajevo koji su jednoglasno usvojeni na 43. radnoj sjednici od 25.06.2018 godine.

Obrazloženje

Udruženje dijabetičara djece i omladine Kantona Sarajevo (u daljem tekstu (UDDOKS) je 25. Juna 2018 godine Skupštini Kantona Sarajevo uputilo inicijativu „Život sa manje boli“ zbog unapređenja zdravlja djece i mladih sa dijabetesom. Na 43. Radnoj sjednici Skupštine Kantona Sarajevo zastupnici su jednoglasno usvojili 4. Zaključka za unapređenje zdravstvene zaštite za djecu i mlade.

Dopis Udruženja sekretarki zajedno sa zaključkom (nerazumljivo).

Drugo zastupničko pitanje ide Uredu za borbu protiv korupcije i upravljanje kvalitetom i Kantonalnoj upravi za inspekcijske poslove.

U medijima su se pojavili navodi da KJKP Park mijenjao statut preduzeća kako bi mogli biti uposleni: Adnan Čustović, Goran Mačkić iz razloga što navedena lica nisu ispunjavanja dva uslova potrebna za poziciju izvršnih direktora u Parku. Prema navodima iz statuta Parka brisane su odredbe za neophodno iskustvo na rukovodećim pozicijama odredba u kojoj je navedeno bio tehnički fakultet je promijenjen na način da je izvršni direktori mogu imati bilo koji fakultet, pa bio tehničkog smjera, ekonomskog društvene nauke. Također je mijenjan statut Parka zbog imenovanja Edina Abdurahmanovića na poziciju direktora Parka u kojima je jedan uslova bio da budući direktor mora da bude osoba koja je prošla odgovarajuće usavršavanje u skladu sa Uredbom o usavršavanju predsjednika i članova NO i uprava privrednih društava sa učešćem državnog kapitala. Zamijenjeno je sa dijelom: se obavezati da će se obaviti odgovarajuće usavršavanje jer direktor Abdurahmanović ne ispunjava uslove koji je bio u prethodnom statut. Izmijenjena je odredba koja određuje da direktor mora imati pet godina iskustva u struci, na način da su izbrisani riječi "u struci" što znači da direktor, prema novom Statutu Parka može imati pet godina bilo kakvog radnog iskustva. Molim KUIP i Ured za borbu protiv korupcije Kantona Sarajevo da svako iz svoje nadležnosti poduzme predviđene zakonske radnje i utvrdi istinitost navoda te poduzme potrebna radnje ukoliko se utvrdi istinitost istih. Poslat ću predati u pisanoj formi.

Predsjedavajući:

Zahvaljujem uvažena dopredsjedavajuća Kristić. Dopredsjedavajući Handžić Vibor ima riječ kolega izvolite.

Dopredsjedavajući Vibor Handžić.

Zahvaljujem predsjedavajući. Imam nekoliko pitanja i inicijativa ali ću jednu samo pročitati dok ću ostale dostaviti pismeno, zbog važnosti tačke koja je pred nama.

Ispred Kluba zastupnika Naše stranke, pokrećem inicijativu za zakazivanje održavanja tematske sjednice Skupštine Kantona Sarajevo povodom migrantske krize u Kantonu Sarajevo.

Ja ću napomenuti da smo mi prije, pa možda sada skoro godinu dana donijeli jednoglasno neke zaključke kao Skupština. Čini mi se da ih je tada predložio kolega Marić koje smo uspjeli prema državnom Ministarstvu sigurnosti i prema državnom nivou generalnoj koje je nadležan za ovu informatiku i da nikakve povratne informacije biti bilo kakav pokušaj rješavanja ovog problema nekako na terenu, šta više imamo sljedeći rast jedne potpune anarhije i što je još gore ona se sada dešava daleko o očiju javnosti s obzirom da se nalazimo u jednom specifičnom trenutku i periodu koje se odnosi na pandemiju i nekako je ovaj problem otišao potpuno na margine. I mi insistiramo da se na tu tematsku sjednicu moraju pozivati predstavnici lokalnih zajednica, upravnici prihvatnih centara, predstavnici Ministarstva sigurnosti BIH, ureda za strance, nevladinih u druga koje se bave problemima migranata, nevladinih udruga koje se bave problemima migranata, te IOM. Napominjem da prema njihovim podacima u prvoj polovini ove godine je oko 75 događaja sa obilježjima krivičnog djela u kojem su učestvovali direktno migranti, i naravno, mi moramo kao Skupština i kao Kanton Sarajevo iako nismo nadležni da poduzmemo nešto hitno po ovom pitanju i da tražimo ona rješenja koja će iziskivati humani tretman i poštivanje ljudskih prava prema toj populaciji, ali naravno i u cilju zaštite sigurnosne situacije u Kantonu Sarajevo, i imovine građana Kantona Sarajevo. I samo još jednu stvar želim da napomenem, nezvano za ovu temu, molim da predstavnici Vlade koji budu odgovarali usmeno na današnja pitanja zastupnika, te odgovore i ponude, jer napominjem da smo na prošloj sjednici imali obećanja od premijera da sve odgovore koje nismo dobili usmeno da ćemo ih u tku sljedećeg dana

dobiti u pismenom obliku i nismo ih nikada dobili. Ne govorim, premijer je imao zdravstvenih problema, ali to je morao i mogao uraditi neko ko ga je mijenjao u tom momentu. Zahvaljujem.

Predsjedavajući:

Zahvaljujem. Kolega Okerić Elvedin je javio u grupu da je spreman, tehnički. Izvolite, imate riječ.

Poslanik/zastupnik Elvedin Okerić:

Zahvaljujem. Uvaženi predsjedavajući, poštovani građani pored malih ekrana, sve vas srdačno pozdravljam. Imam jedno pitanje koje se odnosi na predsjednika komisije za izbor i imenovanja i administrativna pitanja, gospodina Mahira Devića. 18.05.2020 Skupština Kantona Sarajevo usvojila je moju inicijativu koja je glasila: „ U skladu sa članom 31.stav 1 tačka b) Zakona o unutrašnjim poslovima Kantona Sarajevo i Poslovnikom Skupštine Kantona Sarajevo podnio sam inicijativu za utvrđivanje (izgubio se snimak).

Predsjedavajući:

Kolega Okerić ponovo imate tehničkih problema. Ukoliko niste spremni molim vas da se javite kada budete spremni. Kolega Pleho Haris. Izvolite uvaženi zastupniče Pleho.

Poslanik/zastupnik Pleho Haris:

Hvala predsjedavajući. Prije svega želim sve srdačno da pozdravim i poselamim, kao i gledaoce pored malih ekrana. Ja imam jedno kratko pitanje koje upućujem Ministarstvu obrazovanja. Molim ministra da mi odgovori na koji način će se nadzirati pridržavanje propisanih mjera nadležnih u školama, kako kod nastavnog i ostalog osoblja, tako i kod učenika? Molim ministra da mi da usmeni odgovor. Hvala predsjedavajući.

Predsjedavajući:

Zahvaljujem. Sljedeći ima riječ uvaženi zastupnik Jakupović Vedran izvolite.

Poslanik/zastupnik Vedran Jakupović:

Zahvaljujem predsjedavajući. Samo da provjerim je li se čujemo. Pozdravljam vas i sve kolege i naravno gledaoce pored malih ekrana. Kratko neću obrazlagati pitanje, odnosno inicijativa ide za Ministarstvo privrede za ukidanje stavki j) i m) u članu 24. Zakona (nerazumljivo jer predsjedavajući govori istovremeno). Jel ima problem neki ili? Dakle ukidanje dvije stavke j) i m) u članu 24 Zakona o turizmu, koje se odnosi na licenciranje odnosno članstvo u organizaciji Asocijacije UTH BIH koja je balast uglavnom turističke agencije koje su operativne na području Kantona Sarajevo jer se ista ne odnosi na ostale kantone, dok se na državnom ili federalnom nivou ove stvari ne riješe, da se uklone ova dva člana. Ja ću to u pisanoj formi proslijediti. I ostala pitanja koja imam također u pisanoj formi. Hvala.

Predsjedavajući:

Zahvaljujem. Uvažena zastupnica Bešlija Vildana ima riječ. Kolegice jeste li vi spremni?

Poslanik/zastupnik Vildana Bešlija:

Jesam, hvala predsjedavajući. Ja ću neke od inicijativa, što budem stigla pročitati, a ostalo ću dostaviti u pisanoj formi. Interesuje me da dobijem informaciju od Vlade i ministra naravno koliko nas košta ne odlazak djece u školu? Trošak koji se odnosi na smanjeni kvalitet obrazovanja putem online nastave, te u manjoj mjeri gubitak koji se reflektuje i na produktivnost roditelja. D ali su ovi parametri ili da budem preciznija koji parametri su se sve

uzimali u obzir prilikom donošenja odluke o organizovanju nastave u Kantonu Sarajevo i ako jesu, molim da mi se dostave te procjene i proračuni. Da li je izvršena obavezna proljetna faza sistemske deratizacije na području Kantona Sarajevo koja je propisana programom mjera obavezna preventivna sistemska deratizacija za period od 2020 do 2022 i koja je predviđena bila da se uradi od 01. aprila do 30 maja i pitanje koje sam postavljiva prije izvjesnog vremena i na osnovu tog pitanja sam dobila odgovor iz kog je vidljivo da to još uvijek nije urađeno. Da je istekao ugovor sa firmom Sanitacija koji je trajao tri godine. Da smo imali neke dvije žalbe, međutim zakonom o javnim nabavkama BIH a naročito dio koji se odnosi na odlučivanje ureda po žalbama je definisano jasno kako se te stvari rješavaju. Tako da nije mi jasno zbog čega žalba Sanitacije je podnesena 03.03 i prema članu 11 Ured je trebao najkasnije do 03.04. donijeti to rješenje. To se nije desilo. Iz spisa koje sam imala u posjedu jasno je da su bile dvije žalbe: Sanitacija i Sanitarac Vlasenica. Međutim u ovom slučaju, Ured je trebao spojiti postupke, ne znam šta je razlog i zbog čega to nije urađeno, pogotovo kada imamo situaciju pandemije. Ostaje nejasno šta se dešava od 04.marta pa do danas. Već davno je to trebalo biti na snazi rješenje Uredu da je žalba odbijena ili odbačena postupak je već trebao biti završen a obaveze dobavljača izvršena. Tako da u slučaju da je postupak poništen već je trebao biti raspisan javni poziv i stoga molim da mi se još jednom konkretno odgovori i da se ovo pitanje riješi.

Također upućujem inicijativu Kantonalnoj upravi za inspeksijske poslove i Ministarstvu privrede. Na osnovu molbe građana, udruženja te informacije koje su se pojavile u medijima, podnosim inicijativu KUIP da izvrši nadzor nad sječom šume na lokalitetu Crna rijeka. Prema navodima u medijima, planira se i dalja sječa prema Zucinim vrelima, lokacija Crna rijeka je u klisuri Rakitnice, što je zakonom zaštićeno područje i pripada Kantonu Sarajevo, tačnije općini Trnovo. Lokalno stanovništvo tvrdi da sječu šume vrši privatna firma ali uz odobrenje KJKP Sarajevo šume. Također se prema navodima u medijima i lokalitetu prema Visočici radi devastacija i sječa Kržave, predplaninske bukve, na veoma strmom terenu pored puta i iza Sinanovića. Molim KUIP da izvrši nadzor i utvrdi istinitost navoda te poduzme potrebne zakonske radnje. također molim Ministarstvo privrede da poduzme potrebne korake iz svoje nadležnosti. Hvala vam.

Predsjedavajući:

Zahvaljujem uvažena zastupnice Bešlija. Sljedeća ima riječ uvažena zastupnica Dizdarević Neira. Kolegice jeste li spremni vi?

Poslanik/zastupnik Neira Dizdarević:

Jesam predsjedavajući. Hvala. Ja također za danas imam više pitanja i inicijativa. Pročitat ću samo ona na koja ću moliti usmeni odgovor. Pitanje iz oblasti Ministarstva obrazovanja, odnosno najave nove školske godine. Ako može dodatno pojašnjenje šta znači da neće biti novih nastavnih sadržaja već da će se ponavljati gradivo iz prethodnog razreda? Da li svi roditelji imaju pravo na izbor da li će dijete slati u školu ili će nastavu pratiti online? Na koji način će se organizovati nastava za obavezno predškolsko obrazovanje? Kako je predviđena nastava za djecu s poteškoćama u razvoju i njihove asistente, a kako za istu kategoriju djece u predškolskom uzrastu? Te vezano za problem subvencioniranja mališana na listi čekanja za vrtiće, vidjela sam da je ministar dao određeni intervju u kojem je najavio da određena interresorna grupa radi na rješavanju ovog problema, pa pitanje jeste da li se mogu određena rješenja već nazirati, odnosno kada će roditelji imati informaciju šta će se desiti sa djecom koja su na listama čekanja za upis u vrtić? Ja ću također jedan zaključak, već sam poslala e-mailom i zamolit ću da se Skupština izjasni o istom. A sada neću trošiti vrijeme na to, pa ću zamoliti vas predsjedavajući kada dođe vrijeme za izjašnjenje, da iste pročitate. Toliko. Hvala.

Predsjedavajući.

Zahvaljujem uvažena kolegice Dizdarević. Sljedeća ima riječ uvažena zastupnica Junuzović Kaljić Amra. Izvolite.

Poslanik/zastupnik Amra Junuzović-Kaljić:

Dobar dan. Srdačan pozdrav koji rade i koji prate Skupštinu Kantona Sarajevo. Ja ću vrlo kratko. Obzirom da se radi o praktički ponavljanju inicijative koja je, koju sam ja dala na 27. radnoj sjednici koja je po dostupnim podacima prosljeđena ZZO Kantona Sarajevo. A radi se praktički o inicijativi kojom i u ime građana i u ime medicinskog osoblja kojim je sistem MedicT neophodan za normalno funkcionisanje ili adekvatno funkcionisanje uopće zdravstvenog sistema, znači taj sistem, ta forma koja praktički treba da podržava sve ove, sve za ISBIS za E-doktor, za e-apoteka itd. Za zdravstveni sistem, ima toliko propusta i toliko tehničkih momenata padova toga sistema koji zdravstveni radnici u Kantonu Sarajevo više e mogu da izdrže. Da bih vam ilustrirala samo situaciju, evo našoj redovnoj komunikaciji zdravstvenih profesionalaca ljekara, medicinskih sestara i svih ostalih koji rade, kojima je neophodno za normalan rad, mi smo izloženi prije svega neadekvatno pružanje zdravstvenih usluga našim pacijentima, a onda izloženi smo i kako bih rekla, i psovkama i vrlo ružnom nastupu iznerviranih pacijenata itd. A sve se radi o slabosti Medita. Ovo molim vas je ponavljanje inicijative koja je prosljeđena ZZO Kantona Sarajevo da poboljša usluge koje se pružaju putem Medita. Hvala lijepo.

Predsjedavajući:

zahvaljujem uvažena zastupnice Junuzović-Kaljić. Admela Hodžić je sljedeća zastupnica. Kolegica da li je spremna?

Poslanik/zastupnik Admela Hodžić:

Da li me čujete predsjedavajući? Zahvaljujem. Pozdravljam sve kolege i kolegice kao i gledatelje koji prate rad današnje naše sjednice. Upućujem Ministarstvu pravde i uprave Kantona Sarajevo da u saradnji sa Udruženjem gluhih Kantona Sarajevo obezbijedi edukaciju, odnosno pohađanje kursa znakovnog jezika za zaposlene u organima i institucijama Kantona Sarajevo, kao i druga pravna i fizička lica zainteresovana za učenje znakovnog jezika, a radi obezbjeđenja uspješnije komunikacije sa gluhim licima. Obrazloženje:

U cilju uključivanja zaposlenih u organima i institucijama Kantona Sarajevo, koji nemaju oštećen sluh u problematiku gluhih lica, humanizacije odnosa prema gluhim licima i omogućavanja uspješnije međusobne komunikacije, kao i to da gluhe osobe ostvare svoje pravo komunikacije Zakonom propisano.

Članom 27. Zakona o upotrebi znakovnog jezika u Kantonu Sarajevo („Službene novine Kantona Sarajevo“ broj 11/11), propisano je da organi i institucije Kantona, u saradnji sa Udruženjem gluhih Kantona Sarajevo, mogu obezbijediti pohađanje kursa znakovnog jezika za zaposlenike, radi obezbjeđenja uspješnije komunikacije sa gluhim licem. Članom 10. Istog zakona propisano je da udruženje može organizovati edukaciju/ kurseve za organe institucije Kantona, kao i za druga pravna i fizička lica zainteresovana za učenje znakovnog jezika, te da ove poslove Udruženje obavlja kao javna ovlaštenja i kao udruženje od javnog interesa. Toliko. Zahvaljujem.

Predsjedavajući:

Zahvaljujem uvažena zastupnice Hodžić. Mekić Amel je sljedeći zastupnik. Izvolite kolega.

Poslanik/zastupnik Amel Mekić:

Hvala vam predsjedavajući. Da li se dobro čujemo? Evo pitanja. Šta je MONKS uradio u

proteklom periodu raspusta i godišnjih odmora za unapređenje online nastave? Konkretno da nam se kaže šta? Dalje, stručno usavršavanje nastavnog osoblja konkretno, iznosi koliko je uložio u stručno usavršavanje opremanje škola, informatizaciju i dezinfekciju škola? Dalje informatizacija škola u smislu internet priključaka i nabavke IT opreme, baza podataka osoba uposlenika škola koje spadaju u rizičnu skupinu pored nastavnog osoblja i drugih uposlenika. Također da pitam za bazu podataka osoba uposlenika škole koje su u proteklom periodu prebolovale COVID-19, da li su te osobe razvitkom antitijela prestale da budu prenosioci virusa? Da li je izvršena dezinfekcija školskih prostorija, ako jeste kada je urađena? Ko je to uradio? I da li postoji pisani trag o tome? Da li su odgojno-obrazovne institucije u Kantonu Sarajevo dobile sredstva za dezinfekciju prostorija i osoblja? I učenika kada počnu dolaziti u školu? Ako jesu, koliko? I naravno koja je to vrsta dezinficijensa? Da li je pouzdana i siguran, treba da se provjeri. Dalje, postoji li baza podataka o djeci koja spadaju u rizične skupine, kao što su srčani bolesnici, bolesnici od respiratornih oboljenja, bubrežni bolesnici, itd? Ako postoji ko ju je pravio? Da li postoji baza podataka djecu u Kantonu Sarajevo kojisu proteklom periodu bila oboljela od COVID-19 obzirom na put pacijenta u Kantonu Sarajevo ovo je jako važno pitanje jer znamo svi šta se dešava kada nazovete da prijavite simptome. Naime, jako puno djece uzrasta od 12 do 18 godina u protekla tri mjeseca je imalo simptome ali nisu ni pregledani, odnosno testirani niti liječeni. D ali su takva djeca razvila antitijela i da li su oni potencijalni prenosioci? Da li postoji baza podataka sa domaćinstvima koja broji već broj školske djece, tri i više, da li te porodice imaju uslove da se djeca online školuju, u smislu IT opreme, konekcije, prostora, da opet ne padne teret na humanitarne akcije kod nabavke opreme i na pojedinačne donacije. I zadnje pitanje, da li postoji baza podataka kojom IT opremom raspoložu djeca i nastavno osoblje i dali je moguće imati kvalitetnu nastavu sa ovakvom opremom koje imaju (predsjedavajući prekinuo zastupnika).

Predsjedavajući:

Vrijeme kolega. Zahvaljujem kolega. Uvaženi Damir Nikšić je sljedeći. Kolega Nikšiću izvolite. Imate riječ.

Poslanik/zastupnik Damir Nikšić:

Hvala. Ja imam samo jednu zastupničku inicijativu koju ponavljam. Izgleda da sam je podnio prije, ali nisam ništa dobio nazad.

Podnosim inicijativu prema Vladi KS i resornom ministarstvu da privremeno proglasi univerzalnu zdravstvenu zaštitu. Obrazloženje: postoji mnogo građana koji nemaju zdravstveno osiguranje iako se svim najamnim radnicima (freelancerima) zakonom odbija 4% od svakog ugovora za zdravstveno osiguranje bez obzira da li su osigurani ili ne, tj. da li ga već redovno uplaćuju iz svojih plata ili ne. Pošto su neki morali uplatiti ove doprinose i do tri godine unazad (a da uopšte nisu osigurani) postoji novac koji je zdravstvo dobilo, a koji može pokriti troškove liječenja onih koji nemaju osiguranje. Eto, to je ta inicijativa. Hvala vam.

Predsjedavajući:

Kolega Stojanoviću da li ste spremni? Kolega Konaković Elmedin da li ste vi spremni?

Poslanik/zastupnik Elmedin Konaković.

Predsjedavajući jesam ako čujete. Ja imam jednu kratku ali po meni vrlo važnu inicijativu. Dakle pokrećem inicijativu prema Vladi Kantona Sarajevo, resornom Ministarstvu obrazovanja, nauke i mladih da u okviru svojih aktivnosti HITNO iznađu sredstva kako bi se nastavio Projekat finansiranja privatnih vrtića za djecu koja su na listi čekanja u javnim.

Obrazloženje: ako je ikada trebala podrška ljudima koji se bore na radnim mjestima sačuvati egzistenciju, a djecu nemaju kome ostaviti onda je to u ovom trenutku. I u ovakvom budžetu u kojem sam vidio tih famoznih 61 milion za rekonstrukciju ulica, mislim da je nemoguće da ne

možete naći nekoliko miliona kako bi se ovaj projekat, jedan od najboljih u Kantonu Sarajevo nastavio. I samo pridružujem se zapravo pitanju nekoliko je kolega postavilo, tražim usmeni odgovor od ministricе Glamoč da li je tačno da su u Parku imenovani ljudi nakon što su im prilagođeni uslovi imenovanja kroz izmjene statuta i da li je u tu firmu imenovan Goran Mačkić čovjek koji je trebao biti ministar privrede u Kantonu Sarajevo? Ministricе Glamoč tražim od vas usmeni odgovor. Hvala vam.

Predsjedavajući:

Zahvaljujem. Kolega Okerić da li ste vi sada spremni?

Poslanik/zastupnik Elvedin Okerić:

Jesam, ne znam čujemo li se? Zahvaljujem predsjedavajući. Imam jedno pitanje za predsjednika Komisije za izbor imenovanje i administrativna pitanja gospodina Mahira Devića. 18.05.2020.godine Skupština Kantona Sarajevo usvojila je mogu inicijativu koja je glasila: „ U skladu sa članom 31, stav 1. tačka b) Zakon o unutrašnjim poslovima Kantona Sarajevo i Poslovníkom Skupštine Kantona Sarajevo podnosim inicijativu za utvrđivanje odgovornosti eventualno.

Predsjedavajući.

Kolega Okeriću ponovo smo vas izgubili. Kolega Stojanović da li ste vi sada spremni?

Poslanik/zastupnik Elvedin Okerić:

Čujemo li se sada? Da li da nastavim? Znači inicijativa je glasila „ U skladu sa članom 31, stav 1. tačka b) Zakon o unutrašnjim poslovima Kantona Sarajevo i Poslovníkom Skupštine Kantona Sarajevo podnosim inicijativu za utvrđivanje odgovornosti i eventualne smjene članova Nezavisnog odbora koji su eventualno postupili suprotno navedenom Zakonu, Poslovníku o radu Nezavisnog odbora. Nezavisni odbor za mjesec februar 2020 godine nije održao niti jednu sjednicu a po Zakonu je obavezan održati minimalno jednu sjednicu. Iz izvještaja i naknadno dostavljenih zapisnika i poziva za sjednice NO jasno se vidjelo da su pojedini članovi opstruirali donošenje prijedloga pismene ocjene za policijskog komesara za 2019 godinu. Javnost je opravdano zabrinuta i pita se da li su ove opstrukcije imale veze sa posljednjom akcijom MUP-a Kantona Sarajevo i hapšenjem velikog broja policajaca povezanih sa korupcijom. Komisija za izbor i imenovanja i administrativna pitanja je skupštinsko tijelo koje treba da provede proceduru utvrđivanja odgovornosti pojedinih članova NO, i izvijesti Skupštinu Kantona Sarajevo o provedenim aktivnostima. Pitanje za predsjednika komisije gospodina Devića, šta je nadležna komisija do sada uradila? Već su tri mjeseca prošla a Skupština Kantona Sarajevo nema nikakvu informaciju. Molim usmeni odgovor. Hvala.

Predsjedavajući:

Zahvaljujem uvaženi zastupniče Okeriću. Samo bih molio gospodina Stojanovića ako je sada spreman, jer se i on prijavio za pitanja ili inicijativu, pa ako je online da se prijavi ponovo u viber grupu. Ili da se javi direktno. Kolega Stojanoviću da li se čujemo? Na žalost ne čujemo uvaženog zastupnika Stojanovića. Vi možete Stojanoviću ako me čujete prosljediti pisano resornom Ministarstvu ili već kome uputite pitanje.

Nemamo više prijavljenih. Premijeru molim da se redosljedom krene sa odgovorima. Ili trebate pauzu za pripremu odgovora, da li se čujemo premijeru?

Premijer Mario Nenadić:

Poštovani predsjedavajući, dopredsjedavajući, uvažena zastupnice i zastupnici, prije svega vas pozdravljam obzirom da se prvi put od jutros javljam. Hvala svima na podršci tokom mog

prošlosedmičnog liječenja, kako zastupnicima tako i građanima Kantona Sarajevo i predstavnicima i institucija i političkih partija, pozicije i opozicije. Zaista sam imao punu podršku, ponavljam tokom jednosedmičnog odsustava sa dužnosti zbog bolovanja. Ja bih ipak predložio, obzirom da ni ja sada nemam i ministri su također online, nisu svi na jednom mjestu. Ja bih ipak predložio kratku pauzu evo makar 15 do 20 minuta da bi smo dogovorili redosljed davanja odgovora na pitanja, ukoliko je to moguće jer ja nemam kraj sebe sve ministre, moram iskoordinirati isto kao što i vi koordinirate online. Ili da se oni prijavljuju sami redom kako su pitanja postavljanja. Dakle ne radi se o potrebi pripreme pitanja, ali da bih mogao organizirati red i davanje odgovora na pitanja evo potrebno je ovo što sam zamolio.

Predsjedavajući:

Zahvaljujem premijeru. Evo ukoliko se kolege i kolegice slažu, dajem pauzu 20 minuta kako bi ste se vi pripremili da odgovorite na postavljena pitanja. Pauza do 13,15.

NASTAVAK NAKON PAUZE

Predsjedavajući:

Premijeru mi vas čujemo. Evo samo sekunda da se TVSA uključi pa ćemo vam dati riječ. Nastavljamo sa radom 28. radna sjednice Skupštine Kantona Sarajevo, poslanička inicijative i odgovori. Završili smo sa postavljanjem pitanja. Premijer i resorni ministri će odgovoriti na postavljena pitanja. Premijeru izvolite, imate riječ. I neka se pripreme ostali ministri.

Premijer Mario Nenadić:

Hvala vam. Evo iako zadnje dvije rečenice nisam čuo, ali čim ste mi dali riječ pretpostavljam da smo spremni. Zahvaljujem se na pauzi koju ste nam omogućili da prekontrolišemo na koga su se sve pitanja odnosila. Pitanja su postavljena uglavnom za resore obrazovanje, nauke i mladih, za gospodina ministra Krivića. Za Ministarstvo pravde i uprave gospođu Kusturu, za gospođu Nihadu, ministricu komunalne privrede i infrastrukture, također dio pitanja se odnosio na Ministarstvo zdravstva, odgovore će dati resorni pomoćnik, i također gospođa Aida Pilav iz Kriznog štaba Ministarstva zdravstva Kantona Sarajevo. Dok pregledom pitanja nismo vidjeli, odnosno nije bilo evidentiranih pitanja za ministra Alikadića, Jeličića, Kapidžića, Kalema, ali ministri su tu ukoliko smo slučajno propustili da neko od njih nije evidentirao svoje pitanje dat će ga dopunski. Tokom odgovora, odnosno vremena za odgovore. Dogovorili smo se da obzirom da je najveće interesovanje, što je i prirodno računajući da smo pred početkom školske godine, najveći broj pitanja odnosio se na ministra Anisa Krivića. Dogovorili smo se da tim redom i krenemo. Ja bih prije toga samo, bilo je par opštih pitanja koji su se odnosili na rad Vlade. Uvaženi zastupnik Aljoša Čampara dao je nekoliko konstatacija ocjena vezano za radi ostalo, pa ću ja samo kratko da obavijestim da bez obzira na činjenicu da imamo dva ministra u ostavci, ministar zdravstva prof. Rusmir Mesihović je na bolovanju i on bolovanje koristi. S druge strane ministrica za rad socijalnu politiku, raseljenje osobe i izbjeglice, gospođa Jasna Agić, je podnijela ostavku iz zdravstvenih razlog ali ona radi i funkcionira u Ministarstvu redovno, tokom čitavog ovog perioda. Vlada je imala od formiranja stupanja na dužnost, 03.03. o.g. Vlada je imala čak 81 sjednicu i tom prilikom razmatramo je 2050 tačkama. Sve odluke za sada Vlada je donijela jednoglasno. Radi se redovno i zasjeda. Činjenica da se prate vanredne okolnosti dokazuje se i time da je značajno veći broj vanrednih nego redovnih sjednica Vlade. Sigurno da imamo veliki problem zbog nepostojanja odnosno nefunkcionisanja ministra zdravstva, to nam stvara trenutno najveće probleme u radu Vlade. Evo ja sam očekivao danas imati imenovanje. Ukoliko se to ne desi, ja ću već od sutra prekosutra morati donijeti odluku o privremenom imenovanju v.d. odnosno poduzeti i druge mjere kako bi smo nadoknadili taj nedostatak

funkcionalnog djelovanja ministra zdravstva u ovako teškom vremenu. Kako je danas tematska sjednica Vlade vezano za pandemiju, odnosno koronu, nećemo u ovom uvodnom dijelu tokom ovih odgovora puno odgovarati vezano za pitanja koja se odnose na zdravstvo, osim ona koja su direktno upućen i na koja je moguće dati usmeni odgovor odmah. Vezano za funkcionisanje drugih resora, ne bih u ovom osvrtu govorio sada kako bi smo ostavili vrijeme da se odgovori na direktne upite zastupnika, ne bih govorio o tome što je urađeno, realizirano u oblasti bilo kog od ministarstava posebno. Ali ukoliko bude potrebe spremni smo da na licu mjesta govorimo i tim rezultatima koji su postignuti u rad Vlade. Tako da ja predlažem da u odgovorima na pitanja da krenemo sa ministrom Anisom Krivićem. I iza njega imamo još troje ministara Kustura, Glamoč i predstavnici Ministarstva zdravstva Kantona Sarajevo. Obavještavam vas da će Anis Krivić biti prvi ministar koji će davati odgovore na pitanje.

Predsjedavajući:

Zahvaljujem premijeru. I tim redoslijedom neka krenu sa odgovorima. Zahvaljujem vama premijeru a molim Krivića da krene u odgovore.

Ministar Anis Krivić:

Predsjedavajući da li se čujemo. Hvala vam predsjedavajući. Dobar dan. Želim da pozdravim sve građane Kantona Sarajevo uvažene zastupnike, svi koji nas slušaju i gledaju. Ja bih prvo zahvalio zastupnicima koji su uputili pitanja vezano za resor obrazovanja. Znam da je ovih dana ovaj resor zaista da kažem top tema budući da nam dolazi nova školska godina. Ja ću se truditi da budem što precizniji u odgovorima. Smatram da su sva ova pitanja u suštini jedno veliko pitanje, kako se uopšte obrazovati u vrijeme pandemije, a li evo ja ću sada krenuti redom kronološki, kako su uvaženi zastupnici i postavljali pitanja. Uvaženi zastupnik Marjanović je postavio pitanje na osnovnih koji parametara smo se odlučili za ovaj model nastave i na broj učenika u učionicama? Ja bih istakao da smo se prvenstveno vodili trenutnom epidemiološkom situacijom a nakon toga svakako smjernicama za prevencijama i kontrolu infekcije COVID-19 u osnovnim i srednjim školama u Kantonu Sarajevo na osnovu toga. I donijeli smo obavijest o početku školske 20/21 godine, nakon čega ćemo svakako i detaljnije upoznati škole na koji način realizirati ovaj model nastave. Istako bih i to da smo vodili računa i o prostornim, da smo morali se voditi prostornim kapacitetima škola jer moramo znati da li možemo ispoštovati taj broj od 15 učenika u učionici, da li su škole uopšte kapacitirane da mogu odvijati nastavu na takav način. Također, ono o čemu smo morali da vodimo računa i da imamo na umu, a to je transport učenika do škola i povratak nazad u kuću, budući da evo ove stvari da kažem izlaze iz resora obrazovanja, mi smo morali da vodimo računa i o tome na koji način će se učenici prevoziti do škole i natrag, pa smo u odnosu na sve navedeno se odlučili za ovakav model realizacije nastave u prve dvije sedmice nove školske godine. Uvažena zastupnica Duraković postavila je više pitanja. Prvo od njih bilo koje da li možemo očekivati da se rokovi za sistematske preglede radnika odgode ili ne može, da li se to može regulisati nekom odlukom. Na žalost to se jednom odlukom ne može regulirati ali za tim nema potrebe, oni već obavljaju sistematske preglede. Zakonom su rokovi propisani i ukoliko bi smo se odlučili na bilo kakvu izmjenu ili da kažem pomjeranje rokova, to bi jednostavno bilo besmisleno iz razloga što nema potrebe i oni će svi stići da izvrše sistematske preglede na vrijeme. Uvažena zastupnica Duraković je također postavila pitanje da se obrazloži cjelokupan model nastave koji ćemo realizirati. Ja bih prilikom ovog pitanja, sada ne bih bilo šta da izbjegnem ali mislim da bi to oduzelo zaista puno vremena, ja sam objavio obavijest o početku školske 20/21 godine sa detaljnim uputstvima na koji način će se realizirati također već sredinom iduće sedmice mi ćemo uputiti školama detaljne planove. Kada govorim o samoj organizaciji nastave tako da ove načelne odluke i načelnu obavijest koju smo uputili nakon što smo zauzeli stav koji ćemo model nastave primjenjivati u toku iduće sedmice ćemo i detaljne smjernice dostaviti školama. Također ono što će škole dobiti

već početkom iduće sedmice to su smjernice za, to je metodologija realizacije online nastave za one učenike koji će pohađati online nastavu i smjernice za ocjenjivanje, vrednovanje znanja i smjernice za izradu digitalnih sadržaja. Iz tih smjernica bit će savršeno jasno na koji način će se realizirati nastava. Ja bih iskoristio priliku da kažem da u ove dvije sedmice ćemo u saradnji sa školama vidjeti na terenu na koji način se nastava realizira, pa ćemo onda biti u prilici da nakon prve dvije sedmice i donesemo individualne planove od škole do škole budući daje u svim školama su različiti kapaciteti, različit je broj djece, različit je broj osoblja. Tako da ćemo vjerovatno nakon prve dvije sedmice ići na individualizaciju realizacije nastave na daljinu. Uvažena zastupnica Duraković je rekla nešto što je meni bilo zanimljivo, a to je da učenici jednu sedmicu pohađati redovno, jednu sedmicu online. Mislim daje važno da tu pojasnim da smo mi u obavijesti napisali da samo u onim slučajevima ukoliko se više d 15 djece prijavi u određenom odjeljenju, škola ne bude mogla to realizirati uz poštivanje epidemioloških mjera, što podrazumijeva 4 kvadratna metra po učeniku dakle hoću da kažem da ne moramo nužno ovo da znači da će učenici jednu sedmicu u školu a jednu sedmicu raditi online. To ne znači tako i to nije zamišljeno tako. I to samo znači da ukoliko škola dobije zahtjeve roditelja da djeca pohađaju školu a one budem mogla prostorno primiti taj broj učenika onda će napraviti plan realizacije ukoliko ne budu prostorne mogućnosti da realiziraju nastavu u učionici onda mogu napraviti plan realizacije nastave naizmjenično redovne i online. Konstatacije da sportski klubovi rade a da škole ne rade, ja bih podsjetio da ja kao ministar za obrazovanje nauku i mlade moram brinuti, voditi računa o odgovornosti i moram donositi odgovorne odluke i voditi računa svakako o zdravlju naših učenika, što mi svakako opet ponavljam, prva instanca su smjernice za prevenciju ili da kažem epidemiološke mjere koje nam je dao Zavod za javno zdravstvo. Ja ne mogu odgovarati za sportske aktivnosti koje se realiziraju po klubovima, niti mogu preuzimati odgovornost učenika koji izlaze, šetaju, budu u kafićima, idu u nargilhane i slično. Također jedna konstatacija da je trenutno konfuzno stanje. Ja se s tim ne mogu, ne smijem i ne želim složiti. A mislim da stanje nije konfuzno, mislim da je obavijest vrlo jasna. Mislim da će također i naši, imam jako dobar feedback od naših roditelja i od direktora. Ova obavijest je svježija, ja sam očekivao jako puna reakcija, ali isto tako znam da je odabrani model jako dobar. Također čuo sam da je model izabran tako da svakome odgovara. Mi se nismo vodili bilo kakvim željama, ili bilo čijim očekivanjima nego smo se oslanjali isključivo na struku, kako zdravstvenu tako i obrazovnu. Naredno pitanje koje je uputila uvažena zastupnica Duraković jeste da li ćemo angažovati novo nastavno osoblje i da li ćemo obezbijediti njima osnovna ljudska prava a to je da ne rade duže od 8 sati. Ja vam, bio je još jedan dio pitanja ali sam stigao da ga zapišem, novo nastavno osoblje ovim modelom nemamo namjeru zapošljavati, osim onog redovnog zapošljavanja koje se dešava svake godine. Također, ukoliko ste pročitali obavijest onda ste mogli vidjeti da su časovi skraćeni na 30 minuta. Samim skraćanjem časova mi smo dobili u tom 40-satnom radnom vremenu naših nastavnika radno vrijeme. Kada bi oni mogli da realiziraju ovu skraćenu redovnu nastavu ali i da poslije toga mogu da realiziraju online nastavu za one učenike koji neće dolaziti u školu. Naši nastavnici će imati vremena da izvrše sve obaveze. Također bih želio uvaženoj zastupnici Duraković da naše detaljna uputstva i smjernice budu spremne svakako ćemo u pismenoj formi dostaviti. Uvažena zastupnica Srna Bajramović prije samih pitanja imala je dvije konstatacije da nisu svi bili uključeni u donošenje odluke i da je online nastava bila prekonoćna. Prilikom donošenja ove odluke formirali smo radne grupe i timove u koje su bili uključeni naši stručnjaci i eksperti iz oblasti obrazovanja. Ja ću vam još u toku dana dostaviti rješenja i o imenovanjima naših eksperata koji su radili za Ministarstvo i pripremali materijale kako bi smo imali dobru nastavu i dobro obrazovanje u Kantonu Sarajevo, radi se o radnim grupama i o timovima za koordinaciju pripremi nastave u narednoj školskoj godini. Online nastava prošli put rekli ste bila prekonoćna. Mi da nismo bili u prilici ne bi smo mogli preko noći uvesti online nastavu. To možemo zahvaliti ranijoj realizaciji online nastave u Kantonu Sarajevo. Dakle mi u Kantonu Sarajevo smo imali sreću da u ovoj

nesreći možemo se prebaciti u online kruženje. Ona je mogla biti prekononačna zato što su naši nastavnici već bili upoznati sa online nastavom. Sve iz razloga jer je Kanton Sarajevo prije pandemije imao realizaciju online nastave i educirao nastavnike kako da se ista izvodi. Konkretno pitanje je bilo da li smo vršili obuke? Da jesmo. Mi smo izvršili preko 30 edukacija, za preko 4000 nastavnika. Ono što je zanimljivo jeste da u ovih 4000 nastavnika se nalazi i određeni broj nastavnika koji nisu iz Kanton Sarajevo i koji nisu iz BiH, nego su iz regiona. Sve edukacije su snimljene i nalaze se na zvaničnom YouTube kanalu MONKS. Budući da se trenutno nalaze na YouTube kanalu MONKS naši nastavnici ovih preko 30 tema koje su usko vezane za realizaciju online nastave, ali neke ne samo za online nastavu, već generalno za obrazovanje, mogu svaki dan da gledaju sa zvaničnog YouTube kanala Ministarstva za obrazovanje. Mi prije početka nove školske godine smo također isplanirali nove edukacije koje će se baviti realizacijom nastave u novoj školskoj godini. Tako da što se tiče samih edukacija meni je žao što nismo u prilici da organiziramo edukacije drugog karaktera nego samo putem webinarara, ali naši webinarari su se do sada pokazali kao jako dobri jer možemo da pratimo njihovu gledanost i dobijamo od drugih nastavnika dobre povratne informacije. Digitalni sadržaj pitanje je bilo da li smo izrađivali digitalne sadržaje. Sada ja zaista pokušavam odabrati najadekvatnije odgovor budući da ovo pitanje može da se tiče različitih tema. Ali evo ja ću se ograničiti samo na onu koja se tiče realizacije online nastave. Digitalne sadržaje mi smo izrađivali i naravno imamo namjeru i dalje da ih izrađujemo. Do sada smo snimili određeni dio video materijala koji e odnosi na asistente nastavi. Ali ono što moram da istaknem i da kažem jeste da ta forma, da taj način izrade digitalnih sadržaja je samo jedan, ako govorimo o video sadržajima, generalno digitalno sadržaj ne podrazumijeva isključivo i video sadržaj. Mi smo svojim webinarima i edukacijama edukovali nastavnike kakao nastavnici mogu da prilagode online nastavu i da naprave digitalne sadržaje u skladu sa rentnim planom i programom. Podsjetit ću da naši nastavi planovi i programi nisu pisani za online okruženje, nego su za redovnu nastavu. Iz tog razloga ključno je bilo edukovati naše nastavnike da izrađuju digitalna sadržaje. Mi smo u tom trenutku i u toj situaciji samo za njih izrađivali, pokazivali na koji način se to radi. Nastavnik je onaj koji realizira nastavu i koji prenosi u znanje. To je njegovo pravo, što je njegovo suvereno pravo. I naš posao je da im to omogućimo. U ovoj situaciji pandemije činimo koliko možemo. Da li smo nešto učinili po pitanju internet konekcije i opreme i tražili ste uvažena zastupnice Bajramović da vam kažem kada će roditelji doći po opremu. Čini mi se da ste tako pitali. Ja ne mogu odgovarati niti želim vam dati odgovor kada će roditelji doći po opremu. Mi određena sredstva za nabavku informatičke opreme imamo i pokrenuli smo aktivnosti na nabavci te opreme. Također podsjetio bih da smo negdje otprilike nakon dvije sedmice realizacije intenzivne online nastave u prošloj školskoj godini imali jako dobre pokazatelje koliko naših učenika, nastavnika, ima opremu ili nema opremu. Pa je tako sa samog početka broj bio oko 450 učenika koji nisu imali opremu. Meni je jasno da ti podaci variraju, jasno mi je da ta oprema koju učenici i nastavnici imaju je privatna i sasvim je jasno da ona može da dotraje da prestane da radi i da se uništi itd. Mislim da mi evo, sredstva koja imamo svakako imamo namjeru utrošiti na samu nabavku. U kojem obimu, kada kako i koji će o tome vas mogu obavijestiti onog trenutka kada to bude poznato. Kada govorimo o internet konekciji evo ja bih podsjetio da smo prilikom realizacije online nastave krajem prošle školske godine obezbijedili internet konekciju za sve učenike koji pohađaju OŠ Malta a idu u školu Konjević Polje. Dakle kada govorimo o pojačanju internet konekcije ili eventualnom obezvređivanju interneta onim učenicima koji nemaju pristup internetu mi smo u komunikaciji telecom operaterima i pokušavamo da iznađemo neki model koji bi zaista omogućio svim učenicima koji pohađaju online nastavu da imaju internet i da mogu nesmetano da prate online nastavu. I ja bih volio podsjetiti na pitanje koje je uputio uvaženi zastupnik Čampara. U prvom dijelu pitanja koje nije bilo upućeno Ministarstvu obrazovanja bilo je kratko izlaganje o tome kako se povećava broj zaraženih i da je stanje alarmantno. Mislim da bi smo svi kao društvo trebali

imati to na umu u ovom trenutku kada govorimo o realizaciji nastave u Kantonu Sarajevo. Stanje jeste alarmantno i svi koji misle da je i smatram da je zdravlje naše djece, naših učenika mora u svakom trenutku biti na prvom mjestu. Što se tiče nastave, nadalje bih nastavio da odgovoram na pitanja. Uvaženi zastupnik Suljević postavio je četiri pitanja. Prvo pitanje se odnosilo na evaluaciju online nastave. Uvaženi zastupniče Suljević hvala vam na postavljenom pitanju. Mi smo izvršili analizu realizirane online nastave i izvršili smo evaluaciju. Dobili smo jedan zaista sjajan dokument koji nam je evo da kažem će ostati zapisani trag šta se to u Kantonu Sarajevo desilo, počevši sa 15.03. o.g. ta analiza nije javna, mi je nismo objavili, iz razloga što se u ovom trenutku bavimo nečim važnijim. Analiza je gotova i na osnovu nje smo pripremali modele nastave za početak nove školske godine. Analizu odnosno evaluaciju online nastave u ovom trenutku se ta evaluacija da kažem tehnički sređuje, da ne kažem da se radi prelom, i zajedno sa ostalim dokumentima koji bit će dostavljeni školama, će i ta evaluacija biti upućena. Naredno pitanje uvaženog zastupnika Suljevića bilo je zašto se ne unificira platforma. Ovo je jedno jako dobro pitanje. Mi u ovom trenutku nismo željeli nismo htjeli i još uvijek nećemo unificirati platformu iz više razloga. Prvenstveno jer smatramo da mi trebamo imati svoju platformu. Mislim da nabavka platforme u ovom trenutku svakako ne bi bila pametna zato što bi smo trebali onda dodatno vrijeme da sve ono što smo do sada uradili implementiramo u tu novu platformu i da edukujemo nastavnike kako se ona koristi. Trenutno nismo željeli ni unificirati platformu jednu od postojećih koja se koristi baš iz istog razloga, jer bi smo morali educirati nastavnike i što je po meni najgore, a to jeste da bi smo morali naše učenike sada ponovo učiti kako se koristi neka druga platforma. Iz tog razloga mi kada je riječ o platformama nismo željeli da mijenjamo te platforme. Držimo se ovih koje funkcionišu, koje su se pokazale kao dobre. Ono na čemu radimo jeste da usavršavamo način realizacije online nastave. Nadalje, uvaženi zastupnik Suljević pitao je zašto nije bilo uključenog sindikata i predstavnika radnika prilikom donošenja ove odluke. Dakle kada smo donosili odluku mi jesmo uključili sve one koji su uključeni u obrazovani sistem. I čuli smo njihovo mišljenje. Ja uvaženi zastupniče Suljeviću i vama također dostaviti spisak onih koji su bili uključeni u pripremu ovih materijala i koji čine tim za jedno sa mnom u Ministarstvu kako bi naredna školska godina kvalitetno počela. Četvrto pitanje se odnosilo na protokol vezano za pandemiju. Da li će biti dostavljena školama na vrijeme. Da, ja ću da vam odgovorim na način da ćemo prvo bih vam ovako odgovorio. U predškolskom odgoju i obrazovanju mi već imamo iskustvo kada je riječ o slučajevima zaraženih a proces nastavnici traje. Tako da nama nije nepoznato da u određenoj grupi u ovom slučaju djece se nađe neko ko je bio zarađen ili je bio u kontaktu sa zaraženim i onda smo u JU Djeca Sarajeva i mali jedan da kažem protokol i odgovor na koji način su naše odgajateljice odgovorne, direktorica postupale. Do sada se to pokazalo jako dobro i uspješno budući da smo uspjeli da se takve slučajeve izolujemo da se na vrijeme jave dežurnom epidemiologu. Isti sistem ćemo primijeniti, malo izmijenjeni sistem ćemo primijeniti i za osnovne i srednje škole u Kantonu Sarajevo. Nadam se i a srednje škole nakon ove druge sedmice. To ćemo tek vidjeti. Tako da moj odgovor je da će da kažem akcioni plan ili hodogram biti dostavljen školama na vrijeme. On je izrađen u saradnji sa Zavodom za javno zdravstvo Kantona Sarajevo. I jednom divnom epidemiologinjom koja tamo radi. Hvala vam uvaženi zastupniče Suljević na pitanjima. Uvaženi zastupnik Pleho pitao je ko će nadzirati način na koji će se realizirati realizacija ovog modela nastave. Nadzor nad radom osnovnih i srednjih škola vrši ministarstvo putem inspekcije, ali to je rečenica iz Zakona koji je napisan u vrijeme kada nije bilo pandemije i koji je pretpostavljao da će se dešavati ovakva situacija i ja mislim da inspekcija je svakako prebukirana sa raznim zahtjevima. Praktično će to da izgleda drugačije, naši direktori škola su zaista odgovorni, dobro rade svoj posao i mi smo s njima u stalnom kontaktu, tako da kada evo mogli ste i da vidite sredinom trećeg mjeseca da sve smjernice koje je izdavalo Ministarstvo škole su listom pratile u svaku rečenicu, ne znam da li je bilo slučajeva da su škole radile drugačije. I siguran sam da će i

ovoga puta se škole pokazati i direktori škola se pokazati kao odgovorni, dobro organizirani i da će realizirati nastavu na način kako smo to mi ponudili ovim kombinovanim modelom. Uvažena zastupnica Bešlija, pitala je jedno pitanje koje je imalo dva dijela, prvi dio je bio koliko košta nedolazak učenika. Ja se zaista izvinjavam, ali ja ne mogu da razumijem ovo pitanje ili možda nisam dobro slušao. Ali ja ne mogu, možda nisam razumio ili nisam čuo ili možda nije pitanje dobro postavljeno. Koliko košta ne dolazak učenika? Ja bih zamolio uvaženu zastupnicu Bešliju dostavi, i mene ovo zanima, a možda se samo ne razumijemo. Drugi dio pitanja je pročitano, to je bilo isto pitanje kao kod uvaženog zastupnika Marjanovića, kojim parametrima. Na to sam već odgovorio. Tako da evo tu ne bih dalje odgovarao. Ali bih zamolio uvaženu zastupnicu Bešliju jer zaista ne bih želio da imamo pitanje koje visi u zraku i nije odgovoreno. Vrlo rado ću odgovoriti, naravno. Da li je izvršena deratizacija, to je pitanje već bilo ranije postavljeno. Ja na ovo ću odgovoriti pismeno. Aktivnosti na pripremi nove školske godine u školama se odvijaju redovno. Uvažena zastupnica Neira Dizdarević postavila je pet pitanja. Prvo je bilo šta znači da nema novih sadržaja već samo da ponavljaju. Ukoliko ste pročitali obavijest onda je takva da kažem naredba ili smjernica, mi tu nastavnicima sugeriramo da u ove prve dvije sedmice vrše ponavljanje gradiva koje se radilo prošle godine. To nije nešto što smo se mi sada sjetili. To je nešto što je inače u planovima rada, a samo podsjećamo da bi to bilo adekvatno, budući da svi učenici neće pohađati nastavu po istom modelu. Naime neki će biti u kućama raditi će online, a neki će biti u učionici. Ovaj plan je senzitivniji i on je isplaniran da na ovaj način radimo prve dvije sedmice. Budući da nastava počinje u utorak, onda vrlo lako možemo da izračunamo da te dvije sedmice nisu ni pola mjeseca ni 15 dana, nego 9 radnih dana. Dakle, mi pratimo epidemiološku situaciju i na terenu ćemo pratiti na koji način se to nastava odvija. Ono što je mnogo važnije stoga jeste na koji način će se škole organizirati kada je u pitanju dolazak učenika u škole. Naredno pitanje je jako dobro pitanje. Da li svi imaju pravo da idu online. Mislim da je ovo ključno pitanje kada govorimo o ovom kombinovanom modelu. Mi smo u obavijesti napisali da će pet dana prije početka školske godine roditelji biti obavezni da ukoliko smatraju da njihovo dijete ne treba da ide u školu, njihov učenik, da dostavi pisanu izjavu i tada počinje taj proces organizacije škola. Dakle direktor će imati puni pet dana da vidi koliki broj djece očekuju u školama i na taj način ćemo imati devet radnih dana. Devet dana kada djeca idu u školu. Druga sedmica pet i ova četiri, devet. Tako da svi imaju pravo da idu online. Mislim da je ovaj model to omogućava svima. Naredno pitanje je bilo na koji način će se organizirati obavezni predškolski program, budući da mi već realiziramo, dakle da naši vrtići rade, organizirat će se uz poštivanje epidemioloških mjera. Mi smo već ranije odbili smjernice i epidemiološke mjere za odvijanje predškolskog odgoja i obrazovanja. Iskreno vjerujem i očekujem, da ukoliko u narednoj školskoj godini budemo imali povećan broj djece u našim vrtićima da ćemo morati reorganizirati rad ukoliko smještaj ne budemo u prilici da primimo svu djecu a da pri tome i ispunjavamo epidemiološke mjere. Kako će realizirati nastavu djeca s poteškoćama i asistenti u nastavi. Pa evo u toj obavijesti koju smo objavili vrlo jasno je navedeno da mogu da pohađaju nastavu ili ne. Kada je riječ o asistentima u toku iduće sedmice, pardon, ne u toku iduće sedmice, do kraja ove sedmice, već možemo očekivati u petak, da će školama ići obavijest vezano za asistente, mobilne timove, i konkurse koji se raspisuju po školama. Ali to je sada već neka druga tema. Također iz obavijesti je vrlo jasno da će raditi centri redovno i uz poštivanje epidemioloških mjera. Uvažena zastupnica Dizdarević nadalje je pitala pitanje koje se odnosi na listu čekanja i ustvrdila je da je čula da ima interesorna grupa. Ja bih evo ovom prilikom zamolio uvaženu zastupnicu Dizdarević da kada nešto čuje onda i upita naše Ministarstvo. Mi smo otvorili zaista dobre komunikacijske kanale, komuniciramo sa učenicima, nastavnicima, roditeljima i onima koji nisu ništa od toga putem Fejsbuka i mislim da kada uvažena zastupnica ima pitanje, ministar je obavezan i dužan da dadne odgovor i da bude na raspolaganju. Evo ja ovim putem poručujem svim zastupnicima da sasvim sigurno sam na raspolaganju i sve ono što mi u Ministarstvu radimo

da smo i te kako na raspolaganju za davati bilo kakve odgovore na bilo koja pitanja. Tako da vezano za interesornu grupu, bilo bi dobro da evo vas i o tome informišemo. Tako je , mi smo uputili zahtjev predstavnicima kako bi smo formirali interesornu grupu. To nije nešto što je da kažem neobično. Na taj način se rješavala lista čekanja u predškolskim ustanovama prošle godine. I ja sam na koncu odlučio da listu čekanja rješavamo na isti način. Budući da je uvaženi zastupnik Konaković postavio ovo isto pitanje ja bih odgovor na ovo pitanje dao na samome kraju, budući da je to pitanje bilo posljednje. Hvala vam. Uvaženi zastupnik Mekić postavio je više pitanja. Ja bih podijelio u dvije grupe. Prva je koja se tiče obrazovanja i rada škola, a druga je koja se tiče zdravstva, odnosno baza podataka. Šta je ministarstvo za obrazovanje, nauku i mlade učinilo po pitanju stručnog usavršavanja, dezinfekcije, nabavke interneta i računara. Da li imamo a onda idu pitanja iz oblasti zdravstva, da li imamo baze podataka sa učenicima koji su prebolovali, oni imaju antitijela. Da li imamo bazu podataka o srčanim bolesnicima, o djeci koja su preboljela koronu, da li imamo bazu podataka o domaćinstvima sa troje i više djece i posljednje pitanje, evo je li moguće imati kvalitetnu nastavu sa ovakvom opremom. Ja sam na prvi dio pitanja već odgovorio budući da su zastupnici postavljali vrlo slična pitanja. Stručna usavršavanja jesmo imali. Dezinfekcije se po školama izvršile redovno, s tim da evo sada bih napomenuo da Zavod u saradnji sa Zavodom za javno zdravstvo HES timovi će svakako posjetiti sve škole prije samog početka rada i dati precizne upute osoblju na koji način da vrši dezinfekciju škola. Ono što je također vrlo precizno napisano jesu baš te procedure na koji način se vrše dezinfekcije škola, sa kojim sredstvima. E da i to je bilo pitanje uvaženog zastupnika Mekića, koja sredstva i ko je to nabavljao i da li su provjerena. U smjernicama za prevenciju i kontrolu infekcije COVID-19 koje je izdao Zavod za javno zdravstvo, tačno i taksativno su navedena koja su to sredstva, kojeg sastava , ne piše proizvođač, ali pišu sve one karakteristike kada se budu kupovala ta dezinfekcijska sredstva da se onda zna koja odgovaraju. HES timovi koji posjete sve škole će izvršiti dezinfekciju i dati uputu osoblju kako će to izvršavati u budućnosti. Na drugi dio pitanja vezano za baze podataka o srčanim bolesnicima, djeci koja su prebolovala koronu, da li baza podataka o broju domaćinstava sa troje i više djece, ja mogu postaviti pismeno kada se konsultujem. Ono što ja znam da baze podataka postoje ali koliko mi je poznato da informacije o zdravstvenom stanju su privatne i da ne znam da postoji baza koju možemo pretraživati. Ono što znam jeste da pretpostavljam da je ovo pitanje upućeno iz razloga vezano za realizaciju nastave. Mi imamo podatke o porodicama koje nemaju računare. Mi dobije podatak kada se naiđe na poteškoću u realizaciji online nastave. Ali evo mi sada pokušavamo da uđemo u škole. Mi sada pokušavamo da đake vratimo u škole. Kontrolisano, postepeno i polako. Ali prije svega sigurno. Da li je moguće imati kvalitetnu nastavu sa ovakvom opremom. To je mnogo dobro pitanje. Kvalitetnu nastavu je generalno teško imati. Mi moramo raditi na poboljšanju kvalitete nastave. Nisu problemi u obrazovanju počeli , mi moramo kao društvo biti posvećeni pojačanju kvalitete našeg obrazovnog sistema, pogotovo sada kada je vanredno stanje. Ovo je kriza, mi nismo u običnim okolnostima. Mi se snalazimo da i pokušavamo našoj djeci pružiti obrazovanje. Ali ću vam reći i ovo uvaženi zastupniče Mekiću moguće je imati kvalitetnu nastavu i sa ovakvom opremom, naravno da stremimo ka tome, naravno da će Vlada nešto poduzeti po tom pitanju, ali online nastava nije predviđena da se obrazovanje vrši putem računara. Mi kvalitetno obrazovanje je u klupi, kvalitetno obrazovanje je u redovnom nastavnom procesu. Ovo što sada doživljavamo i što nam se dešava nije nešto redovno. Kvalitetno je moguće imati ali je jako teško kada je u pitanju veliki broj učenika. Hvala vam. Uvaženi zastupnik Konaković je postavio slično pitanje, mada moram reći nije bilo pitanje, bilo je više konstatacija evo kada saberem pitanje uvažene zastupnice Dizdarević i uvaženog zastupnika Konakovića on je dao konstataciju vezano za zbrinjavanje liste čekanja. Ja bih želio da istaknem sljedeće: ovo je zaista važno pitanje i mi smo prošle godine imali 450 na listi čekanja. Ono što se uradilo prošle godine se zvalo zbrinjavanje liste čekanja. I ta lista čekanja je zbrinuta. Budući da jedan broj djece završava

vrtiće.

Predsjedavajući:

Poslovnička intervencija Konaković, izvolite. Nismo vidjeli.

Poslanik/zastupnik Elmedin Konaković:

Predsjedavajući, znam, znam nije lako pratiti. Ministre Kriviću (nerazumljivo) Meni je počeo usmeno odgovarati na inicijativu koja ne traži usmeni odgovor. I primijetio sam da je na dosta pitanja za koja nije tražen usmeni odgovor ministar Krivić usmeno odgovarao. Poslovnik jasno precizira da ministar Krivić odgovara u istom vremenskom roku u kojem su pitanja postavljena ali samo na ona pitanja za koja je tražen usmeni odgovor. Moju inicijativu nazvao je konstatacijom. Ne postoji konstatacija. Upućena je poslovnička inicijativa da našu djecu vratite u vrtiće kako bi roditelji mogli raditi. I molim predsjedavajući 28 minuta odgovara ministar Krivić. Garantujem da je više od pola toga nepotrebno jer su to pitanja koja traže pisane odgovore. Hvala vam.

Predsjedavajući:

Zahvaljujem. Ministre ja bih vas lijepo molio da odgovorite samo na pitanja koja su zahtijevala usmeni odgovor, a ostala odgovorite pisano molim vas. Evo dajem vam riječ i izvolite.

Ministar Anis Krivić.

Hvala vam. Dobro. Ja moram da kažem da sva pitanja koja sam zapisao su pitanja koja su zahtjeva usmeni odgovor. Pitanja koja su zahtijevala pismeni odgovor nisam odgovarao. Pitanje uvaženog zastupnika Konakovića evo zaista ja se ovom prilikom izvinjavam. Ja nisam čuo da je bila inicijativa. Inicijative nisam uopšte zapisivao budući da ih dobijem pismeno. I nisam dao odgovor ni na jednu inicijativu. Samo na pitanja za koja sam čuo i za koja se tražio usmeni odgovor. Ukoliko je ovo bila inicijativa ja uvaženom zastupniku Konakoviću neću odgovoriti. Ali onda sam ostao dužan da odgovorim uvaženoj zastupnici Dizdarević koja je tražila usmeni odgovor. Lista čekanja, uvažena zastupnice Dizdarević, i ovo bi bio posljednji odgovor. Uvažena zastupnice Dizdarević lista čekanja u Kantonu Sarajevo trenutno iznosi 1500 djece. Prošle godine je to bilo 450. ono što se desilo kao rezultat prošlogodišnje odluke koja je u tom trenutku bila dobra ali i pružila subvenciju onoj djeci koja nisu mogla da se upišu u JU Djeca Sarajeva, je rezultirala time da u jednom privatnom vrtiću imamo djecu koja imaju subvenciju i djecu koja nema subvenciju bez obzira na primanja njihovih roditelja. Pa su se tako roditelji samoorganizirali i ove godine svi prijavili u JU Djeca Sarajeva ne da bi bili primljeni u JU Djeca Sarajeva nego da bi primali subvenciju. Budući da je taj broj znatno veći i da je to sada 1500 djece, mi u donosu na proširenje kapaciteta JU Djeca Sarajeva svakako imamo namjeru se držati subvencije. Na koji način izvršiti tu subvenciju mi evo u saradnji sa Ministarstvom finansija, budući da je budžet ove godine mijenjan više puta, ćemo sigurno iznaći model kako da nastavimo subvencionirati onu djecu koja ne mogu u vrtiće. Ja bih napomenuo da se u ovom trenutku na listi čekanja nalazi 1500 djece i to su u većinom djeca koja nisu išla u JU Djeca Sarajeva, nego djeca iz privatnih vrtića. Podsjetio bih da u Kantonu Sarajevo samo 50% djece mogu biti primljeni u JU Djeca Sarajeva a ostala djeca moraju ići u privatne vrtiće budući da JU nema svoje smještajne kapacitete da primi svu djecu. Pa onda u toj dilemi da li da plaćamo subvencioniranje ili da gradimo nove vrtiće evo pokušavamo naći model koji će zadovoljiti i jedno i drugo. Mi ćemo do kraja ove godine imati otvorena nova četiri vrtića, odmah s početkom naredne godine nadam se još dva. I da ćemo uspjeti predškolski odgoj i obrazovanje kvalitetno organizovati. Želim da se zahvalim svima koji su uputili pitanja vezano za obrazovanje. I za kraj bih samo rekao jednu rečenicu, a to je, dragi naši učenici, želim vam sretan početak nove školske godine. Hvala vam svima.

Predsjedavajući.

Zahvaljujem uvaženi ministre. Sljedeći nam je, premijeru ko nam je sljedeći?

Ministrica Mersa Kustura:

Pozdravljam uvaženi predsjedavajući. Ja sam sljedeća. Prije nego što dam odgovor na postavljena pitanja želim da pozdravim sve uvažene zastupnice i zastupnike u Skupštini Kantona Sarajevo i gledaoce TVSA koji ovu sjednicu prate u direktnom prenosu. Meni je pitanje postavila uvažena zastupnica Jasmina Bišćević-Tokić a ono je doslovno bilo sljedeće: da li Ministarstvo pravde i uprave kao resorno Ministarstvo poduzima neke mjere i radili na donošenju Zakona o lokalnoj samoupravi s obzirom da postoji i veći broj presuda Ustavnih sudova koji govore o povredi lokalne samouprave. Mogu odgovoriti sljedeće da je u programu rada Ministarstva za 2020 godinu u djelu poslova iz nadležnosti Skupštine Kantona Sarajevo planirane su svakako aktivnosti na pripremi amandmana na Ustav Kantona Sarajevo i Zakona o lokalnoj samoupravi. I to da amandmani na Ustav Kantona Sarajevo budu razmatrani u nacrtu na Vladi Kantona i u formi nacrtu na Skupštini Kantona. A Zakon o lokalnoj samoupravi predviđen je po programu radu i Ministarstva i Vlade i Skupštine Kantona u decembru mjesecu u fazi nacrtu kako na Vladi Kantona tako i na Skupštini Kantona Sarajevo. Da bi pravovremeno uradili planirane programske zadatke, rješenjem Ministarstva pravde i uprave Kantona Sarajevo od 01.07.2020 formirana je radna grupa za izradu Nacrta Zakona o lokalnoj samoupravi, u čiji sastav su imenovani predstavnici jedinica lokalne samouprave, a koji su predloženi od strane općina i Grada Sarajeva. U ovu aktivnost svakako će biti uključeni Savez općina i gradova. Radna grupa je već počela sa svojim radom, utvrđena je metodologija rada, održavaju se radni sastanci i već su održali par sastanaka. Mi svakako znamo da je ova Skupština 24.07. bila utvrdila Nacrt Zakona o lokalnoj samoupravi, provedena je javna rasprava u trajanju od 90 dana, sa mnogobrojnim primjedbama jedinicama lokalne samouprave i sve to će biti i polazna osnova za izradu predmetnog Zakona kao i svakako iskustvo iz prethodnog rada na izradi predmetnog Zakona. Uvažajući i uzimajući u obzir navedeno i dinamiku rada radne grupe, Ministarstvo će u skladu sa rokovima utvrđenim u programu rada izraditi nacrt Zakona i uputiti ga u nadležnu i zakonom predviđenu proceduru. Sljedeće pitanje je postavio Dževad Poturak ne odnosi se samo na Ministarstvo pravde i uprave. Cijenjeni zastupnik je govorio o primijećenom stanju da Ministarstva, JP; ustanove ne postupaju u skladu sa uredbom o vrsti, postupku objavljivanja propisa, i javnosti rada organa upravljanja, preduzeća i JU, i pravnih lica čiji je osnivač Kanton Sarajevo. A to je Uredba koja je objavljena u SL novine Kantona Sarajevo 21/19. predlagač ove Uredbe je bilo Ministarstvo pravde i uprave ali u članu 11 vrlo precizno stoji da nadzor nad primjenom ove uredbe vrše resorna Ministarstva Kantona Sarajevo svako iz svoje nadležnosti. Za sljedeću sjednicu sve moje kolege će pripremiti odgovor na pitanje je li se poštuje ova Uredba, jesu li poduzimane kakve mjere jer ovom predmetnom uredbom predviđene su normalno i kaznene sankcije i dobit će se cjelovit odgovor od svih ministarstava. Ja za Ministarstvo pravde i uprave Kantona Sarajevo mogu reći da što se tiče Ministarstva i svih akata koje smo obavezni u skladu sa članom 3. propisa da objavljujemo, to je Uredba objavljena na web stranici i mi smo nadležni samo nad nadgledanjem web stranice JP TVSA i mi to radimo. Ali cjelovita informacija iz svih ministarstava će biti pripremljena u pismenoj formi za narednu sjednicu. Hvala.

Predsjedavajući:

Zahvaljujem ministrice Kustura. Imamo li još nekog od ministara za odgovor.

Ministrica Nihada Glamoč:

Uvaženi predsjedavajući, cijenjeni zastupnici kao i gledaoci pored malih ekrana srdačno vas pozdravljam. Ja sam imala pitanje od gospodine Aljoše Čampare, gospođe Neire Dizdarević i zastupnika Konakovića po pitanju statuta i izbora člana uprave i direktora u preduzeću PARK, i izmjene statuta u preduzeću RAD. Što se tiče od imenovanja mog mandata pa do danas kada je preduzeće Park u pitanju nije bilo podnošenih zahtjeva za izmjenu statuta. Zadnja izmjena statuta za preduzeće Park bila je u mandatu prethodne Vlade u septembru mjesecu prošle godine. Prvi konkurs za imenovan je uprave preduzeća bio je raspisan u januaru mjesecu koji je nakon moratorija od strane Skupštine bio da se zabrani zapošljavanje poništen i u junu mjesecu je raspisan ponovo konkurs gdje je Nadzorni odbor u augustu mjesecu imenovano novu upravu, u skladu sa dokumentima koji su usklađeni ili izmijenjeni prošle godine u septembru. Kada je Ministarstvo komunalne privrede od marta mjeseca ne samo za Park ili preduzeće Rad krenulo je sa izmjenama odnosno usklađivanjem svih normativnih akata u preduzećima, ne samo statuta nego i svih ostalih pravilnika, tako da u narednom periodu očekujemo izmjene statuta i u drugim preduzećima.

Predsjedavajući:

Ministrice samo na usmena pitanja koja su tražili da se odgovori. Kolegica Dizdarević nama piše da nije tražila usmeni odgovor. Izvinite.

Ministrica Nihada Glamoč:

Zahvaljujem. Ja ću dostaviti pismeno što je traženo. Znači ovo dostavljam kada je preduzeće Rad u pitanju. Znači izmjene statuta ne samo u preduzeću Rad nego i u svim ostalim se radi usklađivanje u narednom periodu će biti izmijenjeni. Bilo je pitanje od gospodina Aljoše Čampare da li lično smatram ko može biti imenovan. Lično smatram da trebaju kompetentni i stručni ljudi u svim preduzećima biti imenovani. Tako da što se tiče izmjena statuta do sada je podnijelo samo preduzeće Rad ovo što smo radili na usklađivanju kod svih drugih preduzeća. Što se tiče samog Ministarstva, ministar nema uticaja vi ste upoznati na izbor same uprave ili direktora niti učestvuje u tome. Tako da što se tiče samog izbora uprave nadležan je nadzorni odbor u skladu sa zakonom i normativnim aktima preduzeća.

Predsjedavajući:

Zahvaljujem uvažena ministrice. Premijeru jesmo li završili sa odgovorima. Imamo nezadovoljstvo sa odgovorom, uvažena zastupnica Vildana Bešlija je tražila da joj dam riječ izvolite kolegice Vildana Bešlija. Imate riječ. Nezadovoljstvo odgovorom, imate pravo postavili pitanje ili.

Poslanik/zastupnik Vildana Bešlija:

Hvala predsjedavajući. S obzirom da je ministar rekao da mu nije jasno pitanje koje sam postavila ja ću ga evo ponoviti i naravno s obzirom da pretpostavila sam da vjerovatno će biti iznenađeni i neće imati odgovor, naravno da će dostaviti i pismeno. Kada sam postavila pitanje koliko nas košta nedolazak djece u školu i na osnovu kojih parametara, to se nadovezuje jedno i drugo pitanje, je donesena odluka da se odvija nastava na način kako je to ministar predočio. Mislila sam bukvalno ono što sam i rekla, u kojoj mjeri se taj gubitak reflektuje na produktivnost roditelja. Roditelji mnogi rade i sve ostale one stvari koje se tiču i koje smo imali priliku iznošene su tokom ovih zadnjih mjeseci. Tako da smatram da je te kriterije trebalo i sve one opasnosti i sve ono što može uticati na odvijanje i kvalitet nastave da ne pričam o tome o nastavnom osoblju, interesuje me i ovaj dio. Očigledno iz odgovara čini mi se da je manje više jasno da se nisu takvi parametri, odnosno nisam čula na osnovu kojih parametara je uopšte donešena ovakva odluka. Na osnovu odgovora koje je dalje pružio ministar. A što se tiču samih planova koje je rekao da će dostaviti tek naredne sjednice,

shodno tome, također opet roditelji se ne mogu organizovati, na koji način će se organizovati, kako ko od roditelja će znati da li mu dijete ide u školu ili mu ostaje kući, tako da bi sasvim logično bilo da se početak školske godine ustvari odgodi za 07.09. i također ostalo nejasno koje potvrde trebaju za dijete koje u domaćinstvu ima bolesne i stare. Da li je to samo izjava roditelja ili na koji način će se to rješavati. Znači puno je otvorenih pitanja. Očigledno je da smo nespremni ušli u sve ovo i naravno da ću dostaviti pismeni i tražim evo da mi se na taj način i molim da se uvaži ovaj apel da se onda školska godina pomjeri jer ovo je zaista ne pripremljeno. Hvala vam.

Predsjedavajući:

Zahvaljujem. Tačno na vrijeme, dvije minute. Kolegica Dizdarević Neira ima riječ, dvije minute za dopunska pitanja. Izvolite.

Poslanik/zastupnik Neira Dizdarević:

Hvala predsjedavajući. Pa evo ja sam također izjavila nezadovoljstvo odgovorom. Nije mi ministar Krivić odgovorio u ovom moru lekcija koje je upravo pokušao dijeliti na neki način pogrešno interpretirao moje pitanje. Ja sam pitala na osnovu intervjuja koji je dao za određene portale jutros sam pročitala izjavu gdje kaže, naglasio je kako u ovom trenutku nije siguran na koji način se liste čekanja može, pod navodnicima riješiti, ali je dodao da na rješavanju ovog problema radi interresorni radni tim, kako bi vidjeli na koji način bi mogli subvencionirati djecu koja se nalaze na listi čekanja. Završen citat. Dakle, ministar je pozvao zastupnike da kada nešto čuju, ustvari ja sam pročitala, da pitaju Ministarstvo i evo ja sam ovim putem i pitala Ministarstvo da li se nazire rješenje ovog problema, gdje je ministar odgovorio da će do kraja godine biti osposobljeno par objekata JU Djeca Sarajeva, to su projekti prethodne Vlade, to već svi znamo, ali na žalost nemaju ni oni kapacitet za zbrinjavanje svih 1500 mališana. Snažno podržavamo rekonstrukciju objekata JU Djeca Sarajeva. Uvijek smo to kroz naše inicijative i radili ali mora se iznaći određeno rješenje i za sve mališane, posebno u ovako složenoj situaciji u kojoj se nalazimo i gdje roditelji rade, kako je to moj kolega Konaković već ranije diskutovao. Eto toliko i samo bih napomenula da je zakonodavna vlast iznad izvršne i da ministar Krivić to ne bi trebao da zaboravlja. Hvala.

Predsjedavajući:

Zahvaljujem. Uvažena Segmedina Srna Bajramović. Izvolite, imate dvije minute.

Poslanik/zastupnik

Zahvaljujem predsjedavajući. Pa bit će puno kraće. Ne znam zapravo ima li smisla bilo šta komentarisati, s obzirom na to tačno je da sam tražila usmeni odgovor s obzirom na to da je ministar Krivić u nekoliko navrata apsolutno krivo interpretirao moje navode iz osvrta na odgovor koji sam dobila 28. maja. Ja ću sada tražim da mi se dostavi usmeni odgovor na sva postavljena pitanja, a svoje pitanje sam dostavila skupštinskim službama, tako da će sve građanke i građani Kantona, kao i zastupnici i zastupnice i prije svega oni na koja su se ova pitanja odnosili, moći vidjeti sadržaj pitanja. Još bih dodala ovdje vezano za edukaciju nastavnog osoblja, to što neko živi u centru, vi ili ja, pa je možda edukacija nastavnog osoblja tu i urađena, dobila sam čitav niz poruka, da nije istina da se u svim OŠ u Kantonu Sarajevo izvršili edukacije nastavnika i profesora prije uvođenja online nastave. Recimo dobila sam poruku da to nije slučaj u OŠ Ilijašu. Dakle ovdje ne tražim dodatni odgovor, nego tražim dodatni odgovor u pisanoj formi. Zahvaljujem.

Predsjedavajući:

Zahvaljujem. Uvažena zastupnica Duraković Jasna ima nezadovoljstvo odgovorom. Izvolite.

Poslanik/zastupnik Jasna Duraković:

Zahvaljujem predsjedavajući. Evo i ja ću vrlo kratko. Ministar se potrudio dati neke odgovore, međutim, nisam dobila odgovore niti na jedno postavljeno pitanje. I baš onako kritikovala bih činjenicu da ste rekli da su to sve konstatacije apsolutno nisu konstatacije kada imate situaciju kakvu imate i voljela bih evo čuti ako ne možete usmeno da mi u pismenoj formi dostavite plan realizacije nastave za tjelesni odgoj. Dakle nije konstatacija kada kažem da već protekla tri mjeseca sportski klubovi, udruženja različita rade sa djecom istog uzrasta, dakle najnormalnije obavljaju treninge dva ili tri puta sedmično, u fiskalturnim salama svugdje u Kantonu Sarajevo. A vi predviđate u ovom planu realizacije nastave da se tjelesni odgoj, nastava za tjelesni odgoj odvija online. Potpuni apsurd. To je bilo pitanje koje sam postavila, niste to tako očito razumjeli pa bih voljela evo da čujem neki adekvatan odgovor na to postavljeno pitanje. Također se slažem s kolegicom Vildanom Bešlijom, možda bi smo mogli razmotriti opciju da se odgodi početak nastave za 07.09. mislim da ovo zaista nije dovoljno vremena, da se ozbiljno prema svemu ovome odnosimo, moramo se svi zajedno uključiti, olakšati koliko je to moguće, ne samo djeci već i nastavnom osoblju i nama roditeljima. Ja vas lijepo molim da evo razmotrite tu opciju. Ako treba mi možemo formulisati zaključak koji bi išao u tom pravcu. Toliko zahvaljujem.

Predsjedavajući:

Zahvaljujem. Premijeru da li ministri žele odgovoriti ili ćete u pisanoj formi dostaviti odgovore?

Premijer Mario Nenadić:

Evo pozvat ću ministre da se oko toga odrede. Zato jer ponavljam i ministri su na različitim lokacijama. Evo svi ministri su dobili dodatna pitanja. Ukoliko žele odgovoriti, ukoliko su spremni, imaju priliku pozivam ih evo isto kao i vi, ne sjede do mene. S druge strane imamo još samo iza ovoga ovaj set koji se odnosi na pitanja iz oblasti zdravstva. Hvala.

Predsjedavajući:

Zahvaljujem. Da li se neko od ministara prijavljuje? Evo da sačekamo još koju minutu. Evo dok čekamo nekoga da se prijavi od ministara imamo četiri zaključka, odnosno zahtjeva da se izjasni Skupština. Prvi je uvaženog zastupnika Damira Nikšića, kolegice Neire Dizdarević, uvažene dopredsjedavajuće Kristić i zastupnika Vrete Elvisa. Mi nismo dobili niti jedan više zaključak o kojem treba Skupština da se izjasni. Ukoliko je neko predložio neki zaključak kroz zastupnička pitanja i inicijative molim da to napiše u grupu, jer imamo samo ova četiri zahtjeva za izjašnjenje.

Prelazimo na izjašnjenje. Ministar Krivić se javio da bi odgovorio. Ministre Kriviću da li ste tu? Evo izvolite. Samo imate pravo koliko je postavljeno pitanje dodatno toliko i odgovor, nema potrebe (nerazumljivo). Hvala vam.

Ministar Anes Krivić:

Evo baš iz razloga što sam i te kako svjestan da je zakonodavna vlast iznad izvršne vlasti, bih želio samo da napomenem da sva pitanja koja su upućena i zahtjevano da se odgovori u pismenoj formi i svakako da ćemo to učiniti. Ja bih želio da se izvinem svim onim zastupnicima čija pitanja možda nisam dobro zapisao budući da je bilo jako mnogo pitanja iz oblasti obrazovanja. Ja sam ih zaista zapisivao onako kako sam ih čuo. I evo želio bih da se izvinem svima onima koji misle da sam odgovarao na pitanja koja mi nisu postavili. Svi odgovori će biti u pisanoj formi. Zahvaljujem.

Predsjedavajući:

Zahvaljujem ministre. Prelazimo na izjašnjavanje kako su i pristizali prijedlozi zaključaka za izjašnjavanje Skupštine. Kolega Damir Nikšić, kolegica sekretar Skupštine će napraviti anketu i poslije da glasate.

Poštovani Predsjedavajući Skupštine Kantona Sarajevo

Molim vas da deklaraciju koju sam predložio i koju je Skupština Kantona Sarajevo jednoglasno usvojila stavite na dnevni red Hitne sjednice kako bi istu mogli povući jer je na 27. Radnoj sjednici Skupština Kantona Sarajevo usvojila Deklaraciju koja nije bila potpuna.

Zahtjev smo dobili od uvaženog Nikšića i molim zastupnike da se izjasne o prijedlogu uvaženog zastupnika Nikšića. Otvaram glasanje. Molim zastupnike da glasaju. Imate još 30 sekundi da glasate.

ZA JE GLASALO 23 ZASTUPNIKA, PROTIV NIKO, SUZDRŽANIH JE BILO 1.

KONSTATUJEM DA SMO USVOJILI PRIJEDLOG UVAŽENOG ZASTUPNIKA NIKŠIĆA DA SE DEKLARACIJA STAVI VAN SNAGE.

Uvažena zastupnica Neira Dizdarević. Molim sekretara da napravi anketu. A ja ću pročitati.

1. *Obavezuje se Ministarstvo prostornog uređenja, građenja i zaštite okoliša sa naloži svim upravicima da nakon usvojene odluke etažnih vlasnika o izboru fizičkog ili pravnog lica na pojedinim poslovima redovnog ili vanrednog održavanja zgrade potpišu kooperantski ugovor sa izabranim fizičkim ili pravnim licima koji je registrovan za obavljanje određene djelatnosti koji ima zaposlene kvalifikovane izvršioce.*
2. *Obavezuje se Ministarstvo prostornog uređenja, građenja i zaštite okoliša da izvrši izmjenu i dopunu člana 5. tačka stav 1) tačka g) Pravilnika o uvjetima za obavljanje poslova upravnika (Sl. Novine Kantona Sarajevo broj 30/17) kojim će biti obavezujuće da nakon odluke etažnih vlasnika o izboru fizičkog ili pravnog lica na pojedinim poslovima redovnog ili vanrednog održavanja zgrade potpišu kooperantski ugovor sa izabranim fizičkim ili pravnim licima koje je registrovan za obavljanje određene djelatnosti ima zaposlene kvalifikovane izvršioce.*
3. *Rok za izvršenje zaključka je mjesec dana.*
4. *Obavezuje se Ministarstvo prostornog uređenja, građenja i zaštite okoliša da u realizaciji ovih zaključaka obavijesti javnost putem TVSA, svoje zvanične web stranice i Facebook profila.*

Otvaram glasanje. Molim zastupnike da glasaju. Još 30 sekundi za glasanje. Izvolite, glasajte.

ZA JE GLASALO 15 ZASTUPNIKA, PROTIV 2, SUZDRŽANIH 8.

KONSTATUJEM DA NISMO USVOJILI PRIJEDLOG UVAŽENE ZASTUPNICE DIZDAREVIĆ.

Prelazimo na realizaciju zaključka uvažene dopredsjedavajuće Kristić.

Molim sekretara Skupštine da napravi anketu, iako smo ovaj zaključak već jednom usvojili, i to 25.06. 2108. broj: 01-05-24938/18. Ja taj akt imam kod sebe, i nema potrebe. Evo kolegice Kristić dajem vama riječ ukoliko ima potrebe da glasamo, ali bespredmetno je glasati dva puta za isti zaključak, stoga ukoliko bude glasanje ja ću glasati protiv jer imamo zaključak koji je obavezujući za Vladu da provede sve što ste naveli u vašem zaključku. Kolegice Kristić izvolite, ima li potrebe da damo na glasanje.

Dopredsjedavajuća Danijela Kristić:

Zahvaljujem predsjedavajući. Naravno da ima potrebe zaključak je usvojen 2018 godine ali nikada nije proveden i ja tražim da se Skupština izjasni jer tu stoji rok od 60 dana kada bi Vlada trebala da provede te zaključke i moje mišljenje je i dalje da se izjasni. Ja bih molila

Skupštinu da se izjasni o zaključcima pod 1 i 2 kako sam ja navela u pisanoj formi. Hvala.

Predsjedavajući:

Ja taj rok nisam nigdje mogao pročitati. Ali evo dat ćemo na glasanje. Molim zastupnike da se izjasne. Još 30 sekundi za glasanje.

ZA JE GLASALO 16 ZASTUPNIKA, PROTIV 4, SUZDRŽANIH 3.

KONSTATUJEM DA NISMO USVOJILI PRIJEDLOG ZAKLJUČKA UVAŽENE DOPREDSJEDAVALJUĆE KRISTIĆ.

Prelazimo na izjašnjavanje zaključka uvaženog zastupnika Vrete. Molim sekretara Skupštine da napravi anketu kako bi mogli glasati.

1. *Zadužuje se Ministarstvo komunalne privrede i infrastrukture i KJKP VIK da u što kraćem roku, najdalje 30 dana od usvajanja zaključka razmotri i da saglasnost na dostavljenu idejno projektnu dokumentaciju separatne kanalizacione mreže, dostavljenu od strane opštine Ilidža za obuhvat ulica Hendekusa, Osijek, Bratunačka cesta i Osječki put, a što je preduslov za početak izgradnje kanalizacione mreže.*
2. *Zadužuje se Ministarstvo komunalne privrede i infrastrukture i preduzeće VIK da u roku od 30 dana od usvajanja zaključka razmotri i da saglasnost na dostavljenu projektno tehničku dokumentaciju izrađenu od strane Općine Ilidža a kako bi otpočele aktivnosti na izgradnji vodovodne mreže za 180 domaćinstava u ulici Kamenolom MZ Blažuj.*
3. *Zadužuje se Ministarstvo komunalne privrede i infrastrukture i KJKP VIK da u roku od 30 dana od usvajanja zaključka razmotri i da saglasnost na dostavljenu projektno tehničku dokumentaciju izrađenu od strane Općine Ilidža a kako bi otpočele aktivnosti na izgradnji vodovodne mreže za 80 domaćinstava ulici Mitići, MZ Vrelo Bosne.*

Sekretar molim vas da pošaljete anketu. Otvaram glasanje. Molim zastupnike da glasaju. Još 30 sekundi za glasanje. Molim zastupnike da glasaju.

ZA JE GLASALO 16 ZASTUPNIKA, PROTIV NIJE BIO NIKO. SUZDRŽANIH JE BILO 6.

KONSTATUJEM DA NISMO USVOJILI PRIJEDLOG ZAKLJUČKA UVAŽENOG ZASTUPNIKA VRETE.

I imamo još jednu zastupničku inicijativu. A traži se izjašnjenje zastupnika. Uvažena zastupnica Vildana Bešlija je uputila

-da se obavezuje Ministarstvo za obrazovanje, nauku i mlade Kantona Sarajevo da se poništi odluka o početku školske godine od 01.09.2020.godine te da se pomjeri na 07.09.2020.godine.

Molim sekretara da napravi anketu kako bi glasali. Molim zastupnike da glasaju. Otvaram glasanje. Molim zastupnike da glasaju, još 30 sekundi. Zaključujem glasanje.

ZA JE GLASALO 15 ZASTUPNIKA, PROTIV NIJE BIO NIKO, SUZDRŽANIH JE BILO 6.

KONSTATUJEM DA NIJE USVOJENA INICIJATIVA UVAŽENE ZASTUPNICE VILDANE BEŠLIJE.

Kolegica Amra Kaljić je tražila riječ, pretpostavljam poslovnička intervencija. Jedino na taj način mogu vam dati riječ. Kolegica Kaljić Amra Junuzović, ima riječ, poslovnička intervencija. Izvolite.

Poslanik/zastupnik Amra Junuzović-Kaljić:

Hvala predsjedavajući. Dakle upravo vezano za ovaj zadnji zaključak uvažene kolegice

Bešlije i za početak školske godine. Obzirom da je u međuvremenu izašla vijest na portalima kako će Federacija imati sutra sastanak kantonalnih ministara zdravstva i obrazovanja, i vezano za razvoj epidemiološke slike dakle u FBiH onda će praktički ta odluka o početku nastave moguće i za 15, tako da vjerujem da je to možda malo izazvalo neku zabunu. Eto jednostavno da pojasnimo. Naravno stoji inicijativa ali i činjenica da će federalna odluka koju naravno kao Kanton moramo ispoštovati biti donešena sutra. Hvala lijepo.

Predsjedavajući:

Kolega Deviću ako se ponavljamo, ja vam mogu dati riječ, poslovnička intervencija svakako ali vas lijepo molim imamo sumnju u glasanje. Ne možemo sada otvarati diskusiju za zastupničke inicijative o kojima se izjašnjavamo. Evo dajem vam riječ i molim da nakon toga postupimo u skladu sa Poslovníkom i da krenemo u pojedinačno glasanje. Kolega Deviću imate riječ.

Poslanik/zastupnik Mahir Dević:

Isključiva je nadležnost predsjedavajući ministarstva i ministra da procijeni ovu vrstu situacije. Skupština nema potrebe da čeka ni Federaciju. Naravno, ako Federacija da neku uputu oni mogu da je primijene. Tako da mi se bespotrebno izjašnjavamo o ovoj inicijativi. Ukoliko Ministarstvo za obrazovanje i nauku procijeni situaciju da treba da reaguje. Ono će naravno reagirati. Tako da mi na neki način bespotrebno uzimamo nadležnosti Ministarstva za obrazovanje, nauku Kantona Sarajevo i ministra. Hvala.

Predsjedavajući:

Pojedinačno izjašnjavanje. Ne mogu dati repliku nema potrebe za replikama jer ne možemo dati repliku uvažena kolegice Bešlija, mogu vam dati kao predlagачu inicijative riječ i da krenemo sa zahtjevom uvaženog zastupnika Nikšića za pojedinačno izjašnjavanje. Kolegica Bešlija poslovnička intervencija. Ne možemo vam dati repliku jer nemamo osnov. Izvolite.

Poslanik/zastupnik Vildana Bešlija:

Hvala predsjedavajući. Znači vidjela sam i ja sada da su mediji objavili mogućnost odgađanja nastave. Znamo da to postoji i mogućnost da kantoni imaju drugačije odluke. Očigledno da nismo spremni i na drugim nivoima isto tako sa početkom školske godine ali ono što je mene uzrokovalo ustvari da podnesem ovaj zaključak je upravo izlaganje ministra. I ovo hoću da odgovorim kolegi Deviću, upravo izlaganje ministra obrazovanja iz kog se jasno vidjelo da nemamo ništa precizirano, da nemamo parametre na osnovu kojih je ministar odredio da to bude 01.09 osim što je to trebalo, ne znam, dobro zvuči 01.09. i što je preporuka i očekujemo da tada školska godina počne. Znači mislim da imamo pravo i obavezu pričati o ovakvom pitanjima i ako uočimo neke neusklađenosti kako što je to bio slučaj ovdje da će se planovi tek naredne sedmice dostavljati, da evidentno onda nemaju roditelji uopšte mogućnost da se organizuju na koji način će pratiti svoje dijete pri odlasku u školu itd. Puno je otvorenih pitanja. Ja nisam bezveze tražila da se odgodi početak školske nastave, znači nego s razlogom. Vrlo dugo smo slušali ministra. Nismo čuli adekvatna obrazloženja, iz svega toga proizašao je ovaj zaključak. Znači drago mi je što će biti vjerovatno na Federaciji to produženje roka ali to apsolutno ne mora da se veže s kantom Sarajevo. Imamo ovdje problem. Hvala vam.

Predsjedavajući:

Traži uvaženi Nikšić pojedinačno izjašnjavanje. Molim sekretara za prijedlog inicijative uvažene zastupnice Bešlije, pojedinačno izjašnjavanje. Izvolite kolegice.

Sekretar Skupštine Aida Zeković:

Molim da se izjasnite:

Aljović Hamed	ODSUTAN
Bešlija Vildana	ZA
Bišćević-Tokić Jasmina	SUZDRŽANA
Čampara Aljoša	ODSUTAN
Čelik Mirza	SUZDRŽAN
Ćosović-Hajdarević	SUZDRŽANA
Delalić Sabahudin	SUZDRŽAN
Dević Mahir	SUZDRŽAN
Dizdarević Neira	ZA
Duraković Jasna	ZA
Handžić Vibor	ZA
Hasagić Amra	SUZDRŽANA
Hasanović Senad	ODSUTAN
Hodžić Admela	ODSUTNA

(samo ako možete isključite mikrofona, trenutno imamo mikrofoniju pa ne možemo čuti ostale zastupnike)

Jakupović Vedran	ZA
Junuzović-Kaljić Amra	ZA
Kerla Bibija	ODSUTNA
Konaković Elmedin	ZA
Krstić Danijela	ZA
Marić Zvonko	SUZDRŽAN
Marjanović Damir	ODSUTAN
Mekić Amel	ZA
Memić Arijana	ZA
Milavica Sead	ODSUTAN
Nikšić Damir	ZA
Okerić Elvedin	ZA
Pecikoza Fahrudin	ODSUTAN
Pleho Haris	ODSUTAN
Poturak Dževad	SUZDRŽAN
Srna- Bajramović Segmedina	ZA
Stojanović Igor	ODSUTAN
Suljević Samir	ZA
Šahman Bilsena	ZA
Viteškić Smiljana	SUZDRŽANA
Vreto Elvis	ZA

Predsjedavajući:

Evo imamo rezultate. Kolegice Duraković imamo kvorum za odražavanje sjednice. Ukoliko ne budemo imali kvoruma ja ću naravno prekinuti sjednicu.

ZA JE GLASALO 16 ZASTUPNIKA, PROTIV NIJE BIO NIKO, UZDRŽANIH JE BILO 9. KONSTATUJEM DA INICIJATIVA UVAŽENE ZASTUPNICE VILDANE BEŠLIJE NIJE DOBILA POTREBNU VEĆINU I NIJE USVOJENA ISTA.

A molim zastupnike kojima smo se izjašnjavali kroz zaključke da koriste bar poslovničku mogućnost da se šefovi klubova traže poslovničku intervenciju kako bi se izjasnili pojedinačno. Već smo to zakasnili. Evo kolega Vreto vi to možete ponoviti na sljedećoj

sjednici Skupštine Kantona Sarajevo pa ćemo tražiti pojedinačno. Već smo završili sa izjašnjavanjem.

I prelazimo na realizaciju tačke dva.

AD – 2.

INFORMACIJA MINISTARSTVA ZDRAVSTVA, KRIZNOG ŠTABA I CIVILNE ZAŠTITE O PODUZETIM MJERAMA I SA PRIJEDLOGOM MJERA ZA SUZBIJANJE ŠIRENJA PANDEMIJE KORONAVIRUSA

Materijal ste dobili uz poziv za sjednicu. Molim predstavnika Predlagača da podnese uvodne napomene. Neko iz Kriznog štaba ili CZ ili Ministarstva. Ko nam je spreman? Ja se izvinjavam uvažena Pilav. Imali smo poslovničku intervenciju uvaženog zastupnika Vreto. Izvolite kolega Vreto.

Poslanik/zastupnik Elvis Vreto:

Hvala predsjedavajući. Ja vas zaista molim, znam da ste završili ovu tačku ali bilo je zahtjeva, kako moj zahtjev tako i kolege Vedrana, Danijele Kristić vezano za moj zaključak da se izjasnimo poimenično. Ne vidim razloga.

Predsjedavajući:

Jeste kolega Vreto ali nakon zaključivanja tačke. Dali smo prvu inicijativu uvaženog zastupnika Nikšića, poslije je bila zastupnica Neira Dizdarević, pa je bila uvažena zastupnica Kristić, pa ste bili vi i nakon toga je bila uvažena zastupnica Vildana Bešlija. Mi smo glasali za taj zaključak i onda ste nakon toga je kolegice Bešlija tražila pojedinačno izjašnjavanje, neko iz klubova je trebao ranije reagovati a ne nakon izjašnjavanja, kada pređemo na drugi zaključak da se izjasnimo. Poslovnički to nije moguće danas uraditi. Ja vas lijepo molim da tu istu inicijativu predložite na sljedećoj sjednici Skupštine Kantona Sarajevo i da iskoristite svoju poslovničku mogućnost da se zastupnici izjasne pojedinačno za istu. Nastavljamo sa radom. Tačka 2. kolegice Pilav da li ste spremni?

Premijer Mario Nenadić:

Gospodine predsjedavajući evo za deset sekundi će se uključiti kolegica, otišla je u drugu sobu gdje je kompletan Krizni štab.

Predsjedavajući:

Zahvaljujem premijeru. Evo sačekat ćemo par sekundi. Jakupović je tražio poslovničku intervenciju, evo sačekat ćemo dat ćemo riječ uvaženom zastupniku Jakupoviću. Evo izvolite kolega Jakupović.

Poslanik/zastupnik Vedran Jakupović.

Ovdje opet tehničko pitanje. Možete pogledati kada ste zatvorili tačku dnevnog reda, kada niste vidjeli na viberu. Dakle nije uopšte pitanje drugo osim tehničko kada je riječ o mom zahtjevu za pojedinačno izjašnjavanje. Kolega Vreto i dopredsjedavajuća Kristić su tražili i prije toga. Tako da mislim da bez obzira što smo krenuli u drugu tačku, niste vidjeli tehnički da sam prije nego što ste zaključili prvu tačku podnio zahtjev za pojedinačno izjašnjavanje. Hvala vam.

Predsjedavajući:

Uvaženi kolega ja pratim zaista, možete i vi pratiti ali ja nigdje ne vidim kao i ostali mogu

imamo svi pristup Viber grupi. Vi ste nakon prelaska, u 14:56 tražili pojedinačno izjašnjavanje a kolegica Kristić je također u 14:56 nakon toga smo prešli na drugu tačku dnevnog reda. A prije toga između uvažene dopredsjedavajuće Kristić i uvaženog zastupnika Vrete ja ne vidim nigdje pojedinačno. Hajte evo, riješit ćemo.

Poslanik/zastupnik Vedran Jakupović:

Mogu li ja? Možemo vidjeti, bilo je pojedinačno dopredsjedavajuća Kristić. Ovdje su u pitanju VIK s jedne strane na Iidži i s druge strane oboljeli od dijabetesa. To su stvari oko kojih bi se trebali složiti. I mislim da želimo da vidimo i da javnost zna ko je ustvari bio protiv i ko je bio suzdržan. Tako da tehnički u 10 sekundi koliko sam ja vas vidio prije zatvaranja tačke dnevnog reda ja sam podnio tako da evo na vama je da odlučite.

Predsjedavajući:

Kolega Jakupović, mi smo se izjašnjavali o inicijativi uvažene zastupnice Bešlije. Njena inicijativa je bila zadnja. Jedino je kolega Nikšić tražio na vrijeme pojedinačno izjašnjavanje ja sam to dao. Prešli smo na drugu tačku dnevnog reda i molim vas da se ne vraćate na tačku 1, jer smo je zaključili. I molim predstavnika predlagača da podnese uvodne napomene. Kolegice Pilav da li ste spremni za uvodne napomene za Informacije ministarstva zdravstva, kriznog štaba i CZ o poduzetim mjerama i sa prijedlogom mjera za suzbijanje širenja pandemije koronavirusa. Izvolite, imate riječ kolegice. Radi stenograma molim da se predstavite, funkciju koju obnašate i radi stenograma i zapisnika. Izvolite, imate riječ.

Aida Pilav, direktor Zavoda za javno zdravstvo Kantona Sarajevo, predsjednik Kriznog štaba Ministarstva zdravstva Kantona Sarajevo:

UVODNO IZLAGANJE

Predsjedavajući:

Zahvaljujem kolegice Pilav. Jel ima neko još iz kriznog štaba ili CZ?

Aida Pilav:

Evo sada će gospođa Nihada. Evo izvolite.

Predsjedavajući:

Nihada Glamoč, izvolite. Samo se predstavite i koju funkciju radi stenograma, to je formalnost, ali evo ja vas lijepo molim.

Nihada Glamoč ministar, komandant CZ Kantona Sarajevo:

Cijenjeni predsjedavajući, cijenjeni zastupnici, drugi put vas evo srdačno pozdravljam. Ja sam Nihada Glamoč, u ovoj ulozi sada sam trenutno kao komandant CZ. Ja ću se potruditi da informacije koje vam je profesorica Pilav već iznijela da nam se ne preklapaju u onom dijelu gdje smo zajednički te aktivnosti provodili od proglašenja stanja prirodne i druge nesreće. Znači od 17. marta kada je Vlada FBiH donijela odluku o proglašenju stanja prirodne i druge nesreće od korona virusa štab CZ Kantona je uputio prijedlog Vladi Kantona Sarajevo koja je 18.03. prihvatila prijedlog i donijela Odluku o proglašenju stanja prirodne i druge nesreće i na području Kantona Sarajevo. Štab je u skladu sa proglašenom odlukom od tog dana svakodnevno bio u redovnom zasjedanju, kontinuirano provodio sve aktivnosti koje su i naredbe koje su donošenje od strane Federalnog štaba CZ a i naredbe koje je štab CZ Kantona Sarajevo donosio na sjednicama koje su se odvijale svakodnevno. Ono što možemo reći da je u periodu od 18.03. do 31.maja štab CZ Kantona Sarajevo donio ukupno 37 naredbi koje su redovno objavljivane i na stranici Vlade Kantona Sarajevo kao i na web stranici Uprave i

svakodnevno smo se trudili da te informacije kako do naših sugrađana dolaze tako i do informacije i za predsjedavajućeg Skupštine Kantona. Od proglašenja stanja prirodne nesreće Štab CZ je zajedno sa opštinskim štabovima, Crvenim križem, sve naredbe i odluke koje je štab Federalni štab CZ donio u cijelosti primijenio. Upoznati ste i bili, svakodnevno ste pratili naše aktivnosti koje smo tih dana u martu i aprilu pogotovo dostavili, kada su zaustavljene mnoge aktivnosti u Kantonu Sarajevo ali neke odluke i naredbe koje su bile izuzetno teške možemo reći da ih je štab CZ uz podršku Vlade Kantona u cijelosti i dosljedno primijenio. Štab CZ je opštinskim načelnicima komunalnim preduzećima i naravno u stalnom kontaktu sa predstavnicama Kriznog štaba Ministarstva zdravstva koje je u tom trenutku postalo sastavni dio štaba provodio u cijelosti naredbe. One najaktualnije naredbe za koje možemo da kažemo jeste da je od prvog dana uspostavljeno funkcionisanje kantonalnog operativnog centra CZ, zatim da su apsolutno pojačane bile aktivnosti kada je dezinfekcija i čišćenje i pranje ulica vanredno su bile aktivnosti, pogotovo oko zdravstvenih ustanova, međutim evo i u ovom periodu te aktivnosti nastavljamo i nakon ukidanja stanja prirodnih i drugih nesreća. Najveće aktivnosti koje je štab u tom trenutku primjenjivao i provodio jeste kada je otvoren i proglašen studentski dom Bjelave za prirodni izolatorij i kada je Federalno Ministarstvo donijelo i propisalo obaveznu mjeru karantena. Tada su aktivnosti štaba CZ bile usmjerene na transport lica, osiguranje i prevoz kao i obezbjeđenje smještaja i ostalog. Ono što je veoma bitno naglasiti da je štab CZ bio u stalnom kontaktu kako sa ustanovama i institucijama i ustanovama iz oblasti zdravstva, socijalne zaštite tako i sa pripadnicama MUP-a. aktivnosti koje je štab CZ preko CZ i njihovog volontera provodio su bile svakodnevne u dijelovima kada je dostava lijekova na kućnu adresu, kada je nakon izdate naredbe da je zaustavljene kretanje za starije iznad 65 i djecu do 18 godina. Znači aktiviralo je Crveni križ i općinski štabovi CZ su stavili na raspolaganje resurse da mogu da se dostavljaju na kućnu adresu i ostalo. Štab je ukupno održao 30 i više sjednica. S tim što neke sjednice su i kontinuirano u dva tri dana odlazile, napravljeno je 30 zastupnika sa sjednica, koje su transparentno vidljive i na web stranici uprave CZ. Nakon što je Vlada donijela odluku o proglašenju prestanka prirodne nesreće Vlada Kantona Sarajevo je na vanrednoj sjednici održanoj 31.05 prihvatila prijedlog štaba i donijela odluku o prestanku stanja prirodne i druge nesreće zbog opasnosti od širenja zarazne bolesti uzrokovane koronavirusom. Ono što je nastavljeno u tom trenutku, preko Federalnog Ministarstva zdravstva kompletna nadležnost je prešla u nadležnost Kriznog štaba Ministarstva zdravstva Kantona Sarajevo, a štab je u skladu sa navedenom odlukom kao i svojim nadležnostima nastavio raditi i pratiti stanje na području Kantona Sarajevo te na bazi istog i naredbi i preporuka drugih akata krizni štabova Ministarstva zdravstva utvrđivao je obim i potrebe za angažovanje snaga i sredstava CZ. Znači i u toku proglašenja stanja, od 18.03 do 31 maja i tako nakon toga, štab CZ je sa preduzećima komunalnim i pogotovo preko Veterinarske stanice radio na pojačanoj dezinfekciji i čišćenju, tako da i ove aktivnosti evo to se uveliko provodi ovih dana. Ono što možemo reći i bilo je pitanja od strane zastupnika na način kako je vršena nabavka i distribucija opreme. Ono što možemo reći da kompletna oprema koja je nabavljena i distribuirana je na transparentan način dodijeljena uz potpise tako da taj cjelovit dio je štab CZ izvještavao prije svega Vladu Kantona a onda informacija e svaki mjesec dostavljana Skupštini Kantona Sarajevo. U periodu od proglašenja stanja pa do 31 maja, štab CZ je izvršio nabavku i ukupno je utrošio oko 510.000 od čega 29000 redovnih budžetskih sredstava i 480.000 namjenskih sredstava. Kompletna oprema koja je distribuirana, jedan mali dio koji je trenutno se nalazi na stanju u Upravi CZ i ona je na transparentan način i može se vidjeti koliko ima. Ono što možemo još reći da je Uprava CZ Kantona Sarajevo putem Federalnog štaba CZ dobila donaciju u vrijednosti od 704.000 jedan dio od Federalnog štaba 637.000, procijenjena vrijednost od Sarajevske pivare sredstva za dezinfekciju oko 4000 i Direkcije za robne rezerve oko 62.000. Kompletna ova oprema je dodijeljena jer su i takve bile naredbe od Štaba CZ naravno za ustanove koje su bi le i spisak svih institucija sa tačnim

brojem i sa zapisnicima nalazi se na uvid i može se pogledati u Upravi CZ. Trenutno u ovom trenutku na raspolaganju u Upravi CZ ima još opreme ukoliko bude neophodno ili bude trebalo ima mogućnosti još da se nabavi oprema za dalju podjelu. Evo toliko ukratko. Za sva pitanja stojimo na raspolaganju.

Predsjedavajući:

Zahvaljujem. Da li predstavnici radnih tijela žele riječ? Molim zastupnike da se prijavljuju u Viber grupu. Ima li pitanja? Molim zastupnike da se prijavljuju ako imaju pitanja za Krizni štab a tiče se informacije o poduzetim mjerama i sa prijedlogom mjera za suzbijanje širenja pandemije koronavirusom. Imamo Konaković prvi, jeste li spremni? A molim Krizni štab da evidentira pitanja kako bi mogli odgovoriti. Izvolite. Imate riječ. Prvi ste.

Poslanik/zastupnik Elmedin Konaković:

Imam nekoliko pitanje. Mogu i članovi KŠ odgovarati, možda će se oni najbolje između sebe odgovarati ko može odgovoriti adekvatno na pitanja. Prvo pitanje za menadžment Opšte bolnice, da li s obzirom na nastavak odlaska vrhunskih iskusnih ljekara sa KC zbog mobinga postoji mogućnost prijema tih ljekara u Opštu bolnicu i da li se time može uvesti prošireni obim i vrsta pružanja usluga našem građanstvu te da se nakon toga naravno sredstva ZZO preusmjere za te ljekare i usluge? Zanima me odgovor nekoga iz Opšte bolnice. Zanima me sada odgovor kriznog štaba, tiče se izolatorija u Podhrastovima. Neka odgovori ko misli da zna. Da li postoji jedinstven protokol liječenja za pacijente koji su oboljeli od COVID-a 19 a imaju srednje tešku ili se liječe kod kuće. Ko kontrolira primjenu terapije? I također molim da mi se odgovori koji protokol liječenja se koristi za teško oboljele od COVID-19 u izolatoriju KC na Podhrastovima? Također molim da mi se odgovori decidno navede koje vrste edukacije vezano za COVID-19 i liječenje teško oboljelih pacijenata su organizovane na KCUS? Koliko je zaposlenika učestvovalo i ko su bili edukatori. I također tražim odgovor koja vrsta zdravstvenih profesionalaca u odnosu na njihove specijalizacije čini tim u procesu liječenja teško oboljelih od COVID-19 u izolatoriju u Podhrastovima? Ovo me posebno zanima. Dakle ko su ljudi, koje specijalizacije, šta ima je stručnost u izolatoriju? Kako bih naravno kroz diskusiju rekao neke stvari, zapažanja, kao zastupnik, ali i kao pacijent koji je prebolio COVID-19. Hvala.

Predsjedavajući:

Zahvaljujem. Sljedeća je uvažena zastupnica Duraković Jasna izvolite.

Poslanik/zastupnik Jasna Duraković.

Zahvaljujem predsjedavajući. Nadam se da se čujemo. Evo ja imam nekoliko pitanja. Prvenstveno za gospođu Pilav. Malo mi je bilo nevjerojatno slušati vas pričate malte ne govoreći da je sve idealno ,a ja čini mi se da je stanje na terenu potpuno drugačije. Nažalost. Dakle niti u jednom dijelu vašeg izlaganja niste obrazložili kako kažete i sami taj famozni put pacijenta, ne znam zašto ste ga tako okarakterisali. Da li to znači da je on u potpunosti netransparentan? I javnosti nepoznat još uvijek pa bih ja zamolila zaista ili vi ili neko drugi iz Kriznog štaba da to evo konačno obrazloži šta taj put pacijenta podrazumijeva? Dakle odakle on počinje, gdje završava, kako bi javnosti konačno bilo poznato šta to znači? Moje drugo pitanje se odnosi na aktuelnu situaciju i nadasve alarmantno stanje u Kantonu Sarajevo, koje niste niti u jednom dijelu izlaganja spomenuli. I to me zanima. Evo mi i zasjedamo upravo iz tog razloga zato što je, kao što i sami znate da se drastično uvećan broj novozaraženih oboljelih od koronavirusa i na žalost roj umrlih osoba od koronavirusa također. Mene zanima konkretno koje su to bile aktivnosti Kriznog štaba provedene od početka jula mjeseca do evo recimo 15.08. prije ovog zasjedanja. To je i bio u osnovi razlog zašto smo tražili hitnu sjednicu da se sazove da bi smo danas o tome razgovarali. Vi nigdje niste to spomenuli

uopšte. Vraćate se uporno na onu priču od početka marka koja je u ovom momentu potpuno irelevantna. Mi imamo sada situaciju kakva jeste i zanima me koje su to aktivnosti da li su neke dodatne mjere bile planirate da se poduzmu u nekom evo narednom periodu? Pogotovo obzirom da je riječ sada o početku nove školske godine i ta situacija se usložnjava pa vas molim da date malo konkretnije odgovore i evo vaše prijedloge, zamisli šta to vi smatrate da treba biti učinjeno u narednom periodu, to je neke dvije sedmice. Hvala. Toliko.

Predsjedavajući:

Zahvaljujem uvažena kolegice Duraković. Sljedeća je Samra Ćosović-Hajdarević. Kolegice čujete li me?

Poslanik/zastupnik Samra Ćosović-Hajdarević:

Zahvaljujem predsjedavajući. S obzirom da se prvi put javljam želim da pozdravim kolege i gledaoce. Ovako, moje pitanje ide za gospođu Aidu Pilav. Koliko zaposlenih radi u izolatoriju u Podhrastovima, u koliko smjena i šta je Krizni štab uradio da im pomogne jer je to jedini izolatorij u Kantonu Sarajevo koji pruža usluge hospitalizacije za pacijente oboljele od COVID-19?

Sljedeće moje pitanje glasi da li mi može neko reći ili objasniti koliko je zdravstvenih radnika sa KCUS pozitivno na COVID, da li imamo tu informaciju, a koliko ih je na bolovanju? Da napravimo omjer u ciframa. Sljedeće pitanje također glasi koliko oboljelih, tj pozitivnih pacijenata na COVID 19 ima hospitalizirano u Općoj bolnici, a ako ih nema, mene interesuje zašto? Zahvaljujem.

Predsjedavajući:

Zahvaljujem uvažena zastupnice Ćosović-Hajdarević. Sljedeća je uvažena dopredsjedavajuća Kristić Danijela. Kolegice izvolite, imate riječ.

Dopredsjedavajuća Danijela Kristić.

Zahvaljujem predsjedavajući. Pa prije svega ja ću da se osvrnem na dio materijala. Želim naglasiti da su ovo materijali za ovu sjednicu kao redovnu dobili 6 dana prije održavanje same sjednice i taj materijal je možda iznosio nekih 40 strana dok smo jučer dobili mail dodatno materijal kao dopunu nekih 190 strana. Mislim da je to veoma neozbiljno od same Vlade da nam da prije sjednice, pošalje dopunu materijala od 190 strana jer je sasvim logično da nismo mogli pogledati. Ja ću imati par pitanja koji su iz dijela prvobitnog materijala pa možda oni neće biti adekvatni odgovori na ta ista pitanja. Prvo pitanje, u materijalima se mogli vidjeti da je ZZO izdvojio sredstava koja su trebala biti doznačena zdravstvenim ustanovama na njihov zahtjev. Vidimo da niste, da sve ustanove nisu dostavile zahtjev za potražnjom za tim sredstvima. Da li to znači da ta sredstva nisu bila potrebna? Prije svega mislim na DZ i na Hitnu, jer je za DZ planiran iznos od 500.000 KM, a za Hitnu 100.000 sredstava. U materijalima stoji da ta sredstva nisu tražena, tako da im nisu ni ustupljena. Mogli smo vidjeti u materijalima prvobitnim da ustanove nisu dostavile sve izvještaje, prije svega mislim na evo tri bitne ću izdvojiti, to je Hitna pomoć, Dom zdravlja i KCUS. Tako da bez tih materijala teško smo mogli diskutovati na tu temu. Treće pitanje je koliko sredstava je uloženo u izolatorij na Građevinskom fakultetu, koji je formiran 31.05. Možete li nam reći ko je rasformirao isti? Gdje je uskladišten taj materijal, pregrade, sredstva i da li se ta oprema mogla iskoristiti za novi izolatorij za eventualno naredni period kada bi bila potrebna dodatna oprema. Peto pitanje, naredbe koje su donese 04.07. i 14.07. Kriznih štabova gdje je navedeno da sva javna preduzeća moraju dostaviti krizne planove. Da li imate povratnu informaciju da li je ova naredba implementirana u javnim ustanovama u Kantonu Sarajevo i koje su to JU koje su ispoštovale ovu naredbu? A koje JU nisu i šta ćete poduzeti prema ustanovama koje nisu ispoštovale tu naredbu? Toliko.

Predsjedavajući:

Zahvaljujem uvažena kolega Kristić. Marjanović Damir je sljedeći zastupnik. Izvolite imate riječ.

Poslanik/zastupnik Damir Marjanović:

Zahvaljujem predsjedavajući. Zahvaljujem na izlaganju koje smo čuli malo zvuči nerealno, zvuči jako dobro na dokumentima ali mislim da smo svi svjesni da u praksi ono što je napisano u dokumentima ne funkcionira ali hajte ostavit ću to za diskusiju. Par konkretnih pitanja. Ponovit ću pitanje jer možda sam propustio odgovor, neće mi niko zamjeriti. Zanima me tačno, u velikom broju podatak a nisam mogao da pronađem informaciju, koje je prosječno vrijeme koje prođe od prikupljanja uzorka za analizu, do momenta saopštavanja rezultata odgovornom doktoru i pacijentu. To mi je jako zanimljivo, taj podatak ne mogu nigdje da pronađem. A u diskusiji ću se referirati na to. Nadalje me zanima da li su i upoznati prije svega sada da kažem na ova pitanja bi trebao ministar da odgovara, ali hajte da se ne vraćamo na tu temu, da li su upoznati u Ministarstvu zdravstva u kriznom štabu, koliko problemi sa softverom n a terenu usporavaju cijeli proces. Koliko dovode u nezgodnu poziciju ljude koji rade sa tim softverom čini mi se da se taj softver zove Medit i koliko izazivaju problema, hajmo čak reći ponekada i netačnih informacija koje proizilaze iz tog softvera. I to ću obrazložiti u diskusiji. Nadalje, zanima me jedna konkretna stvar. Da li postoji jasan algoritam koji će reći sljedeće: danas imamo, ovo je hipotetički, 215 novozaraženih u Kantonu Sarajevo, podhitno se trebaju poduzeti mjere, te, te i te. Jasan algoritam i na osnovu čega se donose zaključci koje mjere u datome momentu trebaju da se poduzmu. Nadalje, moram postaviti pitanje prvenstveno Ministarstvu ali pošto nema nikoga ko bi to tamo trebao da odgovori, moram postaviti kolegici Pilav iz Kriznog štaba, zašto kada je više puta Federalno Ministarstvo govorilo, naše mjere su onako reda radi, idite konkretno, neću reći reda radi, ali su onako uopštene ali vam dajemo punu slobodu da ih pooštrite, zašto se više puta na prostoru Kantona Sarajevo govorilo čekamo da Federacija donese određene mjere, zašto niste uzeli stvar u svoje ruke i zašto se nije bilo konkretnije i hrabrije u donošenju nekih drugih mjera? I nadalje zanima me još jedna stvar, koje konkretno mjere ćemo sada poduzeti ka edukaciji mlađe generacije. Svjedoci smo da i mnogi eksperti iz kriznog štaba se govori d mladi ljudi najviše ne poštuju ove mjere, da ustvari virus najviše kola u tome bazenu, da upravo mladi ljudi kroz te aktivnosti šire taj virus, dajte mi recite konkretno šta je predviđeno da u ovome periodu, posebno u periodu kada trebaju da se polako vraćaju mladi ljubi u svoje školske ili fakultetske klupe, kako ćemo podići svijest, kako ćemo ih educirati? Da li je neko izanalizirao da li je dosadašnja kampanja i sistem edukacije bio dostatan i dovoljan da se podigne ta svijest? I nadalje, ovo je pitanje za ljude iz Ministarstva, posebno za ministra, bilo bi lijepo da on odgovori, da li su pročitali iti jedan dokument koje je naučno tijelo za praćenje i analizu situacije izazvane koronavirusom u toku pandemije u cilju razmatranja i hitnih primjena mjera, itd kako se već to zove, koje su četiri dokumenta dostavili, da li su oni pročitali? Ne mora mi kolegica Pilav odgovarati zato što znam da je kolegica Pilav to pročitala. Hvala velika.

Predsjedavajući:

Zahvaljujem uvaženi kolega Marjanoviću. Sljedeća je uvažena zastupnica Šahman Bilsena. Kolegice jeste li spremni?

Poslanik/zastupnik Bilsena Šahman,

Jesam, hvala Mirza. Ovako, ja ili postavljam pitanja na koja nema odgovora ili neko ne želi da mi da odgovor na ova pitanja. Tražila sam u prvom navratu da mi se odgovori usmeno na sva pitanja. Međutim nisam dobila ni jedan odgovor, i ja se nadam da sada će kolege koji su

tu, a znam da ih ima iz KC i Opšte bolnice, odgovoriti na moja pitanja koja sam prva postavila. A sad a bih malo da pitam krizni štab a i DZ, zašto testiranje u DZ, tzv H timovi ne rade dvokratno već samo rade od 8 do 10, i čemu služi narudžba na telefon za testiranje i gdje je tu hitnost? Zašto pulmolozi u COVID ambulanta ne pregledaju pacijente direktno, ne slušaju nalaz na plućima i ne propisuju terapiju već sa daljine samo očitavaju RTG snimke, što može uraditi i radiolog i zašto mnogi ljekari telefonski liječe pacijente? Jel se boje odgovornosti i propisivanja terapije il se boje pacijenata? I ko je odgovaran za taj propust? Još jedno pitanje, ko ograničava broj uzoraka koji će se predati, i da li je tačno da Krizni štab prosljeđuje naredbe iz KC da se iz jedne opštine može predati po 25 uzoraka? Zašto se iz dana u dan smanjuje broj testirani i zašto pacijenti čekaju danima rezultate što je neke koštalo i života ovih dana. Očekujem odgovore na sva ova moja pitanja, kao i na prethodne. Zahvaljujem.

Predsjedavajući:

Zahvaljujem uvažena zastupnice Šahman, sljedeća je uvažena zastupnica Hasagić Amra. Kolegice jel se čujemo?

Poslanik/zastupnik Amra Hasagić:

Nadam se da se čujemo. Zahvaljujem predsjedavajući. Pozdravljam uvaženo rukovodstvo, kolegice, kolege, članove Vlade i sve one koji na bilo koji način prate rad današnje sjednice. Ja imam dva pitanja i ista upućujem gospođi Pilav. Da li Opća bolnica po Zakonu o zdravstvenoj zaštiti dužna primati pacijente sekundarnog nivoa zaštite i ako jeste dužna zašto to ne radi jer krši direktno Zakon koji je na snazi? I moje sljedeće pitanje je ko prima pacijente za radio-terapiju, kemo-terapiju, hemodijalizu, pedijatriju i kateterizaciju? Zahvaljujem.

Predsjedavajući:

Zahvaljujem uvažena zastupnice Hasagić. Jasmina Bišćević-Tokić je sljedeća zastupnica. Kolegice jeste li spremni vi?

Poslanik/zastupnik Jasmina Bišćević-Tokić:

Jesam predsjedavajući. Zahvaljujem. Evo ja ću imati prije svega jedno slično pitanje kao kolegica Kristić a pitanje se odnosi vezano za izolatorij na Građevinskom fakultetu zanima me da mi uvažena profesorica Aida Pilav odgovori čijom odlukom je rasformiran izolatorij na Građevinskom fakultetu? Također me zanima koliko je finansijski koštao? Zatim imam pitanje za također neke od članova Kriznog štaba. Koliko je Opća bolnica od proglašenja epidemije COVID 19 zaposlila ljudi i zanima me koje su to struke. Zahvaljujem.

Predsjedavajući:

Zahvaljujem uvažena zastupnice Bišćević-Tokić- kolega Zvonko Marić je sljedeći.

Poslanik/zastupnik Zvonko Marić:

Zahvaljujem predsjedavajući. Samo da kažem, prije ove tačke dnevnog reda htio sam tražiti predsjedavajući poslovničku intervenciju jer nekako krenuli smo krivim redoslijedom reko bi, možda smo mi trebali zapravo informirati šeficu Kriznog štaba šta se dešavalo u proteklom periodu s obzirom na njen dvosedmični godišnji odmor, jer bojim se da smo ovako otišli u krivom smjeru. Al bilo kako bilo, pokušat ćemo da spasimo stvari. Postavit ćemo neka od ključnih pitanja. Ja ću samo predosjetiti gospođu Pilav na momenat kada je pokušavao da je urazumi premijer da se vrati s godišnjeg odmora s obzirom da gori ovdje i da je poprilično situacija zakomplicirana. I ona je ponudila da neke stvari riješe skaypom. I onda znamo šta se desilo navečer i premijer gdje je završio. I ja pitam sada s obzirom da je gospođa Pilav

bezbroy puta rekla mi profesionalci, itd, ja je pitam da li profesionalci u kriznim situacijama kada su na čelu jedne vrlo važnog tima, koji isključivo tima koji je zaista od vitalnog značaja za KS ode na godišnji odmor? Mislim da to profesionalac ne rade. I onda pri tome izjavi da se borba protiv korone vodi na granicama BiH. Ja smatram da je gospođa Pilav otišla malo dalje pa je vodila iz inozemstva? Možda korak dalje ide od svih nas. I pitam da li ima smisla govoriti o takvim stvarima i ovdje nama držati kojekakve prodike i predavanja. Poručila je iz inozemstava da građani samo poštuju mjere zaštite. Ne razumijem tu vrstu ponašanja i vezu sa profesionalcima. Neka mi odgovori na to. Ko je zapravo ovdje profesionalac. Znete kada je neko nešto, nema potrebe da ističe da je profesionalac a to ljudi zaključe na temelju odnosa, pristupa. Zaista sam ogorčen zbog te činjenice i onda je jako puno vremena uzelo, a nije odgovorila na ključna pitanja. Ja ne očekujem da odgovori na pitanja ona se samo dotakla i pomenula neke dijelove mojih pitanja koja su izuzetno važni. Ali ću je podsjetiti na sjednicu od 16.03. kada sam ja rekao da bi trebalo možda razmislit o prekidu nastave. Neka se prisjeti i neka mi odgovori. Da li je 16.03. rekla nije to s koronom ništa strašno. Evo citiram. Može da se pozove i na stenogram od te sjednice a ja sam tada tražio i poslijepodne. Istog dana kada sam tražio na sjednici ujutro, poslijepodne je Federalni štab prekinuo nastavu. Dakle obustavio nastavu u školama. Također kada sam govorio da je to vanredno stanje, ja sam ukoren na samoj sjednici u Skupštini, pa onda sam govorio o tome kako će Oktobar fest biti odložen, pa mi je neki od kolega ukazao ma kakvi, kakav Oktobar fest, to će biti održano. A ja sam to rekao u aprilu. I to su Nijemci uradili. Dakle sigurno na temelju procjena stručnjaka, koji su zaista stručnjaci. I evo neće se održati Oktobar fest. A znate šta, sa koronom je 14 dana ta neka budućnost. I druga stvar, o ovim donacijama, nemojte da ponavljam pitanje, ja znam da neću dobiti odgovore, ali volio bih da sam čuo i molim vas da mi objasnite kada će Podhrastovi biti vraćeni bolesnicima za plućne bolesti. Kada će studentima biti vraćeni Studentski domovi? Ima li neko viziju ili shvataju ljudi da imaju viziju da naprave nešto trajnijeg karaktera? Šta se dešava sa Općom bolnicom? Hoće li u općoj bolnici biti jedna vrsta COVID ambulante ili ako hoćete neke ustanove sa polivalentnim karakterom? Da li neko ima od toga, ja bih volio od svih prisutnih da mi kažu, koliko znam i tu je doktor Gavrankapetanović on zna o čemu ja govorim, o garnizonoj ambulanti, koja može biti izolatorij sa proširenim zdravstvenim uslugama za liječenje COVID pacijenata. Onda ima tu logističku podršku, i stručnog kadra, to je 30 metara od Opće bolnice. Hoćemo li se koncentrisati za neki strateški projekat ili nećemo? To su pitanja koja bi sigurno građani željeli da čuju. I možda bi to možda u nekoj budućnosti postao referentni centar za region. Znamo gdje je klasični izolatorij ali se čini izolatorij može biti na Bjelavama. Ali to je privremenog karaktera. I druga stvar, mi moramo definitivno shvatiti da živimo pod COVID torturom, kada ćemo se toga osloboditi? Ja sam postavio pitanje niko mi ne odgovara koliko je umrlih od ostalih bolesti, a koliko do korone? Evo neka mi odgovori neko na to pitanje? Šta je zapravo ta perspektiva naša u borbi protiv korone? Da ne govorim o nekim drugim stvarima jer ću govoriti u svojoj diskusiji ali volio bih da čujem odgovore na ta pitanja, barem neka od njih sigurno će zanimati građane jer nismo ni čuli ko će kontrolirati primjenjivanje mjera u školama kod osoblja nastavnog i svakog drugog i učenika. Ko će nadzirati to? Imamo li odgovor na to pitanje šefice Kriznog štaba? Ili će to biti prepušteno stihiji? Pa nećemo napraviti bilo kakav sustav ili sistem kako god hoćete koji će garantirati kakvu takvu sigurnost građana. I zaista da ne duljim, ima jako puno pitanja i poštujem kolege i cijelim vrijeme, ja ću reći neke stvari i u diskusiji. Hvala vam.

Predsjedavajući:

Zahvaljujem uvaženi zastupniče Segmedina Srna Bajramović je sljedeća. Izvolite kolegice Bajramović.

Poslanik/zastupnik Segmedina Srna Bajramović:

Hvala predsjedavajući. Pa evo ja bih najprije zahvalila uvodničarkama prije svega profesorici Pilav kao dugogodišnjem zdravstvenom profesionalcu, koje je naglasila nekoliko puta, na iscrpnom izvještaju o aktivnostima kantonalnog štaba. No ono na šta bih ja željela skrenuti pažnju prije nego postavim nekoliko pitanja, jeste da je sjednica sazvana zbog poboljšanja epidemiološke situacije pa su me pomalo informacije iz marta 2020 suviše, u ovom situaciji mogao bi se, oprostite ali moga bi se stvoriti privid mnogobrojnih aktivnosti. Dakle fokus na ključni period pogoršanja se gubi, a samim tim i mogućnost predlaganja adekvatnih mjera. Posebno sam zahvalna, profesorica Pilav je spomenula javnu riječ. Da, to je nešto što često zaboravljamo, težina javno izgovorene riječi, a posebno čini mi se u ovoj situaciji. Oprostite mi sasvim je valjda razumljivo da imamo referalni laboratorij, pa valjda svaka država ima barem jedan referalni laboratorij tako da nam ta informacija u ovom trenutku možda bila sporedna u odnosu na sve ono što očekujemo kao odgovore. I uopšte i nama kao i građanima nije bitno šta je recimo BH Telecom radio u martu o.g. više o svemu ću reći u svojoj diskusiji. No, evo dopustite nama koji nismo zdravstveni profesionalci, ali jesmo izabrani predstavnici građana da postavimo ona pitanja koja osluškujemo svakodnevno među našim sugrađanima na ulici ali i sami mi kao potencijalni pacijenti kako ste rekli. Šta je rješenje za porodične klastere, koji prema izjavama članova kriznog štaba predstavljaju osnovni izvor zaraze? Koliko se moglo čuti kolega Marjanović je spomenuo mlade ljude, mlađu populaciju, dalje da li postoji rješenje za pacijente oboljele od drugih oboljenja jer se zdravstvena zaštita za takve pacijente ne pruža nikako ili sa smanjenim kapacitetom. Opća bolnica je još 23.07. ako se ne varam počela sa pružanjem usluga sekundarnog nivoa u toku 24 sata. Nešto ranije s normalnim ritmom rada. D ali je isto uradio i KCUS? Ukoliko nije, zašto nije? I ispravite me ako griješim, ali iz ovih informacija koje ste dotakli izgleda nemamo nikakav dokument od strane KC vezano za poduzete mjere, da li to znači nastavak ignorisanja Vlade i Skupštine Kantona Sarajevo? Toliko, zahvaljujem.

Predsjedavajući:

Zahvaljujem uvažena zastupnice Segmedina Srna Bajramović. Smiljana Viteškić je sljedeća. Kolegice dopredsjedavajuća da li ste spremni?

Dopredsjedavajuća Smiljana Viteškić:

Da, čujemo se. Hvala predsjedavajući. Pozdrav svima. Ja imam tri kratka pitanja. Prvo je da li radi CT aparat u Općoj bolnici koji je nabavljen za potrebe pacijenata sumnjivih na ili oboljelih od COVID 19? i ako ne radi, zašto ne radi? Drugo pitanje je dobila sam informaciju da je potrošeno nekada ranije naravno 148.000 KM na izolatorij za ebolu na KCUS. Šta je sa tim izolatorijem i na šta su utrošena ova sredstva? I treće pitanje, nakon što je Klinika u Podhrastovima pretvorena u izolatorij gdje se liječe pacijenti sa tuberkulozom, plućnim karcinomima, embolijom pluća i drugim plućnim oboljenjima? Hvala.

Predsjedavajući:

Zahvaljujem uvažena dopredsjedavajuća Viteškić. Kolegica Neira je sljedeća. Imate riječ kolegice, izvolite.

Poslanik/zastupnik Neira Dizdarević:

Hvala predsjedavajući. Moja pitanja su sljedeća: zašto sve javne ustanove na području Kantona Sarajevo nisu postupile po nalogu Ministarstva zdravstva i dostavile izvještaj o poduzetim aktivnostima? Zašto za pojedine ustanove nisu realizovana sredstva iz budžeta ZZO Kantona Sarajevo? Šta više, Zavod za bolesti ovisnosti u svom izvještaju napominje da su se obraćali Ministarstvu zdravstva sa specifikacijom potrebne medicinske opreme ali da od toga ništa nije realizovano. Da li postoji protokol o zbrinjavanju djece ukoliko oba roditelja budu pozitivna na COVID-19? Da li se kontinuirano nabavljaju sva neophodna sredstva,

testovi, maske, dezinficijensi kada je izvršena nabavka? Da li je ZZO ima namjeru raditi izmjene i dopune budžeta i preraspodjelu sredstava u skladu sa obimom usluga koje pružaju zdravstvene ustanove u Kantonu Sarajevo i da li sve COVID ambulante raspolažu sa RTG aparatima? Toliko hvala.

Predsjedavajući:

Zahvaljujem uvažena zastupnice Dizdarević. Kolegica Bešlija Vildana ima riječ. Kolegice d ali ste spremni vi?

Poslanik/zastupnik Vildana Bešlija:

Jesam hvala kolega. Mene interesuje, zaista bilo je tih pitanja i ranije, ali zašto smo dobili ovoliko dopunu materijala? Zašto su izvještaji neujednačeni od pojedinih ustanova? Zašto od pojedinih ustanova uopšte nemamo njihove informacije ili izvještaje ili kako već hoćete? Da li je razlog ovakvog neslaganja i ovolike dopune materijala, koja procentualno zaista moram reći, znači iznosi 63% smo mi u suštini dobili sinoć negdje 18,40. to je podatak gdje smo dobili 63% u iznosu dopunu materijala, a prvobitno smo na vrijeme dobili nekih 37% . sa ovim što smo danas dobili u toku sjednice, taj procenat je još sramniji i znatno niži. Mene interesuje da li je u pitanju to što smo bili izvjestan period bez šefice kriznog štaba? Da li je došlo do davanja nejasne instrukcije prema onima koji su trebali dobiti izvještaj? Zamolila bih zaista da mi se to odgovori, jer znamo svi kako smo onako dočekani sa tom informacijom da osobe koja treba biti tu na čelu, nije bilo u najtežim situacijama i da su uslijedile i određene odluke ponukane takvom odlukom da ode na godišnji odmor, od strane same šefice kriznog štaba. Dalje me zanima imamo li program za očuvanje mentalnog zdravlja u Kantonu Sarajevo, prilagođen trenutnoj situaciji, znači sa smjernicama za ublažavanje negativnih uticaja, tjeskobe i stresa. Koje aktivnosti su poduzete na polju mentalnog zdravlja od početka pandemije i da li je po tom osnovu planirana su povećana sredstva? Jer ja, čak sam uključila i srč, ja nigdje apsolutno nisam našla bilo kakvu informaciju što se tiče ovog problema. Zašto je kompletna zdravstvena zaštita svedena samo na hitne slučajeve? Također pitanje koje se često postavlja u javnosti na koje nismo još do sada nikada dobili adekvatna odgovor, je da li broj testiranih zavisi od broja onih koji vrše testiranje? Odnosno primjetno je, bez obzira što ta situacija varira, ali je primjetno da nakon vikenda imamo veći broj testiranih, više informacija, i zašto se u redovno izvještavanje ne ubaci podatak, to bi bila jedna sugestija, ali voljela bih prvo da mi se odgovori, zašto nema podatak za koji period je to broj oboljelih, da li je to za taj dan, zadnja tri dana? Da se i to upotpuni da javnost može znati i bolje pratiti. Ukoliko broj testiranja prelazi taj broj da li znači da neki brisevi se ne rade taj isti dan zbog nedostatka ljudi ili nečeg drugog pa se onda rade za par dana? U informaciji nisam također našla podatak o broju uposlenih koji su zaraženi u domovima zdravlja dok za neke ostale ustanove jesam. Da li su date adekvatne smjernice za izradu izvještaja, jer su primjetna ta odstupanja u izvještavanju? Zato i postavljam ovo pitanje i interesuje me čime menadžment KCUS opravdava potpuno zatvaranje klinike za gastroenterohepatologiju u vrijeme karantena mjesec dana i ko je preuzeo te hitne slučajeve, odnosno te pacijente u to vrijeme? Interesuje me evo mišljenje koliko je poguban odlazak srednjeg medicinskog kadra? Da li ćemo moći adekvatno odgovoriti i u nastavku ove situacije? Hvala vam.

Predsjedavajući:

Zahvaljujem uvažena kolegice Bešlija. Suljević Samir ima riječ. Kolega Suljeviću da li ste vi spremni?

Poslanik/zastupnik Samir Suljević:

Pa evo ovako, prvo ću reći da sam saglasan sa ovim kritikama koje su upućene na kratku

dostavu materijala.

Predsjedavajući:

Zamolio bih zastupnike da isključe mikrofone kada poslije govora da isključe mikrofoni.

Poslanik/zastupnik Samir Suljević:

I postaviti ću sljedeća pitanja. Prvo iz informacije nemamo uvid kakav je bio odziv članova kriznog štaba Kantona Sarajevo odnosno koliko je ko bio prisutan na tim sastancima, odnosno ko je najviše bio odsutan? Također nemamo uvid u to šta je Krizni štab Kantona Sarajevo preduzeo da se sazna slobodne posteljne kapacitete unutar KCUS za vrijeme epidemije? Naravno ako je tačna informacija da je Infektivna klinika skoro prazna. Nemamo informaciju koja vrsta zdravstvenih profesionalaca u odnosu na njihove specijalizacije čini tim u procesu liječenja? Zatim postavljam pitanje zašto organizacione jedinice DZ Kantona Sarajevo pri COVID ambulancama imaju samo jedno vozilo koje ne može zadovoljiti potrebe građana Kantona Sarajevo za sanitetskim prevozom. Jedno vrlo, vrlo kako da kažem po meni jako pitanje, ko je odgovoran za sramno smanjenje plata medicinskim radnicima od COVID -19? To je koliko se razumijem profesionalna bolest. Zatim, da li se u terapiji liječenja bolesnika u izolatoriju u Podhrastovima koristi lijek za liječenje Multipleks skleroze Enkorten kao dio započete studije ispitivanja toga lijeka koji sprovodi KCUS pod vodstvom prof. dr Enre Suljić? Sljedeće pitanje ko je dežurni u Podhrastovima poslije 20.00 sati? Jel istina da su dežurni ljekari fizijatri, neurolozi, mikrobiozi, dok infektologa i pulmologa nema? Da li je istina da je većina hitnih operacija srca bila iz Travnika jer je direktor KB Travnik član senata SDA, otac šefa Klinike za kardiovaskularnu hirurgiju, dok su osiguranici iz Kantona Sarajevo na čekanju? Da li se to operiše po stranačkoj podobnosti? Danas vidim da će u srijedu biti prebačeno 200 kreveta za potrebe eventualnog zbrinjavanja pacijenata zaraženih korona virusom na Građevinskom fakultet i da jutros započelo uređenje i opremanje prostora. Interesuje me koliko je koštalo dovođenje prvobitno stanje i ko je izvodio radove? Kaže se da je ovu naredbu donio štab CZ Kantona Sarajevo. Imam jedno vrlo, vrlo specifično pitanje, koje dozvolite ćete mi samo minutu vremena, da ga malo obrazložim i mislim da ono u ovom periodu uopće nije dovoljno tretirano. Osim školskih aktivnosti u okviru predmeta fizičko vaspitanje uskoro počinju i razna dvoranska prvenstva različitih nivoa i starosnih kategorija, prvenstveno mislim na rukomet, košarku, odbojku i drugo. Interesuje me da li je zauzet stav oko načina održavanja ovih takmičenja i školskih aktivnosti, imajući u vidu da se radi o kontakt sportovima gdje dolazi do izlučivanja znoja, pljuvačke i eventualnog krvarenja pojedinaca odnosno učesnika. Imaju u vidu da se u dvoranama može skupiti maksimalno 50 osoba, i da se mora držati distanca od 2 metra, ko će preuzeti odgovornost u sprovođenju mjera kao i troškove stalnih testiranja aktera i zašto ove aktivnosti nisu detaljnije isplanirane? Hvala. Ostalo ću u diskusiji.

Predsjedavajući:

Zahvaljujem uvaženi zastupniče Suljeviću, Vedran Jakupović je sljedeći. Izvolite imate riječ.

Poslanik/zastupnik Vedran Jakupović:

Zahvaljujem predsjedavajući. Imam nekoliko pitanja. Mogu možda i uvod napraviti, evo i kolege su već ranije napomenule da je neozbiljno da dobijemo ovakve izvještaje, ne zbog sadržaja izvještaja, nego zbog vremena kada smo te izvještaje dobili. Ako se sjećate mi smo tražili hitnu sjednicu po ovom pitanju, kada je stvarno bilo urgentno i dobili smo obrazloženje da treba vremena 14 dana da se ti izvještaji dostave. Evo prošlo je 14 dana, mi dobijemo jedan izvještaj sinoć, drugi izvještaj danas, tako da ne znam je li riječ o neozbiljnosti, neradu ili o bahatosti ljudi iz Ministarstva ili ko je već zadužen za ovo. Nismo dobili opet, da ponovim, izvještaj KC, DZ, pa recimo krucijalnih ustanova u liječenju. Nismo dobili ni izvještaj

Apoteka Sarajevo koje su jako bitan faktor u kompletnoj zdravstvenoj zaštiti, zanima me da li neko u kriznom štabu ili Ministarstvu zna šta se dešava u Apotekama, koje zavrzlane nelogičnosti se rade sa ljudskim resursima upravo u ovo vrijeme. Ja sam već postavio pitanje na sjednici prije 15-tak dana. Ljude koji nisu bitni, uz dužno pogoštavanje zdravstvenom sistemu, domara, pravnika itd zapošljava na neodređeno vrijeme, magistra farmacije i farmaceutske tehničare direktor zapošljava na godinu dana i tu već provlači već dugi niz godina to pitanje. Ja ću se osvrnuti u diskusiju detaljno na ovo ali da imate manjak ljudi u Apotekama Sarajevo, imate zaražene ljude u Apotekama Sarajevo, umorne ljude koji rade cijelo vrijeme i još su pod dodatnim mobingom da im se ugovori ne produžavaju. U ovom trenutku imate situaciju da je dosta ljudi čak poslano na biro, zato što je jedna ekipa novih ljudi morala biti primljena po ne znam kojem i čijem nalogu. Ja ću se osvrnuti posebno na ove stvari kada je riječ o Apotekama u diskusiji detaljno. Opet još jedna, slobodno mogu reći DF zavrzlama od samog početka, čovjek koji jena čelu Apoteka, znali smo ko je, jer je već bio ranije direktor Apoteka, mislim ako želite da uništite zdravstveni sistem, jedan od ovako laganijih načina je da uništite Apoteke Sarajevo. To se upravo u ovom trenutku radi. Drugo pitanje. CZ zamolio bih detaljan izvještaj, ministrica Glamoč koja je već ranije rekla da mi negdje te izvještaje dobijemo, dobijemo Vlada, ne znam gdje smo ih mi mogli pročitati. Rečeno je eto, poslali su ove donacije, i ovo što je kupljeno, negdje, nekim ustanovama, nema određenog broja, nema ulaza, nema izlaza. Negdje nešto to kao rečeno da su to ljudi prihvatili. Volio bih da vidim gdje se tačno to nalazi. Koliko je kojoj ustanovi doznačeno. Ja znam sigurno da nekim ustanovama nije došlo ništa ili vrlo malo, pa ne bih volio da svi kažu eto nije nama otišlo, otišlo je ovim drugim. Pa eto molio bih detaljan izvještaj CZ pošto znamo s kim imamo posla u CZ i znamo da je to jedan od najboljih načina da se novac koji je i doniran i koji je kupljen novcem građana Sarajeva prebaci na mjesto na koje ne treba. Rade li svi uređaji u svim COVID ambulantomama, posebno mislim na radiološke uređaje, rentgen aparata, imam neke informacije da e rade u svim ustanovama, posebno kada je riječ o Saraj polju pa da potvrdim ili da demantujem ove informaciju. Krucijalno je da kada pacijent dođe u COVID ambulantu da ima kompletnu uslugu od vađenja nalaza brisa, rentgena, da ne mora ići iz jedne ustanove u drugu. Pitanje je kako će otići. Hoće li gradskim prijevozom tako kritičan, zaražen, ili će taksijem, il već smo imali priliku da čujemo da se u DZ a nemamo izvještaj dakle ne znamo, dna osnovu informacija građana da jedno ili dva vozila prevoze te pacijente. Profesoricu Pilav bih pitao da iskreno kaže gdje zapinje u ovom sistemu u zadnjih pola godine posebno u zadnjih mjesec i po do dva, jel to posljedica nedostatka ministra, da kažem svo težište akcenat bačen na Krizni štab koji ustvari nema toliko ingerencija u odnosnu na ingerencije ministra i u skladu s tim evo da zamolim kolege ja sam iskreno evo da vam kažem šokiran što je prekinuta hitna sjednica na kojoj mi treba da dobijemo ministra. Kolega Zvonko Marić je pričao 15 minuta, on je tražio taj prekid. To je izgleda dogovoreno ranije. Kolega iz DF koji nam vode zdravstvo vode Ministarstvo, vode Apoteke, vode UO, nema gospode sada trenutno nema ovdje, to ne znam el neko primijetio. Ne znam je li kolegica Kerla tu, ali kolege Milavica i kolega Hasanović su rekli da zbog tehničkih problema neće da prisustvuju ovoj sjednici. Pa bih ja zamolio da mi neko odgovori jel tu riječ o nekoj opet dodatnoj da kažem problemu ili sukobu između tih koalicionih, ako se još i mogu nazvati koalicionim partnerima kada je riječ o zdravstvu. A mi trenutno nemamo ministra u toku epidemije. To je otprilike kao da nemate ministra odbrane u ratnom stanju. Za profesoricu Pilav, planirate li neku agresivniju marketinšku kampanju pošto smo svjesni da sa građanima se mora raditi. Najdirektniju marketinšku kampanju imate priliku da vidite kako se to radilo, ja sam već i neke stvari pominjao u Crnoj Gori koja vjerovatno i nema više novaca nego što ima Kanton Sarajevo. Da se i građanima dodatno da kažem radi i dira savjest da se zaštita podigne na maksimalni mogući nivo. Jel planirano uključivanje privatnog zdravstvenog sektora ne samo kod testiranja nego i kod prebjega i ljekari porodične medicine koji su uvezani u sistem koji su uvezani sistem da kažem u mirnodopskom sistemu, imamo neke

privatne ordinacije ili privatne klinike koje to rade,. Da li je planirano uključivanje. I na kraju, da li je planirano i kada se planira normalizacija rada u zdravstvenom sistemu generalno jer ovo što mi imamo je da evo vidjeli ste i pitanja kolega, kolege i SDA pitaju šta se dešava u Općoj bolnici i zašto oni nešto ne liječe. Kolege iz opozicije pitaju šta ima u KC, imam jako puno pitanja za KC. Planira li se normalizaciji da ljudi sa patologijom koja je nevezana za COVID normalno idu ljekaru. Da li je neko napravimo taj sistem da li će neko prihvatiti da se te stari rade. Toliko evo kada je riječ i o pitanjima a pit će u diskusijama. Hvala.

Predsjedavajući

Zahvaljujem uvaženi zastupniče Jakupović. Admela Hodžić je sljedeća zastupnica. Kolegice imate riječ. Izvolite.

Poslanik/zastupnik Admela Hodžić:

Zahvaljujem predsjedavajući. Pa evo ja sam imala niz pitanja ali s obzirom da su kolege već postavile dobar broj pitanja koja sam sve što me je zanimalo, pa evo ostalo je par pitanja. Jedno od tih je: šta je razlog da sve kantonalne bolnice u FBiH zbrinjavanju COVID pacijente a prema informacijama koje su nam dostupne Opća bolnica ne zbrinjava takve pacijente? Sljedeće pitanje da li radi pedijatrija u Općoj bolnici i da li se obavljaju porodi? Te koliki je broj poroda u KC a koliki broj je u Općoj bolnici? I još jedno pitanje zanima me za ovu Infektivnu kliniku KCUS pacijenti koji su tamo već smješteni, koji imaju tešku sliku, da li se oni bi se trebali tretirati isto kao i ostali pacijenti na drugim klinikama koji su zaštićeni od pacijenata koji su pozitivni na korona virus ili se na tu kliniku, evo pošto svi pitaju to, smiju i mogu smjestiti pozitivni COVID pacijenti? Eto ja toliko, zahvaljujem.

Predsjedavajući:

Zahvaljujem uvažena zastupnice Hodžić. Kolega Nikšić Damir je sljedeći. Kolega Nikšiću imate riječ, izvolite.

Poslanik/zastupnik Damir Nikšić:

Hvala vam. Ja bih volio da pitam da znam kako se Krizni štab Ministarstva zdravstva nosi sa krizom u samom Ministarstvu zdravstva pošto vidimo nema ministra? I uopšte kako se nosi sa krizom krnje Vlade Kantona u ovim momentima? To je prvo pitanje. Drugo pitanje, zašto je KCUS prazan to postavljaju i građani i to je aktuelno i jutros, a na Ortopediji Opće bolnice jutros onolika gužva? To je pitanje građana i ljudi a moje pitanje je da li se vodi neki specijalni rat ili neki privatni rat protiv doktora Opće bolnice preko leđa građana, tj evo sudeći po ovim pitanjima ovdje, i iz SDA su neka pitanja hajte nam recite vamo koliko je u KCUS a onda su vamo pitanja ova koliko je Opća bolnica. Moje pitanje je bilo pošto se vodi taj partijski rat međusobni, pozicije i opozicije, može ki Krizni štab Ministarstva posredovati intervenisati i umiriti ovu situaciju, ovaj rat KCUS i Opće bolnice preko leđa građana. Može li nametnuti neki mir, neko primirje pošto ovakve stvari u ovoj situaciji samo produbljavaju krizu i dovode građane tj korisnike zdravstvenog sistema u opasnost. Vi ste krizni štab i zar ne bi trebali posredovati da primirite to ja na znam kako da objasnim to nešto čudno, neki specijalni rat tih institucija, da primirite u ovakvoj situaciji, pogotovo ako nema ministra. To je moje pitanje. Može li krizni štab to uraditi pošto je zaista velika kriza, nema dva ministra, nema ministra zdravstva. I vidimo da se radi o jednom raspad sistema.

Predsjedavajući:

Zahvaljujem kolega Nikšiću. Elvis Vreto je sljedeći. Izvolite kolega Imate riječ.

Poslanik/zastupnik Elvis Vreto:

Hvala predsjedavajući. Ja isto tako sam imao više pitanja, međutim kolege i kolegice su

postavile neka od njih (loš snimak) da bi tačna informacija da na Ilidži u DZ koje posjeduju samo je jedno vozilo registrovano dok ostala nisu. Može li mi se potvrditi ta informacija je li istinita jel tačna i šta su razlozi takvog stanja? Drugo pitanje se odnosi (gubi se snimak).

Predsjedavajući:

Kolega Vreto ja bih vas lijepo molio da isključite kameru možda ćemo vas bolje čuti. Pošto prekida vam linija. Hajte, kolega dopredsjedavajući Vibor Handžić pa ćemo dati riječ Vreti kasnije. Kolega Vreto mi vas ništa nismo čuli, ja bih vas zamolio da isključite kameru, možda ćemo imati bolji ton s vaše strane. Pa evo postavite pitanje sada.

Poslanik/zastupnik Elvis Vreto:

Ja se nadam predsjedavajući da se sada čujemo?

Predsjedavajući:

E sada vas čujemo, izvolite, imate riječ.

Poslanik/zastupnik Elvis Vreto:

Znači drugo moje pitanje se odnosi na problem sa migrantskom krizom, na koji način se pacijenti koji su pozitivni migranti, koji je tu redoslijed koraka, i na koji način su građani sigurni da te osobe nisu mimo određene samoizolacije, ko njima izdaje rješenje i na koji način se taj problem tretira. I treće pitanje je ono što je čini mi se da je kolegica Duraković to već pitala, famozni put pacijenta, kada će biti dostupan, na koji način će biti prezentiran javnosti, građanima da imaju kvalitetan uvid na koji način se ponašati i gdje i u kom sistemu zdravstvenom nadležnom se obratiti. Eto toliko, hvala predsjedavajući.

Predsjedavajući:

Zahvaljujem uvaženi zastupniče Vreto. Dopredsjedavajući Handžić, izvolite, imate riječ kolega.

Dopredsjedavajući Vibor Handžić:

Zahvaljujem predsjedavajući. Imam nekoliko pitanja. Neka će se ponavljati u odnosu na pitanja koje su kolege ranije postavljale ali zaista mislim da ih moram pitati. Na početku, stvarno ponovit ću kao što su neke kolege govorile, pošto su mi te stvari nevjerovatne, da li je moguće da nam se još uvijek u materijalima i uvodnim izlaganjima iako se nalazimo pred kraj augusta mjeseca, spominju Wuhan, i formiranje kriznog štaba u martu mjesecu u odnosi na ovo što nam se dešava u prethodnih mjesec do dva dana gdje je situacija zaista eskalirala. Da li je moguće da nam se noć prije same sjednice i na dan same sjednice dostavi gomila materijala koji su duplo obimniji od onih materijala prije četiri dana koje smo dobili, pogotovo jer ja u izlaganjima ovim uvodnim, djeluje mi kao da ste vi u svakom momentu spremni da predstavite situaciju u punom kapacitetu. Pa ne znam što smo ovoliko čekali ove materijale i još ih dobili nedostajuće. Dakle zašto to je kolega Jakupović zašto i pored svega ovoga, i dopune i čekanja, još uvijek nismo dobili izvještaje svih zdravstvenih ustanova, pogotovo KCUS i onih drugih ključnih ustanova? Ovo zaista nije mi jasno da je put pacijenta da je tajniji od formule za Coca-colu, kao da je svemirski program, molim vas objasnite mi kada ćete ga napokon predstaviti javnosti i građanima? Interesuje me, to sam pitao prošlu sjednicu, nisam dobio odgovor iz Ministarstva zdravstva, možda ga sada dobijem jer me pitaju ljudi to, koji je put pacijenta u slučaju COVID za neosigurana lica i zanima me ko je tim ljudima prvi kontakt, kada ustanove simptome, tj ko ih šalje i daje uputnicu za testiranja? Zanima me da li lica koja se testiraju u privatnim ustanovama, npr ljudi koji idu na godišnji odmor i ustanovi se da su COVID pozitivni da li se i oni vode u ovim svakodnevnim statistika koje nam se prezentuju u javnosti? Zanima me da li će se u skorije vrijeme budžet ZZO

prilagoditi pruženim uslugama zdravstvenih ustanova u ovom vremenu pandemije u kojem se nalazimo ili evo da ja ne prejudiciram ko kako radi, da li ste vi uporedili nivo usluga koje pružaju zdravstvene ustanove i hoćete li prilagoditi finansiranje tih ustanova shodno primjeni usluga i nadležnosti? Pitam zašto je nastala jedna višemjesečna pauza u komunikaciji sa javnošću, s obzirom da ja smatram da je komunikacija sa javnošću u ovoj situaciji od krucijalnog značaja, zašto je došlo do jednog potpunog skoro potpunog izostanka press konferencija i pružanja informacija građanima? Ljudima je pogotovo u ovom najgorem periodu stizao svakodnevno samo ogroman porast broja oboljelih ljudi, bez ikakvih obrazloženja, i naravno da se u takvim trenucima stvara ogromna panika. Čuo sam jedno od pitanja, da li su se oboljeli od COVID i koliki je njihov broj liječen u Vojnoj bolnici, pa evo ja pitam može li mi se napraviti usporedba koliko je generalno pruženo usluga bez obzira na COVID u Vojnoj bolnici i recimo na KCUS i koji je broj pruženih usluga u te dvije ustanove koji su COVID oboljeli a nisu se samo liječili po tom osnovu. Dakle morali su hitno rješavati i svoje druge zdravstvene probleme. Evo volio bih čuti stručno zaista mišljenje, da li se smatra da su studentski domovi na Bjelavama i po jednom kriteriju medicinskom adekvatni za oboljele, i zašto se vrši konstantan pritisak da se preuzme upravljanje tim izolatorijem, jer od koga god čujem, niko živ ne smatra da je to dobro rješenje, da ne upotrijebim neku ružniju riječ. Također, možete li mi stručno objasniti, zašto i po čemu su Podhrastovi odabrani za izolatorij i koja im je u stručnom smislu prednost u odnosu na recimo Infektivnu kliniku u KCUS koja se jako često spominje kao najopremljenija i najkapacitiranija za prijem COVID bolesnika? Da li funkcionišu telefonske linije u DZ, jeste li upoznati sa tom problematikom koja se u ovom slučaju događa? I interesuje me generalno da li sistem prati i kontroliše primjene naredbi koje su donesene u prethodnom periodu, npr zanima me ko kontroliše broj putnika i gdje oni sjede u javnom prijevozu, iako postoje jasne naredbe po tom pitanju. Pa onda za posljedicu imamo ogroman broj zaraženih vozača na žalost, a vjerovatno i putnika među samim sobom. Zanima me ko prati i kontroliše primjene naredbi koje se donose, jer vidimo na terenu ogromne probleme u njihovoj primjeni. Toliko za sada, zahvaljujem predsjedavajući.

Predsjedavajući:

Zahvaljujem uvaženi dopredsjedavajući Handžić. Još nam je ostao samo zastupnik Čampara. Izvolite kolega Čampara.

Poslanik/zastupnik Aljoša Čampara:

Ja vas čujem. Zahvaljujem. Bilo je dosta pitanja, ali evo ja bih postavio stvarno jedno pitanje, ne znam prema kome, je li prema Ministarstvu prema Vladi prema KC, radi se o tome da građani Kantona Sarajevo naravno koriste usluge i KC. Svjedoci smo da je dosta ljekara otišlo s KC, a u posljednje vrijeme posebno, i jedan najsvježiji primjer toga je odlazak primarijusa Šabanovića koji je vrsni hirurg. Pa me interesuje da li to mi imamo tamo toliko vrsnih hirurga, toliko dobrih hirurga, ja bih volio stvarno da je to tako, pa da onda nemamo neke brige kada nam odlaze ovi najvrsniji i najbolji koji su operisali po hiljadu ljudi, ili se radi o nečemu drugom? Ja mislim da je to alarmantno, da nam najbolji odlaze koji rade po 25 godina, koji imaju iskustva, koji imaju iza sebe na hiljade operacija, koji mogu učiti mlade ljude. Želim da mi neko odgovori na ovo pitanje, šta će Vlada, odnosno šta će resorno Ministarstvo, odnosno menadžment KC poduzeti po ovom pitanju da nam ne odlaze najbolji i najstručniji kadrovi sa KC? Hvala.

Predsjedavajući:

Zahvaljujem uvaženi zastupniče Čampara. Nemamo više prijavljenih zastupnika koji žele postaviti pitanja. Premijeru da li je potrebno napraviti pauzu da bi se pripremio krizni štab za odgovor ili ćete krenuti sa odgovorima na postavljena pitanja. Premijeru da li se čujemo?

Premijer Mario Nenadić:

Tu sam poštovani predsjedavajući, ja mislim svakako da bi bilo potrebno, evo ponovno su iste okolnosti, da se vratim u krizni štab i da dogovorimo način na koji će se odgovoriti. Sigurno nam treba nekih pola sata vremena da pripremimo, da se dogovorimo ko će na koje od ovih brojnih pitanja odgovoriti.

Predsjedavajući:

Zahvaljujem. Evo pauza pola sata. Nastavljamo u 17,30.

NASTAVAK NAKON PAUZE

Predsjedavajući:

Za tri minute ćemo krenuti. TVSA je zahtjeva da za tri minute odgodimo početak, pa evo sačekat ćemo tri minute kako bi krenuli s nastavkom sjednice. Nastavljamo sa radom. Premijeru da li ste spremni da krenete sa odgovaranjem na postavljena pitanja, odnosno krizni štab, već ko će odgovarati.

Premijer Mario Nenadić:

Gospodine predsjedavajući spremni smo. Evo dogovoreno da će se prvo obratiti članovi kriznog štaba i da će na kraju predsjednica Kriznog štaba i eventualno predstavnici Ministarstva zaokružiti i ovaj set odgovora na postavljena pitanja. Tako da krenut će se sa predstavnicima institucija.

Predsjedavajući:

Zahvaljujem. Radi stenograma ja bih vas zamolio kada krene sa izlaganjem da se predstavi i da možemo imati u stenogramu ko je govorio. Zahvaljujem. Evo nek se prvi predstavi i nek krene u odgovor na postavljena pitanja.

Prof. dr. Ismet Gavrankapetanović, v.d. direktor JU Opća bolnica „Prim.dr. Abdulah Nakaš“:

Poštovani predsjedavajući, poštovani zastupnici, ja sam Ismet Gavrankapetanović, v.d. direktora Opće bolnice „Abdulah Nakaš“. Pozdravljam vas sviju i imam čast da govorim pred vama. Ja ću kratko predstaviti Opću bolnicu u par brojeva. Dakle 700 uposlenika od 18.07 prema naređenju Vlade Kantona i ministarstva zdravstva otvorilo je Opću bolnicu za pacijente potpuno. Tako da je praktično svih sedam dana, 24 sata naš urgentni centar otvoren i u tom periodu otprilike sada je nekih mjesec dana, mi smo u bolnici koja ima 315 kreveta prema standardima SZO, mi spadamo u skupinu malih bolnica- mi smo kroz Urgentni centar je prošlo 3370 pacijenata. Ono što je zanimljivo je da smo imali 937 prijema u bolnicu. Dakle bolnica koja ima 315 kreveta za ovo vrijeme je praktično tri puta i više od tri puta taj broj pacijenata operisala izliječila. U ovom periodu, bilo je jedno od pitanja, pa ću odmah kazati, bilo je 126 poroda, od toga bilo je 5 pacijentica koje su bile korona pozitivne. To je hvala bogu dobro prošlo. Naravno u ovom periodu je liječeno i par djece. Upravo sada imamo dvoje djece koje tretiramo. Prema ranijem dogovoru, koji je postignut na nivou Ministarstva zdravstva pacijenti koji su, to su korona pozitivne trudnice i djeca su upućivani u Opću bolnicu, zato što Opća bolnica nema svog infektološkog odjeljenja, a odrasli pacijenti su upućivani prema KC. Vezano za ove podatke, ovaj mjesec dana je vrlo zanimljiv jer je pokazao dosta dobrih stvari. Na žalost vidjeli smo i neke stvari koje su razočaravaju.- naime vidjeli smo da jedan broj pacijenata koje mi operiramo na žalost došao u stanju kada je vrlo teško pomoći, zbog toga što su 3,5 do 4 mjeseca, dosta je taj put nejasan, bili smo dosta zatvoreni, tako da mislim da je ovo jedna dobra stvar. U tom pravcu mislim da su aktivnosti koje su i druge zdravstvene organizacije krenule u tom smislu mislim da je vrlo pozitivno. Ono što je važno

kazati evo na primjer, samo radioloških usluga je bilo 6.719 to su magneti, CT, UZ. To pokazuje kolika je potreba stanovništva. Tako je po svim odjeljenjima u našoj bolnici. Na tim odjeljenjima se pacijenti koji dolaze oni se liječe aktivno, obzirom da smo mala bolnica imamo taj jedan mi kažemo dosta dobru frekvenciju, onoga što primite i onoga što izliječite i otpustite. Dakle naravno nedostatak, Vlada Kantona je nama od 01.08. mi imamo zaposlenih 43 nova radnika, bilo je to jedno od pitanja među kojima je 13 ljekara. Mi smo u periodu od 18 kada je startalo to naređenje mi smo nažalost ovaj veliki posao koji je urađen je urađen i na užtrb jednog prenaprezanja, pa evo ja mogu slobodno reći malo i raubovanja medicinskog kadra. Ali zaista jedan entuzijazam koji su pokazali, zaposlenici u Općoj bolnici ohrabruje. Naravno kako rade svi drugi zdravstveni radnici u Kantonu Sarajevo. Ali evo za mene lično ovo je jedno veliko ohrabrenje ja mislim da je to jedna velika poruka i građanima da imaju ljekare i medicinske tehničare, da imaju zaista jedan kvalitetan dobar kadar. Ono što je bilo osobito teško u tom periodu 18.07 to je jedno potpuno otvaranje bolnice zbog toga što je to bilo praktično u srcu ove epidemije. Pa evo, hvala Bogu to je dosta dobro prošlo. Naravno imamo i par slučajeva naših radnika koji su oboljeli, ali ono što se pružilo kroz ovaj period stanovništvu Sarajeva, možda jedna ovako vrlo interesantna koju ću reći. Vjerujte imao sam par zdravstvenih radnika ljekara i sestara koji su prebolovali koronu i u razgovoru na telefonu jedva su čekali kada će se ponovo vratiti u tim da pomognu građanima. Dakle to su bili neki osnovni podaci. Neću vas ovim svim detaljnijima koje možete pročitati svaki dan kroz naš bilten gdje pokazujemo sve ono što uradimo. Evo samo sinoć, od poslijepodne sinoć u našu bolnicu je 44 prijema smo imali. To govori o jednoj potrebi stanovništva ovdje i mislim da moramo odgovoriti svi zajedno toj potrebi, mi zdravstveni radnici. Vezano za projekat, to je ovaj centralni dio naše zgrade. Vezano za izolatorijum koji je bivša garnizona ambulanta i stacionar, to je objekat koji po prirodnom nekom okruženju, mi kažemo pripada Opštoj bolnici i treba da se vrati svojoj kući. Mislim, eto i u razgovoru i sa Vladom Kantona Sarajevo sa premijerom, mislim da je to jedna od najvažnijih aktivnosti koja nas čeka u narednom periodu. To je zgrada koja je kvalitetno rađena, koja ima svoja dva sprata. Na gornjem spratu je bilo 60 kreveta dole je bilo 20 ambulanti. To bi sve sada pretvorili u jedan hospitalni prostor. I naša vizija je da taj izolatorijum koji bi ustvari bio jedno pravo mjesto gdje bi mi uz pomoć Vlade Kantona formirali respiratornu jedinicu, gdje bi tu, tu bi se liječili srednje teški, teški i kritični pacijenti. I na taj način bi dali pored ovog segmenta dali bi jedan značajan doprinos gradu. Ono što mi molimo da se što prije, mislim da bi UNDP; oni su nam kazali da bi oni već u ponedjeljak mogli da izađu da krenu sa radovima. Oni sada znam da rade te skice i projekte koji su potrebni. To je vrlo bitna stvar. Važno nam je pošto je trenutno vlasništvo titular je dodijeljen preko Federalne Vlade Zavodu za javno zdravstvo i vrlo nam je bitno, mislim i u tom smo pravcu danas razgovarali sa profesoricom Pilav, da se taj objekat dodijeli Vojnoj bolnici, odnosno Opštoj bolnici Abdulah Nakaš da bi smo mogli ovaj proces što brže, što kvalitetnije uraditi. Tu će biti potrebno naravno određenih građevinskih radova, ali po nekoj procjeni, mislimo da je nekih 100 dana period kada bi se glavni dio mogao završiti. Druga faza kada bi mogli se i pacijenti primati. U ovoj fazi je to kompletiranje radova. Tako su barem inženjeri nama izložili gdje bi se kiseonik koji je neophodan u takvom jednom području to je taj dio koji je nama vrlo značajan, u tom smislu mi procjenjujemo na osnovu svega ovoga da je to možda najvažniji projekat građevinski koji trenutno postoji u gradu Sarajevu. Ja bih zamolio sve one koji nam mogu pomoći u tom pravcu, prije svega Vladu Kantona Sarajevo da nam u tom pravcu pomogne da te procese ubrzamo. Ovi prijatelji naši iz UNDP su vrlo efikasni, žele da to brzo i efikasno ide i mislim da je to nešto što je ohrabrujuće. Vezano za dalja pitanja koja smo imali, bilo je jedno od pitanja prema Opštoj bolnici šta sa ljekarima koji odlaze sa Kliničkog centra. Mi ćemo naravno u saradnji sa njima pokušati sve ljude koji mogu da ostanu u Sarajevu da ostanu u Sarajevu da sačuvamo sve ljude, tako isto naše kolege iz KC, da svakome onome kome možemo da otvorimo put da mu ukažemo mjesto, jedno poštovanje. Mislim da je jedan od zastupnika, to mi se jako sviđjelo,

mislim da je ta vrijednost najveća koju mi imamo da je to ustvari, mi ćemo nabaviti opremu i zgradu i sve, ali najvažnije nam je da sačuvamo kadrove, i mi ćemo u tom pravcu da radimo i uvijek ćemo moliti i Ministarstvo zdravlja, obzirom da svakako sada radimo taj najveći dio posla sekundarnog nivoa zdravstvene zaštite, nama će određene specijalnosti trebati, i mi ćemo moliti i razumijevanje i Ministarstvo zdravlja i Vlade Kantona da taj projekat vodimo dalje. Koliko je tačno zaposlenih bilo, mislim, ja sam dao odgovor. Ovaj period tačno mogu da kažem od momenta kada sam ja to preuzeo to je mjesec i po, mi smo u tom periodu primili ova 43 čovjeka a od 01.januara kada je moj kolega Zlatko Kravić bio ja bih zamolio da to pismeno dostavim, ja ću se obratiti službama koje to prate pa ćemo vam to dostaviti. Pa bih molio za razumijevanje. Otprilike je to dio koji sam ja zapisao pitanja. I ono što bih možda želio da poručim da ne postoji ama baš nikakav rat između KC i Opće bolnice, zbog toga što mi ljekari profesionalci nikada nećemo sebi dozvoliti niti bi dozvolili bilo kakav sukob te vrste, zato što ja imam običaj često reći, u KC rade braća, naša braća i naše sestre, kao što rade u Hitnoj pomoći, kao što rade u DZ. Dakle u ovom posebnom trenutku jednom za ovaj grad vrlo je važno da nastupamo kao jedan i mislim da u tom pravcu, evo vjerujte od jutros najmanje 20 kontakata smo imali jedni sa drugima, po raznim institucijama. Evo to može i kolega Baljić potvrditi kakva je saradnja izvanredna sa Izolatorijem na Podhrastovima. Tako to ja isto to kažem. U tom pravcu mislim da je vrlo važno da svi zajedno idemo i da izađemo iz ove situacije. Ja bih toliko za ovaj prvi dio. Sve ono što nisam uspio odgovoriti, ja ću zamoliti da i to pismeno ili ukoliko ima nešto da sam preskočio da bih mogao još kazati evo ja stojim na raspolaganju.

Predsjedavajući:

Zahvaljujem uvaženi doktore. Evo ko je sljedeći?

Doc.dr. Rusmir Baljić, šef Klinike za infektivne bolesti KCUS:

Poštovani predsjedavajući, uvaženi vijećnici, ja sam doc.dr. Rusmir Baljić, šef Klinike za infektivne bolesti KCUS. Član sam kriznog štaba od njegovog osnivanja, od početka februara. Odmah na početku moram reći potrudio sam se da zapišem sva pitanja ali neću biti u mogućnosti zaista da svima odgovorim, iz prostog razloga što niti imam saznanja tih vrsta, pa ako ne budete zadovoljni odgovor ili ako na pitanja uopšte ne b ude odgovoreno, molim vas da iskoristite mogućnosti pismenog obraćanja, sigurno će se naći načina da se i to zadovolji i da se odgovori svima onima koji su trebali informacije, međutim dosta tih pitanja koja se tiču struke a upućena su, naravno da će biti odgovorena nadam se u potpunosti da će biti zadovoljni, kako oni što su postavili tako i prvenstveno građani koji gledaju i koji vjerovatno imaju i neki osjećaj straha od svega ovoga i misle da ovo nije pod kontrolom. Mislim da se krećemo u jednom dobrom pravcu i da ćemo ako bog da u jednom skorijem periodu i ovaj drugi val pandemije lagano savladati. Međutim ono što će definitivno biti problem a tome vidim malo ko priča, to nam slijedi negdje novembar, decembar, kasna jesen i zima, kada očekujemo ponovo javljanje sezonskih bolesti, tipa gripe i drugih virusnih oboljenja, respiratornih oboljenja. Treba da znate da već šest mjeseci mi radimo punom parom. Da je izolatorij u Podhrastovima formiran krajem februara, da su ljudi koji gore rade jako umorni, da im treba pomoć i da se djelimično rasterete jer jednostavno do sada nismo imali, nismo imali od koga ni tražiti niti smo mogli dobiti neku posebnu pomoć. Pa evo ja ću krenuti od nekih opštih stvari a to je pitanje zaista, neka izvinu zastupnici, nisam pisao ko je postavio, al evo nadam se da će se naći oni koji su postavili. Pitanje od toga da je KC prazan i da se gore ne vrše usluge. Ja mogu reći da dnevno dođe i do 2000. nekada je bilo i preko pacijenata. I svi oni dobiju uslugu u KC. Taj broj jeste dosta manji u odnosu kako je prije bilo, zato što postoje trijažni punktovi. Međutim sve klinike rade u punom kapacitetu i pružaju sve usluge u punom kapacitetu. Ja ću se posebno osvrnuti na svoju kliniku gdje sam šef. Bilo je nekoliko pitanja, također vidio sam u medijima posljednjih dana da se jako često spominje kako Klinika za

infektivne bolesti ne prima pacijente, kako je prazna, kako je li bi tu trebalo da se smještaju ovi COVID pacijenti kada se napuni izolatorij. Dakle Klinika za infektivne bolesti svo vrijeme radi u punom kapacitetu, pruža usluge u punom kapacitetu, trebate shvatiti da dolaskom COVID nisu nestale druge infektivne bolesti i svi oni koji su dolazili u KC i svi oni koji su dolazili u KC do Infektivne klinike bili su primljeni, pružena im je usluga, a oni koji su trebali hospitalizaciju, naravno i hospitalizirani su. Znači da je Klinika za infektivne bolesti jedina te vrste u Kantonu Sarajevo, a mi pored Kanton Sarajevo pružamo usluge i pacijentima iz Goraždanskog, SBK, ZDK i USK. Po pitanju tih usluga i hospitalnih kapaciteta mogu samo jedan primjer navesti, recimo da 200 pacijenata koji su HIV pozitivni zatraži uslugu i naravno produži im se terapija. Da ne spominjem meningitise, encefalitise, sepse, hemoragijske groznice, sve se to liječi i sve će se to i dalje liječiti u Klinici za infektivne bolesti. Klinika sama ima 16 specijalista od kojih 11 dežura, od tih 11 dva su dobila COVID, a mi od mjeseca februara pokrивamo, kako Kliniku za infektivne bolesti, tako pokrивamo i izolatorij na Podhrastovima. Niko od ljekara nije bio u mogućnosti da iskoristi potpuno godišnji odmor koji je ostao iz prošle godine, dakle svi su se morali prilagoditi toj novonastaloj situaciji. Kako sam već rekao, lagano se osjeti i umor, mi se nadamo da će u skorijem periodu kada se otvori ovaj izolatorij, da će doći do djelimičnog rasterećenja i da ćemo moći i mi malo posvetiti se možda i drugim patologijama a isto tako biti spremni za period koji nam neminovno slijedi. Moram naglasiti naravno da nije moguće da se hospitaliziraju u istu zgradu pacijenti koji su COVID pozitivni i oni koji nisu. Jednostavno to nije po pravilima SZO. Postoje izuzeci i mi se naravno njih držimo a to je kada imate pacijente koji nesumnjivo trebaju isključivo infektivnu terapiju a COVID su pozitivni. Za te pacijente pripremljene su izolacione sobe u prizemlju klinike i zato smo morali reducirati naš kapacitet. I oni se naravno tu smještaju i pruža im se usluga tretiranja i primarnih bolesti a ako je potrebno i COVID-a. Imali smo nekoliko takvih pacijenata. Isto tako tu se primaju pacijenti koji su za hospitalizaciju ali nemaju testa, sačekaju se određeni broj sati, ili već koliko treba dok se to ne izdefiniše i onda se naravno ili ostavlja u tom dijelu ili se upućuje na odjel gdje pripada. Bilo je pitanje zbog čega su Podhrastovi, zašto je gore formiran izolatorij, koji su to razložili da nije Klinika za infektivne bolesti? Već sam objasnio kako funkcioniše Klinika za infektivne bolesti i zašto se nije moglo u isto vrijeme primati i jedno i drugo. Moglo bi kada bi neko preuzeo sve infektivne pacijente u Kantonu Sarajevo. Već sam rekao da nema Opća bolnica nema odjela, ne postoji ništa slično. I mi zaista nismo mogli ostaviti te druge pacijente ne pokriveno stručno. Podhrastovi su građevina koja je u potpunosti odgovarala svim preporukama SDS na početku pandemije. Ima nekoliko ulaza, ima dva razdvojena lifta, četiri ulaza, ima razveden centralni kisik, jako veliki kapacitet. Mi da budemo iskreni nismo negdje u početku nismo mislili da tako lako možemo doći do tih 100 mjesta, ali evo ovo ljeto nas je demantovali pa smo došli skoro na 90. kapacitet je maksimalni do 100. trenutno je hvala bogu situacija dosta bolja pa i taj broj hospitaliziranih pada, što ne znači da se to ne može za nekoliko dana promijeniti. To je dakle razlog zbog čega je izabrana klinika za plućne bolesti Podhrastovi kao izolatorij. Mislim da je to najbolje rješenje ove vrste u Kantonu Sarajevo. Bilo je pitanje o osoblju koje radi u izolatoriju. U izolatoriju rade infektolozi, internisti, rade anesteziolozi i ljekari drugih specijalnosti. Nosioci posla su naravno infektolozi internisti, te anesteziolozi u dijelu koji se zove odjel za nadzor najtežih pacijenata. Odjel intenzivne njege. Infektolozi, obzirom da nas ima svega trenutno 9 koji mogu raditi, naravno ne mogu pokrивati 24 sata, međutim u tom periodu pokrивaju najmanje dva internista i najmanje dva anesteziologa uz konstantnu konsultaciju sa ljekarom na Klinici za infektivne bolesti, odnosno ljekarom koji je u pripravnosti. Tako da s te strane ne postoje nikakvi propusti u stručnom smislu. Po pitanju edukacija mi smo se odmah po pojavi pandemije, tada nije bila ni proglašena pandemija u Kini, povezali s našim kolegama i evo u kontinuitetu imamo online edukacije kako su jedino i moguće. I nedavno smo imali jednu s kolegama iz Turske. Mislim da je to trenutno jedini način da možemo usvajati tuđa iskustva i tuđa znanja i

da možemo ih prenositi ih na najbolji način u praksi. Naravno niko nije imao nikakvo iskustvo da sada govorimo o nekim posebnim edukacijama, možete vi govoriti o edukaciji nakon nekih deset, petnaest dana involviranih u neki problem, međutim kako je vrijeme odmicalo to je pristizalo sve više informacija, sve više radova. Mi smo stupili u kontakt s kolegama od Kine; Hrvatske, Slovenije, Italije, Njemačke. U najtežem onom periodu smo bili u kontaktu s kolegama iz Italije, Slovenije. Oni su nam davali jako dobra uputstva i sugestije i na osnovu toga su i formirani protokoli liječenja. Neko je postavio pitanje za protokole liječenja. Imamo mi protokole još od marta. Protokoli su pravljani na osnovu preporuka SZO i CVC, te uvažavaju i iskustva kolega iz drugih centara Europe. Oni se redovno dopunjavaju. Mislím da je već četvrta verzija i normalno da će se još uvijek nadopunjavati. Razlog je jednostavan. Ne postoji specifična terapija COVID. Trenutno postoji lijek Remdesivir jedini u svijetu koji je registrovan da se može koristiti za COVID, i mi smo moram evo reći u nekom procesu i nabavke i očekujemo ako bog da da će i taj lijek doći do naših pacijenata. Međutim količine će biti ograničene. Bit će jako teško zadovoljiti sve potrebe, mi ćemo dati sve od sebe naravno da bi naši pacijenti imali to. Do sada smo imali priliku koristiti razne lijekove koji su bili preporučeni od navedenih institucija, neki od njih su nakon što bi se pokazali neuspješni naravno eliminisani iz protokola. I oni protokoli koji su važeći su potpuno identični svim drugim europskim. Da vidimo dalje, što se tiče studija koje se provode, moram reći da se KC kao najveća institucija u BIH aktivno uključila u studije i novih lijekova a kao i drugih lijekova, ne samo za COVID pacijente. Sve se radi naravno u suglasju sa Etičkim komitetom i po principima dobre kliničke prakse. Moram vas informisati da u svijetu trenutno ima više od 300 studija za različite lijekove. uglavnom se ispituju lijekovi koji su već registrovani ,a li za druge bolesti, međutim može se pretpostaviti da bi ti lijekovi mogli imati neki efekat u liječenju i COVID-a. Toliko. Koliko sam ja imao prilike da zapišem pitanja na koje sam mogao ponuditi odgovore. Naravno ljekari koji gore odlaze u Podhrastove, prvenstveno sa internih klinika, mi se trudimo da uzimamo ljekare sa onih klinika koje možda nisu toliko opterećene. Ali inače su pojedine u kontinuitetu opterećene kao i prije COVID: pogotovo recimo mislim na Kliniku za onkologiju, gdje nema nimalo apsolutno nije smanjen broj niti pritisak na tu kliniku. To bi u suštini bilo to kako sam već rekao i drugim pitanjima ne mogu dati odgovor to je nešto čime se kao ljekar infektolog ne bavim, a isto tako mi nije nadležnost u sklopu rada u Kriznom štabu.

Predsjedavajući:

Zahvaljujem uvaženi doktore. Ko nam je sljedeći, neka se predstavi?

Adem Zalihić, direktor Zavoda za hitnu medicinsku pomoć Kantona Sarajevo:

Poštovani predsjedavajući, poštovani zastupnici u Skupštini Kantona Sarajevo, dragi građani Kantona Sarajevo pored malih ekrana, ja sam Adem Zalihić, direktor sam Zavoda za hitnu medicinsku pomoć Kantona Sarajevo. Evo ja ću reći par uvodnih nekih napomena i potom dotaći ću su se nekih pitanja koja su se konkretno odnosila na Hitnu pomoć Kantona Sarajevo. Naime ZHMP od prvog dana nastupanja pandemije prema smjernicama Kriznog štaba koji je formiran početkom februara ove godine se uključio u svom domenu u borbu protiv sprječavanja širenja infekcije COVID na području Kantona Sarajevo. U tom smislu radili smo na uspostavi uslova u matičnoj ustanovi i prvenstveno našim vozilima. Vi znate da je posao ZHMP u principu terenski. To nikada još uvijek nije hvala bogu stalo, mada imamo određenih kadrovskih problema, HP funkcioniše 24/7. svo vrijeme usluge su bile dostupne građanima Kantona Sarajevo. Imali smo čak nekoliko uspješnih reanimacija. Imali smo čak jednu uspješnu reanimaciju na hemodijaliznom odjelu. Pored pružanja hitne medicinske pomoći mi upravo i prevozimo pacijente na hemodijalizu. Njih preko 200 od kojih su također neki COVID pozitivni. Sve je to trebalo organizirati i zaštititi i pacijente i osoblje i našu ustanovu. Naravno sve to se ne bi moglo desiti bez svesrdne pomoći i Vlade Kantona Sarajevo- što se

tiče pitanja koja su bila konkretno na ZHMP Kantona Sarajevo više zastupnika je mislim pitalo šta je sa izvještajem JHP. U kontaktu sada sa administrativnim radnicima Ministarstva zdravstva Kantona Sarajevo dobio sam informaciju. Malo sam iznenađen, mi smo dostavili taj izvještaj. Ono što sam ja dobio informaciju da vam je dostavljeno u ovim naknadnim materijalima. Evo obećavam da ćemo vidjeti jel to je u principu ono što sam shvatio tehnički je neki problem u pitanju. I bilo je pitanje konkretno za HP zašto HP nije povukla 100.000 KM predviđenih sredstava od ZZO Kantona Sarajevo u borbi protiv COVID? Naime iz prostog razloga, ovdje se možemo slobodno pohvaliti da ne budemo sve onako da kažem da je crno u Kantonu Sarajevo. Naime naši građani znajući šta sve radi HP za građane Kantona Sarajevo, mi smo dobili donacija cca negdje 130.000 KM u različitoj opremi, zaštitnoj i medicinskoj opremi u borbi protiv COVID-a, tako da smo kalkulirali i još uvijek kalkuliramo. Ne želimo povlačiti ta sredstva, svi mi ne znamo šta nas čeka. Vidjeli smo nakon ovog prvog vala, možda smo se svi malo bili opustili pa evo sada je došlo nešto da je puno masivnije, i obimnije pogođeni korona virusom. Vidjet ćemo to naravno to sve u skladu sa i dogovoru sa direktorom ZZO Kantona Sarajevo. Dogovaramo i procjenjujemo ako nam bude potrebno, naravno nama su ta sredstva na dispoziciji, lahko ih je povući. Ja ću iskoristiti jednu priliku ovdje, ne ukazuje se ovakva prilika često, zamolio bih i poziciju i opoziciju da nam pomognu da dobijemo ministra zdravstva Kantona Sarajevo iz jednog prostog razloga, da bi mi zdravstveni radnici, mogli raditi posao. Imamo formalnu prepreku, evo ja konkretno govorim ispred ustanove Zavod za hitnu medicinsku pomoć Kantona Sarajevo, ja od 30.06. nemam UO, taj UO je formalno pravno zadužen za imenovanje, za mnoge stvari koje ne mogu da funkcionišu. I imam problem medicinskog kadra, ne mogu da zaposlim ljude. Priroda posla u HP je takva da mnogi ljudi poslije izvjesnog vremena napuste HP, dobiju specijalizaciju, odu iz HP, i meni nedostaje dosta kadra, ja ne mogu sada iz formalno pravnih razloga da uposlim ljude u Hitnu pomoć. Stoga vas molim da neke stvari pokušate da zajednički dođete do nekog zaključaka da svima nama je potreban ministar zdravlja, potreban iz formalno pravnih razloga svima nama, mislim i na nas zdravstvene radnike koji također možemo biti pacijenti. Ja sam bio pacijent od COVID-a i vi skupštinski zastupnici znate da ste bili pacijenti od COVID-a. Znači svima nama građanima Kantona Sarajevo postoji jedan zajednički neprijatelj, non stop spominjemo to, hajmo to tako gledati, a to je infekcija korona virusom, da prevaziđemo neke razlike. Ja razumijem pozicija i opozicija, sve je to i prirodno, da se postoji ta neka da tako kažem i animozitet, ali u ovom slučaju konkretno svima nam je potreban ministar zdravstva Kantona Sarajevo pa vas molim da što prije dobijemo, mislim da će to biti od koristi i ZHMP, i Općoj bolnici i KCUS, i konačno svima nama. Hvala.

Predsjedavajući:

Zahvaljujem doktore. Ima li još nekoga iz kriznog štaba? Pretpostavljam predsjednica kriznog štaba.

Direktor JU Domovi zdravlja Kantona Sarajevo Ahmić:

Poštovani predsjedavajući, poštovani članovi Skupštine Kantona Sarajevo evo ja ću odgovoriti na nekoliko pitanja koje su zastupnici imali a tiču se Doma zdravlja. Dakle kada je riječ o pitanju zbog čega DZ nije povukao sredstva u iznosu od 500.000 KM od ZZO Kantona Sarajevo. Razlozi su isti kao u slučaju Hitne pomoći. Naime mi smo zaista dobili mnogo donacija od pojedinaca, farmaceutskih kuća, nevladinih organizacija, sindikata, općina i naravno Ministarstva zdravstva Kantona Sarajevo. Drugo pitanje se odnosilo na rad H timova. Naši H timovi rade do 20,00 časova. Oni dakle rade isto kao i sve ostale ambulante DZ. Hitni timovi odlaze pacijentima sa komorbiditetom, slabo pokretnim pacijentima, vrše testiranje u kućnim uslovima. Naravno da porodični ljekar je taj koji indicira testiranje, dijagnostičke procedure kao i preglede drugih specijalista. U tom smislu podnosilo se pitanje kada je riječ o pulmolozima. Mi u DZ imamo nedostatak pulmologa i radioloških tehničara,

zbog toga je krizni štab DZ Kantona Sarajevo imenovao koordinatora koji koordinira očitavanje RTG snimaka. Kada je riječ o broju uzoraka, mi dnevno u mjesecu augustu u DZ uzimamo između 200 i 300 briseva. Za vašu informaciju, od početka negdje do danas uzeto je preko 22.000 briseva. Samo u prvih 15 dana augusta u DZ je pregledano preko 20.000 COVID pozitivnih pacijenata. Tu ću se nadovezati na pitanje koje se odnosilo na broj zaraženih u DZ? Broj zaraženih u DZ je tokom ove pandemije mijenjan, je bio različit. Na današnji dan, broj uposlenika koji trenutno odsustvuju s posla zbog COVID infekcije u DZ je 27. od toga su tog broja su 3 ljekara, 6 stomatologa, 5 medicinskih sestara i tehničara, kurir 1, 3 vozača, 1 stomatološka sestra, 3 zubna tehničara. Što je ukupno 27. samo prije 10 dana broj uposlenika koji su odsustvovali s posla zbog COVID infekcije bio je 66. pitanje je bilo da li u COVID ambulanta imaju RTG aparate. Sve COVID ambulante u DZ imaju RTG aparate, s izuzetkom RTG koga smo nedavno kupili u COVID ambulanti Semizovac koji je mobilan i koji još uvijek nije pušten u funkciju iz razloga što moramo da ispoštujemo određene procedure za njegovo puštanje u rad. Pitanje je bilo oko vozila DZ, nije tačna informacija da je samo jedno vozilo u DZ registrirano. Ali je tačno da DZ ima stara i vozila koja se često kvare, pa ću vas podsjetiti da je na prošloj Skupštini jednoglasno usvojeno inicijativa vaša za nabavku sanitetskih vozila u DZ, a mi naravno i pokušavamo i od drugih donatora da dobijemo vozila. Tako nam je Grad Sarajevo već donirao jedno vozilo. A tražimo naravno i druge donatore. Što se tiče COVID neosiguranih pacijenata. Dakle u DZ se tretiraju svi pacijenti bez obzira da li su osigurani ili nisu kada je riječ o COVID infekciji i mi smo imali zaista pacijenata koji su bili iz Srbije, Makedonije, Italije i drugih zemalja. Kada je riječ o telefonskim linijama u DZ, to je zaista jedno usko grlo zbog čega postoje i subjektivni i objektivni razlozi za takvu situaciju u kojoj se nalazimo. Mi se protiv subjektivnih razloga borimo. Upravo da vas informišemo da JU DZ Kantona Sarajevo zajedno sa populacijskim fondom UN radit će jedan pilot projekat gdje će se, u saradnji sa Federalnim Ministarstvom zdravstva što će učiniti da ćemo imati aplikacije na stranicama DZ, putem kojih se pacijenti mogu informirati. a ovaj će nam pilot projekat omogućiti i da dobijemo mobitele za ljekare porodične medicine. Ja se nadam da sam uspio da odgovorim na sva vaša pitanja. Ako nisam, stojim vam na raspolaganju. Također se pridružujem našim kolegama. Ja želim da istaknem da je saradnja između zdravstvenih ustanova, konkretno DZ sa svim drugim zdravstvenim ustanovama vrlo korektna i na vrlo boljem nivou nego što je možda bila ranije. Hvala vam.

Predsjedavajući:

Zahvaljujem doktore Ahmiću. Ko nam je sljedeći?

Direktor Zavoda za javno zdravstvo Kantona Sarajevo Aida Pilav:

Evo mene opet. Samo da napravim, evo meni je drago da je bila prilika da se sve moje kolege, direktori zdravstvenih ustanova, i predstavnici zdravstvenih ustanova obrate uvažanim zastupnicima, da vidite možda praktično kako to izgleda i kako mi radimo. Ne nužno uvijek na tim sjednicama, ali smo zaista u stalnoj koordinaciji. Ono što ću ja sada, oni su mene zamolili, obzirom da sam ja primus inter pares, što bi rekli Latini, prva među jednakima, evo meni je drago da ste vi vidjeli jednake. Ali nekako su nekada upiti okrenuti prema šefici koja formalno pravno nema baš toliko ovlasti ali evo ja sam se nekako stavila na čelo da bi nek stvari sublimirali. Inače kroz rad kriznog štaba a i sada. Ja ću napraviti jedan kros kating, zapravo nekoliko uvaženih zastupnica i zastupnika je pitao zašto su kasno dobili materijale. Pa je čak jedna uvaženih zastupnica, mislim gospođa Vildana Bešlija pitala je da li to veze ima sa šeficom kriznog štaba. Ja ću da iskoristim priliku da kažem i vama i svima nama da podsjetimo da mi od 25. jula 2020 nemamo kantonalnog ministra zdravstva. Da trenutno u kantonalnom Ministarstvu zdravstva od broja uposlenih ne znam koliko, 5 uposlenika je na bolovanju i to od prije nekoliko dana. U momentu kada je premijer Mario Nenadić pozvao sve zdravstvene radnike i sve uposlenike kantonalnom Ministarstva zdravstva zbog pogoršanja

epidemiološke situacije da dođu na svoja radna mjesta, te smo isti došli. Na onaj način na koji smo mi mogli doći. Dakle u dan, u 24 ili 48 sati nakon toga su neki uposlenici nakon dolaska otvorili bolovanje. Stoga možda niste primijetili, evo ja ću vas podsjetiti, da na dnevnom redu je bio Izvještaj o radu kantonalnog Ministarstva zdravstva koji kao takav nije imao ko da prezentira, ne znam iz kojih razloga jer je puno ovih upita zapravo bilo upiti koji su upućeni kantonalnom Ministarstvu zdravstva, kantonalnom ministru, ili tim permanentnim službenicima. Ja čak mislim da je neko od uvaženih zastupnika pitao kako se nosimo sa krizom ko što vidite dobro se nosimo s krizom. Jedna koordinirana akcija tih zdravstvenih ustanova. Evo i meni je drago što su kolege imale priliku da to sve iznesu. Ne smijemo zaboraviti činjenicu na početku ove krize da je svaka od zdravstvenih ustanova u Kantonu Sarajevo razvila vlastiti krizni plan pripravnosti koji su mislim bili sastavni dijelovi ovih materijala ko ji su vama kasno na žalost dostavljeni. Evo pretpostavljam da je to razlog, koliko sam ja sada mogla dobiti informaciju, ne znajući, ja sam zapravo sam vidjela, jučer sam vidjela da nedostaje izvještaj moje ustanove, jer sam je dostavila na vrijeme, a nama je rok dat do 12.08. Dakle mi smo na vrijeme to, imaju konačno brojevi protokola kada smo mi to dostavili. Nekoliko pitanja je bilo upućeno izravno na moje ime i prezime. Prvo je uvažena prof. Jasna Duraković govorila o putu pacijenta, pa je bilo nešto famozni. Ja sam rekla famozni put pacijenta. To što nas Zakon prepoznaje nešto što se zove referal unutar zdravstvenog sistema postoje referali sa primarnog, sekundarnog, tercijarnog. Ali ja ne znam da li smo se mi najbolje razumjeli, ja se izvinjavam. Mislim da smo sada govorili evo da kažem putu pacijenta ili referalu pacijenta sa sumnjom da je zaražen na COVID. Ja naravno mogu jako puno pričati, kada sam imala uvodno izlaganje moje su kolege počele da izlaze, rekli malo skratiti. I mislim da sam ja, ne mislim, nego sam tačno rekla, krizni plan pripravnosti je sastavni dio ovog materijala, pa ćemo u diskusiji više o tome, ne želeći sada da objašnjavam, nema potrebe da ja objašnjavam o tom putu pacijenta. Krizni plan pripravnosti u uslovima pandemije koji vi imate kao sastavni dio govori dakle o svakoj zdravstvenoj ustanovi i načinu koji pacijent prolazi. Evo ja ću se složiti s tim jer sam ja neki čovjek koncepta da je možda alogoritamski to trebalo biti ispraćeno. Možda da se još nešto nacрта, dočrta. Ali evo to kada dođu ovi uposlenici iz kantonalnog Ministarstva zdravstva, jer je taj administrativni dio njihovog posla. Akefalna situacija u Kantonu Sarajevo epidemiološka i sa tim sam počela svoje izlaganje, vi ste danas na mail dobili nešto što smo mi sinoć analizirali i možete da vidite da je situacija u nekom smirivanju. Daleko od toga da su to idealni brojevi, ali to jeste situacija koja se smiruje obzirom da mi uvijek se konkretno sada u FBiH žarište je ZHK i HNK. Dakle, taj virus cirkulira u našoj zemlji i žarišta se javljaju. Načinom na koji se smanjuje broj zaraženih zadovoljni i ja sam to mislila istakla jučer na nekoliko medija. Ono u periodu kada smo bili zabrinuti ovaj prethodni period od 14 sada i više dana, to je period koji je bio iza tradicionalnih Bajramskih praznika gdje smo mi zaista bili pripravnici ukoliko bi se zbog povećane mobilnosti stanovništva i bližih kontakata došlo do povećanja broja novo zaraženih. To se nije desilo, što govori direktno u prilog da su naši sugrađani zaista počeli da poštuju mjere, i to su mjere. Znae nema drugih mjera. U akutnom respiratornom virusu ne postoje druge mjere, osnovne držanje distance, nošenje maske, dezinfekcija ruku, prostora itd. Dakle to i ono sve što mi kao higijensko epidemiološke preporuke dajemo. Iskoristit ću priliku tu da kažem, rekla sam li ću ponoviti ne postoji ni jedan veći javni skup u kome mi ne dobivamo zahtjev u Zavod za javno zdravstvo i ne dajemo odgovarajuće higijensko epidemiološke preporuke shodno epidemiološkoj situaciji. Što se tiče aktuelne epidemiološke situacije, za očekivati u narednom periodu pod ovim mjerama koje se aktivno provode a svi smo mi prevodioci svojih mjera da situacija bude stabilna. Korona virus se brani na granicama. Ja ću to još jednom ponoviti i ponavljam još jednom da smo mi jedina zemlja u regionu koja na graničnim prelazima nije uvjetovala ulaz u zemlju odgovarajućim testiranjima.- dakle to je ono što je činjenica. To je, ovo što je, ne znam, ja se još jednom izvinjavam, vjerovatno mi nećemo veliki broj pitanja ja sam ih se zapisala. Kolege su nešto

sublimirale, ai ja vjerujem u narednom periodu, dolaskom nove ministrice ili ministra, kako god, stvari treba za jesen reorganizirati. Ono što smo im predložili, dali smo mi prijedlog mjera u narednom periodu i to je u završnom dijelu .ja sam poslala dva dopisa i kao krizni štab i kao Zavod za javno zdravstvo da se treba povećati kupiti veći broj vakcina za sezonsku gripu, da obuhvat vakcinacijom protiv sezonske gripe može biti da li je to neko pročitao u kantonalnom Ministarstvu zdravstva ja to stvarno ne znam, ali mi smo datirali, jer je to jedna od osnovnih mjera, pored ovih o kome su govorile moje kolege, posebno prof. Gavrankapetanović a to je namještanje hospitalnih kapaciteta. Dakle bilo je još, evo mislim da je to, ja sam odgovorila na to. E ovako se nosimo sa krizom, mislim da se dobro nosimo. I bilo je jedno meni vrlo interesantno pitanje, to je pitanje marketinške kampanje. To je nešto o čemu sam ja već razgovarala i zaista pokušavam da održim što veći broj kontakata, recimo bila je jedna na društvenim mrežama intelektualaca, mislim da je grupa intelektualaca neovisnih u Kantonu Sarajevo, ja sam obavila recimo razgovore sa predstavnicima dvije profesorice i mi smo na tu temu razgovarale. I to jako pozdravljamo, svaku inicijativu koja dođe. Vidite, radimo kako radimo, radiom zaista puno da razgovarali smo na temu marketinške kampanje. I jedan od uvaženih zastupnika, mislim prof. Marjanović i to mi je isto vrlo interesantno pitanje, koje se konkretno mjere misle poduzimati vezano za edukaciju mlađe populacije. I to smo u pripremama, u razgovoru sa ministrom obrazovanja Krivićem. Ne samo kada govorimo i mlađoj populaciji koja ulazi u školu, na naše preporuke, edukacija roditelja/staratelja, edukacija djece shodno njihovom uzrastu i naravno edukacija srednjoškolaca. Isto tako vi znate isto kao ja i bolje vjerovatno od mene da se trebaju, to su targetirane skrojene edukacije i mi na tu temu razgovaramo i to je razlog što mi kontinuirano pratimo sve preporuke SZO i gledamo ne samo preporuke nego sve one materijale koje m onda adaptiramo shodno lokalnoj situaciji. Još jedno interesantno pitanje je bilo, mislim isto profesor Marjanović. Vezano za te trešholde. Vezano za granične vrijednosti broja novozaraženih i 8ishodno tome pravljenje odgovarajućih mjera. To je ono o čemu smo mi naravno razmišljali. Mi smo gledali modele drugih zemalja, ali ponavljam još jednom mi mimo federalnog okvira baš puno ne možemo ići. Bilo je pokušaja, i ovo je odgovor uvaženom Zvonki Mariću, zastupniku, ja se tačno sjećam te sjednice, ne znam je li bio 16.03. vjerovatno jeste, kada smo mi u Kantonu Sarajevo napravili jedan okvirni prijedlog, pa je čak bio onako negdje neoficijelno razmijenjen po društvenim mrežama, kada smo mi ka Kanton Sarajevo išli s tim nekim restriktivnijim mjerama, naravno očekujući komentar Federalnog Ministarstva zdravstva. Dakle Kanton, mislim da je gospođa Segmedina Srna isto tako pitala, ja se izvinjavam neko od ovih zastupnika zašto Kanton, jedan, drugi, deseti, nije bitno, ne ide se kada je Federacija dala mogućnost da shodno epidemiološkoj situaciji donosimo vlastite mjere. S tim u vezi, mi smo donijeli, i zato sam ja i stavila u te četiri naredbe s kojima smo mi išli u Kantonu Sarajevo i poslije se pratilo shodno federalnim naredbama. Dakle, obzirom da sam ja u ovoj radnoj grupi ja bih je više tako nazvala, jer malo kada se kaže krizni štab onda to ima nekada imam dojam kao da neko od sugrađana misli kao da mi sjedimo svaki dan u nekoj prostoriji i stalno donosimo neke mjere. Mi radimo svoje poslove i mi radimo u svojim institucijama i postupamo po svojim kriznim planovima. Van toga smo između ostalog smo i mi inicirali s druge strane ovu Skupštinu i možemo nastaviti poslije rad u radnim grupama, otvoreni bilo ko od nas profesionalaca da radi i da najbolji način dočekamo jesen. Mi smo jučer ili prekjčer bili u ovoj sali pet sati i donosili higijensko epidemiološke preporuke za škole. Ja vam se ovdje zahvaljujem. Ovo je bio, evo ja sam dobila neki zadatak da se zadnja obratim, obzirom i da vrijeme ističe ovog prijenosa, tako mi kažu i velim ja pretpostavljam da ćemo mi u narednom periodu nastaviti zajedno da radimo puno intenzivnije, ali evo da ste se nekako bolje upoznali sa našim radom. Hvala lijepo.

Predsjedavajući:

Zahvaljujem uvažena doktorice Pilav. Imamo li još nekoga za odgovor?

Direktor KUCZ Jasmin Terović:

Uvaženi predsjedavajući, zastupnici u Skupštini Kantona, drage kolege, evo kratko, za CZ su bila postavljena dva pitanja i ja ću pokušati da odgovorim uspješno na oba pitanja. Prvo pitanje uvažene zastupnice Kristić kada je došlo do ukidanja izolatorija na Građevinskom fakultetu i šta se dešava sa opremom koja je bila instalirana u izolatoriju na Građevinskom fakultetu? Nakon što je ukinuto stanje nesreće, epidemiološka situacija je pokazivala da ne oboljelih u Kantonu Sarajevo, a na zahtjev Građevinskog fakulteta da se prostorije Građevinskog fakulteta vrata u prvobitno stanje, Vlada Kantona Sarajevo je donijela zaključak i naložila Stručnoj službi Vlade Kantona Sarajevo da zajedno sa CZ obiđe navedene prostorije i da se prostor vrati u prvobitno stanje kao što je tražio i urgirao Građevinski fakultet UNSA. Kada su u pitanju ove pregrade o kojima je zastupnica Kristić govorila, stručna služba Vlade Kantona je izvršila samo demontažu navedenih pregrada, a pregrade je sa sobom odnio investitor koji je te pregrade ugrađivao gore na Građevinskom fakultetu, dok su kreveti koji su se nalazi na Građevinskom fakultetu bili u vlasništvu Federalne uprave CZ i ista je preuzela svoje krevete. I ja moram naglasiti da KUCZ nije učestvovala u opremanju samog izolatorija na Građevinskom fakultetu, nego smo bili tu na raspolaganju kao Uprava CZ ukoliko dođe do potrebe da damo određeni dio opreme. I evo na svu sreću nije ni bilo potrebe da se taj izolatorij u tom vremenu koristi. Drugo pitanje koje se odnosilo je bilo uvaženog zastupnika Jakupovića jeste oprema koju je nabavila KUCZ i donirana oprema koja je ustupljena i data na raspolaganje od strane Federalnog štaba CZ, transparentnost podjele te opreme i nabavke te opreme, mislim daje dostupna i na web stranici KUCZ. Ja moram reći sve nabavke koje su provedene od proglašenja stanja nesreće pa i evo do danas je shodno Zakonu o javnim nabavkama i odlukama Vlade se objavljuje i na web stranici KUCZ, na Agenciji za javne nabavke i na stranici Vlade Kantona Sarajevo. Za svu opremu koja je podijeljena kako socijalnim ustanovama, tako ustanovama iz oblasti zdravstva, tako i drugim JP od interesa u Kantonu Sarajevo, kao i građanima i općinskim štabovima CZ, o tome postoje uredno sačinjeni zapisnici i primopredaji, to su ulazi i izlazi robe i mi smo redovno shodno zaključku obzirom da nas je Vlada zaključila zaključkom da povremeno informišemo Vladu o raspodjeli te opreme, redovno informisali Vladu. Vlada je prihvatila tu informaciju k znanju i evo ja zastupniku Jakupoviću mogu sutra ujutro kada dođem na posao poslati kompletan izvještaj o svojoj opremi koja je ušla u CZ i koja je podijeljena, na koji način je podijeljena. Postoji dio opreme koji se još uvijek nalazi u skladištu KUCZ, upravo iz ovog razloga o kom su govorili i ovaj kolege ukoliko dođe do pogoršanja ove situacije da možemo još dodatno snabdjeti i ostale institucije u Kantonu. I naravno zaboravio sam reći da je sva oprema uredno zavedena kroz poslovne knjige preduzeća i o tome dostavljen izvještaj, posebno o ovoj doniranoj opremi, dostavljen izvještaj Federalnoj upravi CZ koja nam je i dodijelila navedeno.

Predsjedavajući:

Zahvaljujem direktore CZ Teroviću. Imamo li još nekoga od članova kriznog štaba za odgovor?

Direktor ZZO Kantona Sarajevo Sakib Katana.

Želim da vas pozdravim uvaženi predsjedavajući, uvaženi zastupnici, ja sam Sakib Katana, direktor ZZO Kantona Sarajevo. Ja sam član kriznog štaba, međutim ovdje je bilo postavljeno nekoliko pitanja koja se tiču direktno ZZO Kantona Sarajevo i želim na njih da odgovorim. Znači posebno bih se osvrnuo na pitanje uvaženog zastupnika gospodina Marjanovića. On je spominjao probleme sa softverom. Da li znamo koliko je softver problema napravio? I da daje netačne rezultate. Želim po tom pitanju da se osvrnem na način da je u periodu kod izbijanja epidemije virusom COVID 19 zdravstveni informacioni sistem zbog iznenadnog povećanja

zahtjeva svih zdravstvenih ustanova s jedne strane došlo je do povećanja broja korisnika sistema obzirom na iznenadna ograničenja u mogućnosti dolaska pacijenata u samu ustanovu i prilagodbu poslovanja svim ustanovama. Stvorena je hitna potreba svih ustanova za pisanje elektronskih recepata i tromjesečnih terapija upućivanjem e- uputnica i slično. A s druge strane cjelokupni radni tok koji se odnosi na COVID 19 testiranja počevši od naručivanja pregleda u COVID ambulante, uzimanje uzoraka, analiza, distribucija rezultata, određivanje epidemioloških mjera prema pojedincima, samoizolacije i sve ostale sve se odvija na vrijeme upravo putem informacionog sistema. Paralelno s tim kontrolisana distribucija posebnih podataka za potrebe kontrole poštivanja mjera samoizolacije je omogućena i MUP Kantona Sarajevo a pored toga odnedavno i putem sistema omogućeno generisanje odgovarajućih dokumenata iz nadležnosti Ministarstva zdravstva, njihova distribucija u stvarnom vremenu kroz sistem. Prema porodičnoj medicini, Zavodu za javno zdravstvo, MUP-u i FUIP-u. Zaista smatram neopravdanim ovakve napade na informacioni sistem, a posebno nije tačna činjenica a sistem daje netačne rezultate, sistem može, u sistemu se mogu vidjeti samo podaci koji su uneseni kao takvi. Sljedeće pitanje vezano da li ZZO ima namjeru uraditi rebalans i preraspodjelu sredstava? Postavila je uvažena zastupnica Neira Dizdarević. ZZO će uraditi rebalans Finansijskog plana tamo negdje u oktobru ili novembru u zavisnosti od kretanja prihoda. Kao što znate odnosno ja sam već informisao Vladu i Skupštinu da je prihod ZZO Kantona Sarajevo zaključno sa junom mjesecom 2020 godine, pao za 10.3 miliona. U julu već imamo 2,5 miliona više u odnosu na planirana sredstva. Tako da u zavisnosti od kretanja prihoda radit ćemo i rebalans. Preraspodjelu sredstava Zavod je uradio u dva navrata u 2020 i oba su bila usmjerena prema Općoj bolnici Abdulah Nakaš. U prvom slučaju radilo se o povećanju sredstava za finansiranje dodatna 43 zaposlenika za potrebe povećanog obima rada. Odnosno za potrebe usaglašavanja i omogućavanja rada u skladu sa novim definisanim putem pacijenta. A druga preraspodjela se odnosi na povećanje broja dežura u Općoj bolnici Abdulah Nakaš i tu su povećana sredstva za negdje 840.000 KM. I izvršeno je povećanje sredstava za 150.000 KM na poziciji materijalnih troškova. Volio bih da odgovorim na ovo još jedno pitanje koje je postavio što se tiče pitanje umanjenja plaća zdravstvenim radnicima i zašto se ovo ne tretira kao profesionalno oboljenje? Federalnim pravilnikom su definisana profesionalna oboljenja, a COVID se ne može podvesti pod navedeni pravilnik. Eto toliko, zahvaljujem.

Predsjedavajući:

Zahvaljujem uvaženi direktore. Imamo li još nekoga iz kriznog štaba. Nemamo više nikoga. Otvaram raspravu i prekidam sjednicu uz konsultacije sa dopredsjedavajućim, znači član 69. to smo i najavili da ćemo raditi u buduće do pola 7. svakako je dnevnik TVSA. Nemamo više direktnom prenosa. O nastavku ćete biti obaviješteni. Zahvaljujem.

S T E N O G R A M
NASTAVKA 28. RADNE SJEDNICE SKUPŠTINE KANTONA SARAJEVO
ODRŽANOG 25.08.2020.GODINE

Predsjedavajući:

Otvaram nastavak 28. Radne sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade, poštovane gledaoce, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Sjednici prisustvuje ONLINE 21 zastupnik, što je dovoljan broj za punovažan rad i odlučivanje.

Izostanak sa ove sjednice nije niko opravdao. Kašnjenje su najavili ostali zastupnici, pa evidentirali smo Junuzović-Kaljić, Sead Milavica, Samir Suljević, a i ostali će se uključiti u roku pet do deset minuta.

Na prethodnom zasjedanju koje je održano 20.08.2020.godine obradili smo prvu tačku dnevnog reda, otvorili i došli do diskusija na drugoj tački dnevnog reda, tako da nastavljamo sa prvim prijavljenim zastupnikom za diskusiju, a to je uvaženi zastupnik Marjanović Damir.

Poslanik/zastupnik Damir Marjanović:

Zahvaljujem. Predsjedavajući da li me čujete?

Predsjedavajući:

Da, mi vas čujemo. Izvolite, imate riječ. Kolega Marjanović.

Poslanik/zastupnik Damir Marjanović:

Hvala vam predsjedavajući. Iskoristit ću priliku a pozdravim sve prisutne, da pozdravim kolegice i kolege koji vode ovu Skupštinu, građane Kantona Sarajevo. I da se zahvalim kolegicama i kolega na kolegijalnosti koji su mi dopustili da vodim prvi diskusiju. Neće biti duga, bit će relativno kratka, ali nadam se da će biti konkretna. Neke stvari koje se nadam pred kraj Skupštine da ćemo razmatrati u vidu nekih zaključaka, imao sam priliku da sudjelujem u tome, konkretizirali smo i nadam se da ćemo ovaj put to ozbiljno i dobro uraditi. Kada imate krizu, onda imate krizni menadžment. Kada nemate krizni menadžment onda sve ovisi primarno o tome imate li ili nemate lidera. Mi n a žalost u Kantonu Sarajevo i u FBiH nismo po mom mišljenju imali jakog lidera koji je mogao da preuzme u potpunosti odgovornost za koordinaciju svih aktivnosti i za jedan rad i koordinaciju kriznog štaba. Ovo se ne odnosi na članove kriznog štaba. Ovo se prvenstveno odnosi, ovo su priče, ja sam to vrlo jasno i glasno rekao o političkom lideru, ustvari lideru koji drži političku poziciju, a to je ministar. Mi ovdje govorimo o kantonalnom i federalnom ministru. Neću namjerno spominjati imena, jer ne želim da ovu diskusiju usmjerim ka bilo kakvom osobnom tonalitetu, želim samo da kažem da kada ste na toj poziciji, posebno u ovakvom uvjetima onda morate da budete krizni menadžer, a krizni menadžer ako je dovoljno mudar okružit će se najvećim brojem ljudi koji su mnogo pametniji, mudriji, iskusniji od njega, koji će pokrivati sve moguće dijelove onoga spektra koji je neophodan za funkcioniranje sistema evo u ovakvim uvjetima. Ne bih se vraćao pretjeran podaci su prezentirani, predsjednica kriznog štaba prof Pilav je rekla i jako lijepo isprezentirala šta je urađeno, što nije. Također i direktori pojedinih institucija su prezentirali uglavnom one pozitivne stvari, ali mislim da je tu trebalo malo i osvrnuti se na ono što nije funkcioniralo, jer nije sramota kada nešto ne funkcionira, posebno ako iu daljem periodu radite na tome da otklonite to što ne funkcionira. Osvrnut ću se samo malo na odgovor direktora ZZO neće mi zamjeriti gospodin što ću reći da bi bilo jako dobro da malo siše među korisnike softvera koji postoji i da vidi sa kojim se problemima susreće kadar medicinski koji koristi taj softver. Bilo bi jako degutantno sada kada bih vam ja nacrtao barem 50 stavki, 50 informacija koje sam dobio direktno od ljudi koji rade sa tim softverom.

Bilo bi jako dobro da sidete malo u bazi i pogledate a i i na koji način taj softver radi optimalnim kapacitetom a me neko ne bi proglašeno shvatio ovo nije ni kritika softveru. Zato što iz informacija koje dobijam od ljudi koji se mnogo bolje razumiju u tu sferu nego ja, govore jako pozitivno o tom softveru. A čak i podatak da sličan softver jako dobro funkcioniра u našem susjedstvu i u drugim kantonima i drugim državama govori da toga da mi optimum tog softvera u ovoj krizi a noga mi ni prije toga nismo iskoristili. Kao što rekoх neće mi biti teško da odgovorim na pitanje ili eventualno kroz komunikaciju, pozivam direktora evo vrlo rado ću mu dati, kako rekoх evo neću 60 ali 20 stavki gdje šta i kako treba da se uradi. Vlasnik softvera smo mi, i mi ga trebamo maksimalno iskoristiti. A softver je tu da maksimalno može da se iskoristi i da skрати vrijeme za neke aktivnosti koje moraju biti što kraće i da uvede reda a ne da se dođe do toga da se ručno nešto uvodi, ručno nešto upiše da se nemaju neki podaci o terapijama desetak dana. Da neko mora da s jednog odjela trči na drugi odjel ,itd no ostavimo to sa strane. Mislim da cijela ova Skupština našа ne bit trebala biti usmjerena u pravcu šta je bilo i koje su greške bile i šta je dobro urađeno ako nismo spremni da sve ove podatke na neki način procesuiramo i da sve ove podatke na najbolji način iskoristimo da optimiziramo sistem da za tu jesen koja nam se spremna. Epidemiolozi upozoravaju, virolozi upozoravaju, doktori upozoravaju, kolege iz laboratorije, svi stručnjaci upozoravaju da jesen koja dolazi donosi neke izazove. E sada nemojte da zvučimo previše pesimistično da bude dodatno. Ne znači da će se pojaviti neki virus pet hiljada puta biti gori. Ne neke obične stvari koje se na jesen ponavljaju, neke sezonske gripe, neko dodatno opterećenje zdravstvenog sistema koje će se desiti između ostalog i sa početkom školske godine, sa pojačanom aktivnostima i kompanijama u fabrikama, u trgovinama koje će raditi sada malo većim intenzitetom nakon ljenjeg zatišja, donose određene izazove i moramo biti svjesni da ovaj sistem ovako kako funkcioniра ljeti bit će dodatno opterećen na jesen. Ja sam siguran i razgovarao sam, ja mislim da vam pojedini članovi kriznog štaba to mogu reći, ja ne prepisujem se i dopisujem medijski. Kada imam neko pitanje, sugestiju, kritiku, ako imam priliku kao ekspert kao znanstvenik iz neke oblasti, kontaktiram direktno ljude, iznesem svoje mišljenje. Ne treba nam nikome taj jeftini populizam. A evo razgovarao sam sa nekim ljudima, dobro pitanje i siguran sam, i evo čuo sam da razmišljaju već šta će se desiti sa sezonskom gripom. Kako će ići nabavka vakcinacije. Kako ubrzati testiranje.evo sada ćete mi reći ko o čemu Marjanović o testiranju. Ali nađite se u prilici kada imate dvije relativno slične simptomatologije, kako nam doktori kažu, s jedne strane gripe s druge strane COVID-19, nađite se u toj poziciji da vidimo koliko nam brzo treba informacija šta jeste a šta nije COVID-19. Ja sam postavio vrlo konkretno pitanje grof Pilav i ne zamjeram što mi nije odgovorila, jer to nije aspekt u kojem se, što mi nije konkretno odgovorila, siguran sam da se taj podatak sada traži, a postavio sam pitanje, ne da pokažem da neko nešto ne zna, nego da se dođe do tog podatka. Koliko nam treba vremena od momenta prikupljanja uzorka do momenta saopštavanja rezultata pacijentu i doktoru? Odgovorno vam tvrdim da to nisu dani, nego sa svim ovim kapacitetima u Sarajevu koje imamo, to mogu biti sati. E sada neka vam doktori kažu koliko je bitno da što prije saznaju da li nešto COVID-19 ili nije, ili recimo gripa ili nešto drugo. Jer su koliko sam ja shvatio različite, različite terapije. Postavio sam pitanje ministru obrazovanja i svima vama sam postavio pitanje šta vam je s edukacijom dječaka i djevojčica, da li oni jasno znaju u ponedjeljak jasno znaju kako u školama trebaju da se ponašaju i kako trebaju da se ponašaju kada se vrate iz škole? A da li našа javnost zna u potpunosti i da li je pripremljena u potpunosti za ono što nam slijedi? Da li znamo sve što treba da radimo vezano za COVID -19 recimo u septembru, oktobru, novembru, decembru? Mi imamo povremeno izbacivanje informacija, povremeno informiranje kriznih štabova ali nisam primijetio sistemski pripremanje od letaka, brošura, TV emisija, kažem sistemski koje će ići edukacije za različite skupine ljudi, jer različiti ljudi usvajaju na različit način informacije. To su stvari o kojima mi moramo voditi računa? Ako ćemo mi sada sjediti ovdje, šta nam je, opet ću sa softverom. Da li su uvezane u potpunosti, u potpunosti pitam jer ja

imam informaciju da nisu, ali nemojte me rado me demantujte, da li bez ikakvih problema postoji protok informacije između zdravstvenih institucija: KCUS s jedne strane, Opća bolnica s druge strane, DZ s treće strane. Najbrži najmoćiji. Ja imam informacije da se to dodatno može optimizirati. A dokaz da se može optimizirati je moja osobna situacija u kojoj sam ja rješenje za samoizolaciju dobio onoga dana kada mi već samoizolacija ističe. Znači to su dječje bolesti koje se moraju prevazići i mi ih trebamo preći. I taj tako kako jeste. Zato molim sve i polako završavam, bez ikakve namjere da sada govorim šta je neko loše uradio, raspitajte se za vašu informaciju za buduću ministricu ili ministra zdravstva zašto su ljudi u laboratorijama primorani da upisuju podatke u dva različita softvera, jedan za Federaciju, drugi za Kanton, barem je to bilo donedavno. Molim vas da sa ove sjednice budemo mi jako konkretni, jasno kažemo šta očekujemo od Ministarstva i kriznih štabova, a s druge strane ohrabrujem buduću ministricu ili ministra i molim da što prije završimo tu priču, da bude lider u ovoj cijeloj priči, da iskoristi maksimalno sve kapacitete koje mi imamo u Kantonu Sarajevo, pa čak ako neke nemamo da angažujemo ljude sa strane jer ova priča će potrajati sigurno još par mjeseci i ovom pričom ako budemo dobro uspostavili sistem možemo spasiti na desetine života, možemo na desetine zdravstvenih puteva ispraviti u dobrome pravcu a onda dozvolite mi da kažem i uštediti na stotine miliona KM koji će nam i te kako trebati u ekonomskom oporavku. Ja vas se zahvaljujem na pažnji.

Predsjedavajući:

Zahvaljujem uvaženi kolega Marjanoviću. Sljedeći nam je zastupnik Konaković Elmedin. Jeste li svi spremni?

Poslanik/zastupnik Elmedin Konaković:

Predsjedavajući je li dobar ton, čujemo li se?

Predsjedavajući:

Mi vas čujemo odlično i vidimo. Izvolite imate riječ.

Poslanik/zastupnik Elmedin Konaković:

Hvala predsjedavajući. Srdačno vas pozdravljam, rukovodstvo Skupštine Kantona Sarajevo, sve kolegice i kolege, cijenjene gledaoce TVSA i evo ja ću reći nekoliko riječi o našem odgovoru na pandemiju u Kantonu Sarajevo a kroz prizmu stanja u zdravstvenu generalno. Mislim da i više puta sam o tome (nerazumljivo) da je ovaj sistem pun kvalitetnih pojedinaca na koje možete naletiti velikom vjerovatnoćom, i olakšaju vam sve kada je riječ o COVID-u, od samog informisanja terapije, nadzora pa do nekih konačnih rješenja. Na žalost, ni s od sistema ne postoji i za to odgovornost isključivo snosi Vlada Kantona Sarajevo na čelu sa premijerom Mariom Nenadićem i sa u ovom slučaju, ministrom u bjekstvu gospodinom Šankom Mesihovićem i svih ostalih ministara u Vladi. Dakle ja sam se šalio, nisam naravno znao da možemo doći u situaciju u kojoj su ugroženi životi ovom pandemijom kada sam vam govorio ako nam ovakvog ministra predložite vodim vas na večeru jer sam znao da nećete uspjeti pomjeriti ni jedan zarez u sistemu zdravstvenom kako bi se danas ljudi, kada je riječ o pandemiji, ali jako je važno i svim drugim hroničnim i drugim bolestima ostali sigurno u Kantonu Sarajevo. Podsjetiti ću našu javnost da je Kanton Sarajevo ubjedljivo najbogatiji kada je riječ o budžetu ZZO, blizu 500 miliona KM su budžet kojim raspolažu, a danas imate situaciju u kojoj COVID ali i drugi pacijenti ne znaju šta da rade osim ako nalete na ove pojedince o kojima sam govorio. Vaš ključni problem ove Vlade kreće ako se sjećate u ekspozeu premijera Nenadića rekao sam je li moguće da ni jedno slovo niste smjeli napisati o KCUS, jer i problem pandemije vidim na način da nam je čep koji nam je sa tercijarnog nivoa, ili pritisak koji su spustili na primarni, sekundarni trenutno najveći problem u pandemiji ali i svim ostalim uslugama koje bi zdravstveni sistem trebao. Dakle vi niste smjeli

ni napisati i u jednoj alineji onih desetina stranica KCUS. Ako se sjećate, ja vam rekao hajd ustanite neko pa samo kažite KCUS. Ne jer vi ste pod direktnom komandnom odgovornošću tog menadžmenta, vodite zdravstvo tako da udovoljite njima a ne da liječite pacijente. Počet ću od onoga što je govorio gospodin Baljić, ovaj fini jedan čiko. On je tu došao vrlo finim glasom, sve je to on nama objasnio, zapravo potvrdio sve ono zbog čega problemi na primarnom i sekundarnom nivou nastaju. I rekao naravno rekao nekoliko stvari uza koje provjereno znam da nisu takve. Dakle gore (nerazumljivo) i pritisak je ogroman na sekundarni i primarni nivo zato što KCUS ne pruža ni izbliza dovoljan broj usluga. Da ne govorim optimalan, onaj koji je pružao prije pandemije. To je naučna fantastika. Dakle u ponedjeljak im je direktorica poslala neku naredbu kao počet će se i od 17 i operacije sekundarnog i tercijarnog nivoa zdravstvene zaštite. I nisu počele. Baljić kaže da oni gore i do 2000 usluga pruže, a pitanje je znate li vi koliko ljudi radi u KC? Dakle dok sam bio na čelu Vlade baratalo se cifrom oko 3500 uposlenika. Koji je to broj klinika, kreveta, napravite koliko je to ljekara i prosjeku čak i da jesu 2000 a nisu, vidite kako je to mali broj usluga zbog kojih i primarni i sekundarni nivo zdravstvene zaštite su pritisnuti svim belajima i ne mogu naravno adekvatno odgovoriti na probleme COVID-a. Najvažnija stvar ne da niste smanjili ni marku KCUS, i taj novac usmjerili na efektivniju odbranu COVID-a, na primarni i sekundarni nivo, ne, nego ste još drastično povećali i dok je Federacija davala desetine miliona i Kanton je povećavao svoje tranše. Usluge su padale, broj ljudi se smanjivao, klinike se zatvarale, slike gledamo svaki dan, javljaju nam se bolesnici i nekako ste ostavljeni na primarnom i sekundarnom nivou da se pokušate snalaziti. Politička odgovornost u vremenu u kom date hobi ministra, koji je danas hvala bogu dobro, rekao je da je imao zdravstvene probleme, pa je otišao, pričao sam s nekoliko zajedničkih prijatelja, kažu da je dobro. Hvala bogu. Želim mu svu sreću. Ali taj vaš eksperiment za koji smo svi znali da je naravno neuspješan jer tog ministra nije zanimalo sistem. Njega je zanimalo ono što ste mu zabranili kada je kolegica Milavica skupštinskim zaključkom rekao nećeš ti raditi tendere, nego će to raditi nadzor međunarodna institucija. Tada je prestao interes tog ministra za sistemom i naravno on je otišao i evo hvala bogu zdrav je pa možemo o toj temi govoriti bez ikakvih problema. Dakle vi nemate ministra. Imate nove pokušaje imenovanja osobe koja treba da uredi sistem, riješi problem COVID i druge, u kojoj je predsjednik jedne stranke kaže pa ljudi neće to niko, ja sam imenovao ko hoće. Mi smo došli u fazu da nam ponudite rješenje a onaj ko treba da riješi problem COVID-a i druge probleme bude onaj ko to hoće jer drugi to neće. Van svijeta u kom vi živite, hoće normalni ljudi ali neće na način da slijepo slušaju KC a da nose odgovore. Kao što ni Mesihović, jedan od razloga, isto tako nije mogao. Ovo je politika, vi ste nama politički morali ponuditi rješenje. Ovo ste nam ponudili kao što sam govorio. Nekoliko prestrašnih stvari, od početka ste se igrali, ta priča oko Građevinskog fakulteta, najava, izolatorij. I onda kaže ovako, mi smo napravili izolatorij ali smo ga onda u prvobitno stanje vratili po zahtjevu fakulteta. Dakle ljudi, Fakultet je naravno dio akademske zajednice, naš je dio UNSA u kojem smo mi osnivač, ima ministra obrazovanja, ima premijer Kantona, vi svi možete naravno uticati da to bude timska igra,. Ne, ne reko Građevinski fakultet hajte izađite napolje, vratite nam naše igračkice i vratili mi njima izolatorij, a onda hoćete izolatorij u studentskom domu na Bjelavama. Dakle kada neko ovo reda i čita i da nije nažalost 50-tak naših sugrađana koji su završili na respiratoru, svi da nisu umrli, možda se jedan vratio, ovo bi izgledalo kao jedan loš vic. Ovo što redamo neko bi rekao ovo je nemoguće da se dešava u civilizaciji a kamo li u jednoj zemlji koja sebe smatra europskom. Dakle, otjerao je Građevinski fakultet, rekao nema izolatorija, vratite naše igračkice, bježite odavde. Imate dakle sljedeće situacije, sjećate se kada sam vas ja upozoravao, kada imate skupštinski zaključak nemojte toliko novca trošiti na lijekove koji ne trebaju. Vi ste povećali tranšu za lijekove oko 7,5 miliona. Niste ispoštovali zaključak Skupštine, UO u kojem DF ima većinu nije dozvolio da se implementira zaključak osnivača a da i taj novac date institucijama, ustanovama koje se trenutno snalaze, bore i ljekarima koji su na prvoj liniji ove fronte. Ne,

ostali ste i dalje kod nabavke esencijalnih lijekova. Sigurno (nerazumljivo) i ponovo pokazali zapravo da vas e zanima rješenje. Vas zanima zbog čega ste u ovoj formaciji 16+2 skupili. I svakodnevno to demonstrirate. Kolege pacijenti s kojima sam ja naravno kao i Damir, kao i svi ostali, Mirza, svi smo mi komunicirali, mijenjali iskustva. Jedan od njih mi je neki dan poslao sliku, kaže morao sam doći u DZ Stari Grad jer u DZ Vogošća, Ilijaš nema (nerazumljivo). U Vogošći, Ilijašu COVID pacijenta koji je ozdravio, i još mi kaže da nije skroz jer su mu još uvijek na plućima neki ostaci, morao je doći u Stari Grad. Zašto, zato što trgujete Domom zdravlja. Zato što ste to isporučili Plehi. Zato što je tamo došao čovjek kojeg ja (nerazumljivo); koji je sve sredio. Šta je sredio? Šta se promijenilo? Na koliko ste ovu sjednicu zakazivali, koliko vremena treba da mi o ovoj temi upošte porazgovaramo? To je, vi sada to sve radite iz nemoći, to je potpuno jasno. Na početku sam ja znao da je to neznanje, sada je to nemoć. Ali iz vaše nemoći ljudi koji ne bi trebali umirati, umiru. Morate shvatiti tu dimenziju problema, da je ovaj sistem rascjepkani koštao nas života građana Kantona Sarajevo. To je i naša zajednička bruka, nije samo vaša. Dakle, vi imate danas imate Ministarstvo u kojem je isteklo ovlaštenje ovoj gospođi koja je mijenjala ministra do 17.08. premijer Nenadić će danas ovlastiti nekoga od ministara. Pravite bauk od te teme, ponavljamo, a govoriti ću (nerazumljivo) sjednicu o predloženoj kandidatkinji jer ono što sam jednom samo rekao sada imam dodatne informacije. Ako do toga dođe baš ću to s merakom pričati. Neću danas da ove stvari skrenu s teme. Ovdje u pravi plan isplivala odgovornost Kriznog štaba. Iz nekog razloga u vremenu u kom više mi nismo u stanju pandemije, nismo u stanju prirodne nesreće. Mi smo u stanju normalnom u kojem ovo jeste epidemija i u propisima našim vrlo je jasno propisana odgovornost premijera, njegovih saradnika, Vlade cijele u kojoj nema ni ministrice zdravlja. Moram premijer ovlastiti nekoga od ministara ko može potpisati silne administrativne probleme imate jer nema ko da potpiše tranše. I ono što ima novca još uvijek ustanove nisu dobile. I ono što ima materijala nije raspoređeno jer nema potpisnika. Imate uslove, pravno formalno imate uslove da imenujete zamjenika. Dakle imenujte nekog ako obnaša funkciju ministra zdravstva dok se političke ne dogovorite, ako se ikada dogovorite. Ovo su ljudi preozbiljne teme. (mikrofonija).

Predsjedavajući:

U ime Kluba govorite Konakoviću, samo da evidentiramo. Ja se zahvaljujem. Evo nastavite.

Poslanik/zastupnik Elmedin Konaković:

Dobro ja mislim da ću samo kraće, samo da ja sebi uključim da ne zaboravim. Dakle, u prvi plan isplivala odgovornost kriznog štaba jer tamo ima neka žena koja smije pred kamere. Hoće pred kamere i ona svojim pojava preuzima na sebe sve gelere koji postoje. Zašto? Zato što nemate nikoga. Zato što ne postoji sistem. Zato što nisam od vas nikoga čuo da izađete pred kamere i odgovorite na pitanje. Gurate ove ljude iz kriznog štaba koji opet se snalaze jadni sami sa sobom. A znate gdje su u lancu odgovornosti oni? Oni su vam negdje 20 mjesto lanca odgovornosti stanja u kom se vi danas nalazite. Dakle, zato što nema ni premijer ni ministar nema ne postoji ko se time bavi. Ideja koju sam čuo da u Opštu bolnicu stavite na šesti i osmi sprat COVID bolesnike, na koje vas je tjerala šefica KCUS, je pokušaj ubistva onih bolesnika koji leže u Opštoj bolnici. Dakle dole su ljudi hvala bogu, počeli raditi mnogo ozbiljnije, posao preuzeli mnogo veći broj usluga i bilo bi super da pokažete knjige jedne i druge bolnice i uporedite s brojem zaposlenih u jednoj i drugoj bolnici, da vidite što je Opšta bolnica na ovakav način profunkcionisala. Koliko su preuzeli na sebe obaveza i hvala Bogu građani Kantona Sarajevo mogu negdje otići, dobiti neku uslugu, imati čak i operaciju. U četvrtak i petak sam dobio jutarnje slike s DIP-a. DIP je dio bolnice u kom vi, imam ih ovdje, sad bih vam zarolao taj video da vidite, pacijenticu koja se snima, nema nikoga na DIP. Nije to samo problem zašto je problem tog COVID-a zato što ste sve te ljude natjerali na primarni i sekundarni nivo a od njih tražite da rješavaju problem i COVID pacijenata. Govorio sam o

svojih iskustvima koliko sam ja sreće imao pa sam naišao doktoricu Trifunović, pa imam moju Amru prijateljicu moju zastupnicu koja mi je savjetovala, pa s Gavrankapetanovićem, pa sa još nekim doktorima sam bio u kontaktu pa su mi rekli šta da radim. Da nisam, kao što neke moje kolege nisu, liječio bih se supicama, i liječio bih se ne znam neakvim travama, dok se ne spusti korona na pluća, dok ne uzme oba krila i onda uzimate u probleme. Dakle, kako je Baljić prošli put odgovarao to je za knjiga. Mirno, fino staloženo. Ništa nam nije rekao. Na moja pitanja koliko ljudi imate i šta su po struci u Podhrastovima, on je ovako rekao imamo mi protokol, edukacije, infektologe, anesteziologe, ništa on nije rekao. Da li ti ti anesteziolozi, ko rukuje uopšte respiratorima? Koji vam je protokol liječenja? Niste rekli. Mi nemamo propisan protokol liječenja za COVID pacijenta u prvoj fazi bolesti. Pogledajte Tursku, Hrvatsku, nemojte gledati Srbiju. Samo gledate šta radi Srbija i prepisujete sve mjere. I krizni štabovi, Vučić nije odgovorio na koronu adekvatno. Trebate gledati ljude koji jesu. Evo Tursku ste trebali gledati da vidite kako COVID pacijent s prvim simptomom dobija terapiju i zašto. Zbog čega su bitni ti nekakvi kleksani? Govorim iz iskustva imam pravo. Zašto ti kleksani su spriječili smrt po svijetu koji su od trombova umirali kod nas umiru od toga. Nema ništa od toga. Ja svaki dan čitam gledam pratim, očekujem neko rješenje. Vi ništa niste ponudili jer ste se zaista samo tu matematički skupili da se poigrate malo politike i zatekla vas je korona na koju vi odgovor nemate. Infektivna klinika. Jedina infektivna klinika u BIH i u regionu koja se ne bavi COVID-om je je Klinika na KCUS, čije je direktor Rusmir Baljić. On kaže obnašamo mi sve druge funkcije. Naravno vrlo reducirano, jer je i tu broj pacijenata drastično smanjen, ali je to jedino zašto. Zašto je KC jedini izostavio Infektivnu a pokušava praviti izolatorij na Bjelavama među studentima ili da stavi na šesti i osmi sprat COVID bolesnike u Opštoj bolnici u kojoj vam je sistem ventilacioni jedinstven, znate to. Pa vam onda struje te bakterije sa sprata na sprat. Ako ćemo (nerazumljivo). Dakle pogledajte kako sve to izgleda bez glave i bez repa. Baljić je rekao mi nismo mislili da možemo doći do 100 mjesta. Kaže čovjek pazite, vodi procese, mi nismo mislili da možemo doći do broja od 100 mjesta na Podhrastovima. Ali eto to je to što su oni pripremili. Kažu da na toj Građevini čovjek došao odnio krevete, nešto mu nije plaćeno. Pogledajte cirkusa koji vi proizvodite i njime se bavite, dok ljudi pate, gledaju, povećava s broj COVID pacijenata. Umiru na respiratorima. Velika nas je nesreća zadesila vašim dolaskom. Dakle neću ništa da politiziram ni slova adekvatno niste odgovorili na ovu COVID priču, pa eto u zaključcima i vjerovatno ću i ja reći nešto dodatno. Hvala vam predsjedavajući.

Predsjedavajući:

Zahvaljujem Konakoviću. Jasna Duraković je zastupnica koja je sljedeća na redu. Kolegice Duraković da li ste spremni?

Poslanik/zastupnik Jasna Duraković:

Da li se čujemo predsjedavajući?

Predsjedavajući:

Mi vas čujemo, imate riječ.

Poslanik/zastupnik Jasna Duraković:

Zahvaljujem. Evo samo trenutak. Prije svega naravno pozdravljam srdačno i vas i rukovodstvo i kolegice i kolege koji su prisutni kao i sve one koji prate rad današnje sjednice. Dakle ja bih evo samo na početku izrazila svoje nezadovoljstvo obzirom da nismo imali priliku prošle sedmice, obzirom da je prekinuta sjednica, nezadovoljstvo odgovorima ili tačnije rečeno, izostankom potpunih odgovora koje sam uputila gospođi Pilav. Nisam dobila niti jedan odgovor na postavljena pitanja. Još uvijek ne znamo šta je taj pod navodima famozni put pacijenta. Ja se nadam da ćemo u toku današnjeg dana ipak dobiti neko

objašnjenje ili nešto će nam biti ponuđeno mimo onog izvještaja koji je onako pro forme radi na preko 200 stranica, kao što ste vidjeli. I naravno ono pitanje, ono ključno, što zanima sve nas, jeste neka dugoročna strategija ili izostanak iste. Dakle ja ću ovdje u ovoj diskusiji nekako usmjeriti ka predlaganju određenih mjera, za koje se nadam da će možda neko iz Vlade Kantona Sarajevo zaista imati sluha da preduzme određene radnje, da ne čekamo zaista 5 do 12 kao što do sada to sve radimo, već da zaista ozbiljnije svi zajedno uključimo rješavanje ovog problema dakle koji tu s nama duži niz mjeseci koji trese. Pogotovo u početku nove školske godine, akademske godine. Prva stavka bi bila ovdje što predlažem jesu neke opšte mjere ja bih voljela da sutra i novoimenovani ministar ili ministra da možda razmotre ovo kao neka optimalna rješenja ili da bar evo uzmu u obzir ovo kao neka solucija. Ja mislim da bi bilo krajnje neophodno, to su prethodni kolege i kolegice predlagali možda, rali neophodno je povećati tu javnu kampanju za držanje preventivnih mjera kod građana i građanki u Kantonu Sarajevo, ali ne na način naravno da se ljudima oduzimaju osnovna ljudska prava, da im se prijete, da ih se poziva na odgovornosti, međutim putem osmišljavanja nekih pametnih reklamnih kampanja, koje prije svega podižu svijest o potrebama lične zaštite od zaraze COVID -19. imate sjajne reklamne kampanje koje ste mogli vidjeti u proteklom periodu od strane Crnogoraca, evo to je recimo jedan primjer kako bi mogli raditi i mi. Posebno je potrebno istaći podizati svijet kod djece i kod mladih ljudi. Ono što je rekao kolega Marjanović u svom izlaganju mislim da potpuno nespremno idemo u novu školsku godinu i na jasno na kraju zašto je ministar Krivić odbio da razmotri opciju o prolongiranju barem jednu sedmicu kako bi i škole na kraju bile spremne, nastavno osoblje, djeca i roditelji. Mislim da mi još nismo još uvijek spremni da to zaista djeci je to jedno stanje u kojem imamo mnogo upitnika iznad glave i zabrinuti smo i kao roditelji i kao ljudi koji rade, naravno prosvjetni radnici svi mi zajedno. Tako da evo to bi bio neki fokus što se tiče tih javnih kampanja. Kako planirate u narednom periodu objasniti djeci i mladima, koji vidjeli ste, mladi na žalost jesu čini se možda malo manje odgovorni, ali činjenica jeste da mi nemamo sistemska rješenja, nemamo jasne poruke koje upućujemo kako se zaštititi, kako prevenirati širenje zaraze itd. Pogotovo u ovom periodu koji slijedi. Također kada nudimo neka rješenja ne bi trebali samo vezati se na javne prostore, na kampanje širenja zaraze, jer vi znate do sada je bio (nerazumljivo javlja se mikrofonija), prema Zavodu za javno zdravstva iz inostranstva i također je ono što je naglasak u kancelarijama, gdje imate u firmama broj ljudi sjedi zajedno. Težište prevencije širenja zaraze mora biti u pooštrenoj i boljoj kontroli ulaska u Kantonu Sarajevo, kako te dijaspore, koja sada već odlazi, evo nešto što treba razmotriti, također skraćivanja radnog vremena po kancelarijama ili rad u dvije smjene gdje god je moguće, naravno. Da se smanji broj ljudi koji sjedi u kancelariji u isto vrijeme u zatvorenom prostoru. Da bi neophodno bilo ići u kampanju da se smanji socijalni to je opet neka pametna osmišljena kampanja dugotrajnog nekog rada na prevenciji. (mikrofonija) vjerovatno druge bolesti tako da mislim da je sada krajnje vrijeme da se uozbiljimo, da nešto sistemski ponudimo, neka rješenja tog tipa. Također je neosporno da su ugostiteljski objekti problem, ali je važno da rade jer ne možemo ostaviti ljude bez posla. Stoga možda jedan prijedlog upućujem evo opštinama u Kantonu Sarajevo dokle god imamo lijepo vrijeme ljetni period da ustupe možda sav raspoloživi javni vanjski prostor na besplatno korištenje ugostiteljskim objektima kako bi se u tom period mogla vani napraviti što veća distanca među stolovima, a minimizirati broj stolova unutar zatvorenog prostora. Dakle, to su neke opšte mjere koje bi ovdje, ako smatrate da treba ja bih voljela da mi se to razmotri. Zdravstvene mjere, primarna zdravstvena zaštita je ključna ali već smo o tome govorili, međutim ja mislim da trebamo ponoviti. Trebaju je svi pomoći i stručno i kadrovski i opremom. Iluzorno je da je KCUS traži da neko radi zakonom propisan njegov posao, taj izolacija i liječenje zaraznih bolesnika. Najveći po opremi i po prostoru i toga smo svi svjesni i po broju medicinskih kadrova, te čini mi se jedini onеспособljen da to radi. Dakle trebalo bi biti obrnuto da taj tercijarni nivo kadrovima i opremom pomaže primarni nivo a ne da primarni i sekundarni nivo pomažu

tercijarnom nivou. Kada govorimo o DZ potrebno bi bilo, evo po meni, ako to već nismo uradili, a nismo koliko vidim, još uvijek ne znamo zaista kako taj sistem funkcioniše unutar Kantona Sarajevo, DZ bi trebali osnovati COVID ambulante u svakoj opštini u Kantonu Sarajevo. Patronažom obezbijediti svakodnevnu kontrolu u svojoj zoni svih COVID pozitivnih pacijenata koji su upućeni na kućno liječenje. Patronažnom obezbijediti kontrolu svih onih pacijenata koji nisu pozitivni ali su stavljeni u samoizolaciju. Potom, sve administrativne poslove, tipa izdavanja recepata, bolovanja, doznaka, ili eventualne uputnice i slično raditi u on line formi a ne u kontaktu s bolesnicima. Npr. napraviti najjednostavnije rješenje printer na ulazu u DZ gdje pacijent nazove svog porodičnog ljekara a onda on završi isprinta nalaz koji se printa na samom ulazu i pacijent ga preuzima. Naravno ako je u pitanju samo taj administrativni dio. Na taj način olakšati rad. Bolnice bi trebale podhitno smanjiti to šetanje bolesnika radi nalaza. Dakle, zaboraviti tu staru praksu da specijalista šalje u DZ, a onda porodičnom ljekaru pacijenta po uputnicu za bilo šta drugo, RTG, CT. Dakle zaista nepotrebno pravimo više kontakata, inače i u normalnim uvjetima ovo baš i nema nekog smisla kada razmišljamo o tome. Onda bi trebalo bolnice da ovlaste specijaliste da sami pišu upute za pretrage koje im trebaju da se te pretrage obavezno rade u njihovoj ustanovi, u bolnici i na KC, poliklinici. A ne da se ponovo bolesnici vraćaju u DZ. Potom trebalo bi omogućiti dodatni bolnički prostor za izolaciju i liječenje zaraznih bolesnika, što bi naravno opet trebalo riješiti unutar kapaciteta KCUS: tako je naravno i u svim drugim KC. Jer tamo postoje zarazna odjeljenja, infektivna odjeljenja. I svaki bolnički prostor je puno bolji od tog improviziranog van bolnice. I naravno ima svu potrebnu infrastrukturu, i bliže je toj dijagnostici i naravno svim drugim servisima. I svaka bolesnička soba bilo gdje u bolnici može biti izolatorij. Uz poduzete odgovarajuće medicinske i druge mjere, to nam je svima jasno. Jer iluzija je prosto da imate recimo 1000 praznih bolesničkih kreveta a pri tom pravi se izolatorij izvan bolnice. Mislim da evo imamo rješenje. Sva rješenja već postoje samo ih trebamo implementirati. Izolatorij izvan KC bi imao smisla jedino u dva slučaju kada su recimo svi kreveti popunjeni drugim bolesnicima ili kada bi udaljenost neke opštine bila prevelika od KC, što u Sarajevo apsolutno nije slučaj. Tako da mi sve imamo postojeće solucije, samo ponavljam, trebamo ih implementirati. Trebalo bi naravno insistirati da se u borbu protiv epidemije planski i organizovano putem ZZO i. Evo završavam. Da e uključite svi privatni kapaciteti jer ovako, pazite oni na COVID, na žalost, moram reći prave ogroman profit. Moralo bi se sistemski ovo riješiti da budemo svi uvezani da imamo jednake i obaveze i odgovornosti i prava. I Zakon svakako to dopušta i ministru zdravstva. Tako da ja poručujem toplo novom ministru ili ministrici zdravstva da molim da razmotri sve ove opcije. Ja ću to svakako i u pismenoj opciji uputiti. Hvala vam lijepo.

Predsjedavajući:

Zahvaljujem uvažena zastupnice Duraković. Nadam se da neće zamjeriti ostali zastupnici minutu i po smo vam dali više.

Poslanik/zastupnik Jasna Duraković:

Ja se izvinjavam i zahvaljujem.

Predsjedavajući:

Ništa. Evo ja se nadam da imamo razuma. Tema je takva kakva jeste, pa imamo razumijevanja danas. Uvaženi zastupnik Jakupović Vedran. Ako ste vi spremni imate riječ kolega izvolite.

Poslanik/zastupnik Vedran Jakupović:

Zahvaljujem predsjedavajući. Nadam se da se čujemo i vidimo. Trebao bih na početku naglasiti da ću u ime Kluba NiP-a II, govoriti 15 minuta. Mislim da ću malo kraće ali evo samo da najavim da ne bi ste prekidal. U početku ću reći ovo nešto što sam rekao na prošloj

sjednici a sam ostao bez teksta prošle sjednice šta se sve dešavalo, i mi smo faktički imali tri prekinute sjednice ove sedmice. Znači dvije redovne i jednu hitnu. Posebno sam šokiran ovom situacijom oko hitne sjednice koja je imala za cilj imenovanje, prvo razrješenje pa imenovanje ministra zdravstva. Odnosa koji su primarno stranke SBB I DF pokazale kada je riječ o ovako bitnom pitaju. I dalje se ta priča nastavlja, dakle mi i dalje nemamo ministra zdravstva i da ponovim eto ono što sam rekao prošli put da u stanju rata nemamo ministra odbrane. Na početku bih pohvalio kolege koji rade u Podhrastovima, sve kolege i ljekare, medicinske sestre, tehničare, ljudima kojima je najteže jer dovoljno je da obučete kompletnu uniformu zaštitnu i da radite u njoj. Mi koji znamo šta je raditi pod maskama i rukavicama ne možemo ni zamisliti šta je tek raditi u kompletnoj zaštitnoj uniformi. Tako da bez obzira na kompletan sistem i sve što se dešava ja bih pohvalio kolege na Podhrastovima i dao im punu podršku. Naravno uz ovo i sve ostale kolege u primarnoj zdravstvenoj zaštiti, farmaceute u apotekama, koji su suštini u ovom periodu od nekih pola godine koliko ratujemo s COVID-om ukazali da su isti onaj kvalitet koji su neke malo starije kolege pokazale u ratu da znaju i da žele da se vole baviti svojim poslom. Posebno su fascinantni neki primjeri u kojima ljudi i nakon što su zaraženi na svom radnom mjestu, nakon izolacije, nakon izlječenja odmah se vrate na isto radno mjesto u isti rizik. Tako da evo dužan sam da počnem priču s tim. I da odmah se naslonim na jednu rečenicu gospodina Katane koji je direktor ZZO koji je rekao da oboljeli od COVID ne mogu dobiti bolovanje jer nije riječ o profesionalnoj bolesti. Oni imaju te neke svoje šeme profesionalnih bolesti, vjerovatno su tu neka trovanja, nekim olovom i slično. Tako da kada je riječ o ovim zaraznim bolestima, ti ljudi kada odu na bolovanje imaju smanjenu platu umjesto da imaju maksimalno dodatne benefite zbog opasnosti posla kojim se bave. Naravno ne rade taj posao zbog novca nego zbog struke u kojoj su i koji su prihvatili da rade. Kada je riječ o inače izvještajima dotakao sam se prošli put načina na koji smo dobili izvještaje, načina na koji je odbijena naša da kažem molba, ne smijem ni reći zahtjev za hitnu sjednicu, tako da imamo ovu danas redovnu sjednicu. Razlog je bio da ponovim, i nama i javnosti da dobijemo materijale na vrijeme. Materijale nismo dobili na vrijeme, najveći dio materijala nismo dobili na vrijeme. A i ovi materijali nisu izvještaj. U izvještajima postoji nešto što treba da ide taksativno, što se može pročitati, na šta se može reagovati, što su konkretne stvari koje su urađene, konkretne stvari koje će se uraditi. Mi smo dobili gomile papira i materijala u kojima možemo vidjeti kako se oblači oprema, nas stvarno zastupnike u Skupštini ne zanima detaljno princip način u samom izvještaju kako se oblači zaštitna oprema a imali smo prilike da vidimo te stvari u izvještajima. Ti izvještaji dođu na 250 – 300 strana, od kojih je iskoristivo nekih maksimalno 50-tak. Suština priče je u tome da nema ministra i neko ko misli da može raditi zdravstveni sistem bez ministra, mislim da se žestoko vara. Da mogu onako raditi zdravstvene ustanove kako one hoće. Ne mogu raditi zdravstvene ustanove bez odluka ministra, bez nabavke lijekova, bez komunikacije između zdravstvenih ustanova, koju očigledno kako vidimo nema, što zbog nekih dodatnih razloga, što ličnih, što političkih. Tako da ljudi koji su uključeni u politička dešavanja ovdje, moraju shvatiti da grad, u ovom slučaju Kanton Sarajevo nije samo zgrada, nije samo objekat, grad su funkcije koje čine ljudi. Te funkcije su usluge zdravstva, usluge obrazovanja, usluge kulture, to je čist zrak, to je transport, komunalna privreda. Grad nisu samo, evo mi ćemo napraviti grad u kojem ćemo zidati neke objekte. Taj objekat bez ljudi koji žive u tom gradu, nije grad. To je suština koncepta koji očigledno Vlada ovdje i evo hvala bogu mi se protiv toga borimo. Kao što sam rekao ne može ova priča da se vodi bez ministra i to pokazuje na kojem je nivou evolutivnom stranka DF; ja ću namjerno politički mogu slobodno pod navodnicima reći udarati na tu stranku, zato što su se začuvali da vode zdravstvo u ovom Kantonu. Ministar zdravstva je njihov, UO ZZO je njihov. Dakle krucijalne funkcije koje imamo i naravno ja ću na kraju evo pomenuti Apoteke. Postavio sam pitanje Apotekama i nisam dobio odgovor nikakav vezano za Apoteke Sarajevo. Dakle taj farmaceutski segment je nešto što je zbog ličnih interesa, zbog jedne sile, pred uništenjem. Govorim o sistemu Apoteka Sarajevo. Odnosno JU Apoteke

Sarajevo. Mi smo znali da će se to desiti, znali smo kada smo imenovali direktora Apoteka, jednog od najomiljenijih kadrova DF da će se to desiti sa Apotekama. I to se upravo dešava s Apotekama o tome ću na kraju ove priče. Neke kolege su već spomenule bitne stvari. Ja neću ponavljati. Kolega Marjanović je rekao dosta o IT sektoru i o problemima koje imaju i ljekari porodične medicine, farmaceuti, ljekari generalno sa IT sistemom koji se mora unaprijediti. Kolegica Jasna Duraković je spominjala marketinške kampanje i prilagođavanje marketinških kampanja ciljnoj populaciji. Mi smo još uvijek nekako na nivou pisanih brošura koje niko ne čita. Ono što ohrabruje da prof Aida Pilav ima sluha za ovo, i da će se neke stvari nadam se pokrenuti. Novca za ovo ima za ove marketinške kampanje. Iako nema mora se naći. Kada govorim o prilagođavanju kampanje ljudima kojima se obraćamo to je krucijalna stvar u marketingu, pomenule su već kolege ovu situaciju koju imamo sa djecom. Ne možemo se djeci obraćati pisanim brošurama. Djeca ne čitaju brošure, djeca su na Instagramu, djeca su na ovom Tik-Toku i njima moramo napraviti neke viralne video klipove nešto što će ih naučiti kako da se ponašaju. Vi kada vidite našu djecu kada vide drugove svoje s kojima nisu bili šest, sedam mjeseci u školi, oni šta rade, grle se ljube, ne možete ih zaustaviti. Ta emocija kod djece se ne može tek tako brošurama zaustaviti. Treba se naučiti dijete kako da se ponaša i to na način koji je primjeren tom djetetu. Tako da očekujem te kampanje da imaju smisao odnosa prema toj ciljnoj populaciji. Kada je riječ o ovoj pa možemo slobodno reći nazvati ratu između Opće bolnice i KC, mi smo imali u skupštini, ja sam to pomenuo, jedna ekipa ljudi kudi i pita nešto direktora Opće bolnice, druga ekipa kudi i pita nešto direktoricu KC. Ne možemo na taj način funkcionisati. Direktorica KC je dosta puta govorila o tome kako je KC savršeno organizovan, kako ništa drugo ne valja. KC nije država za sebe. KC je dio ovog sistema iako se pokušava nametnuti priča kako je KC ustanova koja se bavi samo stanovnicima Sarajeva veći ostalih Kantona. Znamo mi koliki je procenat ii usluga koje se pružaju stanovnicima Kantona Sarajevo a posebno finansiranja koje dolazi iz Kanton Sarajevo. Tako da je KX ustanova bez obzira na osnivačka prava itd. Ustanova koja se nalazi u Sarajevu, koju rade ljudi u pravilu i u Sarajeva, koja uglavnom liječi pacijente iz Sarajeva. Naravno bez ikakve diskriminacije pacijenata sa područja USK, SBK; ZDK; i BPK. Ono o čemu govorim je da ne može jedna ustanova biti zdrava i fantastična a se ostale da ne valjaju, a da sistem bude dobar. Ne može se desiti to. Ako ne je nešto truhlo cijeli sistem. Dakle ako je jedan organ ne valja, ne valja kompletan sistem. I ne možemo se zatvoriti živjeti sami s tim organom nego moramo raditi na ozdravljenju kompletnog sistema ali uz razgovor očigledno. Kanton Sarajevo nema moći da djeluje na KC u institucionalnom da kažem na legalistički način. Ja evo apelujem da kolege do neke zajedničke riječi. Sada se prelamaju koplja oko izolatorija. Ne prelamaju se koplja samo oko toga šta je taj izolatorij, ima li neke karakteristike koje mora imati: jel laminat na podu ili je medicinski pod itd. Ono što sam zaključio iz razgovora sa ljudima koji rade u KC da se tu planiraju prebaciti ljudi koji nisu životno ugroženi, koji se mogu pratiti. Međutim ono do čega dolazimo i opet dolazimo do istog problema, to su ljudski resursi. Ko će biti odgovaran za to. Očigledno neće niko da preuzme jer nema dovoljno ljudskih resursa koji su educirani na pravi način da preuzmu taj izolatorij. Opet jedan od zaključaka četvorke koji ćete dobiti naravno na izjašnjavanje, će se odnositi na ovo, opet nemamo ministra koji će prelomiti tu priču. Ministar Kapidžić je ministar koji vodi da tako kažem Ministarstvo zdravstva. Čovjek je arhitekta i bez obzira na svu želju i namjeru ne može obavljati taj posao. Dakle ministar treba da odluči gdje će biti izolatorij, kakav će biti izolatorij. I ko će upravljati tim izolatorijom. Da naredi to. Opet se vraćam na sami početak ove diskusije. Nešto što sam opet, ponovit ću, pitao prošli put, kada se planira normalizacija zdravstvenog sistema, ove neke i hladne programe. Mi možemo sa COVID živjeti još dvije godine. Ne znamo šta se dešavati, kakvo će kretanje biti infekcije i ove epidemije. Tako da ljudi će obolijevati i obolijevaju od drugih bolesti, moramo na neki način, očigledno to nije još uvijek dobro riješeno. Na neki način normalizirati zdravstveni sistem, pa ako treba uključivanjem privatnog sektora. Pa ako treba u smislu liječenja COVID

pacijenata zato što kolega Marjanović je već pomenuo i privatni sektor u segmentu testiranja. Očigledno privatnici rade sa COVID pacijentima i na dijagnostici i na primarnom nivou i na nivou recimo radiološke dijagnoze. Ono o čemu moramo razgovarati, sada je već kraj augusta, dolazimo period jeseni, moramo znati kakav će biti plan vakcinacije protiv sezonske gripe H1N1 upravo zbog imuniteta koji se uništi ovim oboljenjima. Posebno kod starije populacije. Ja kao zdravstveni radnik sam prebolovao H1N1 gripu u februaru mjesecu i zbog toga me bilo strah bilo šta će se dešavati sa ovom epidemijom zato što imunološki sistem kod čovjeka nakon tako prebolovane teške gripe, teško može da istrpi ovako komplikovanu infekciju kakva je infekcija virusom SARS COVID. I ono što evo da podržim kolegicu Jasnu Duraković sa pričom koju sam ja kao inicijativu pokrenuo još u junu mjesecu na sjednici, da ljetne bašte treba da se prošire da se kontakt između ljudi minimizira, da se mogu i građani čak pogledati kakve sam odgovorne od općina dobio, jer su općine nadležne za to. Znam da je onog trenutka kada su otvorene ljetne bašte, posebno općina Centar, odmah isti dan je poslala inspekcije da se vidi jel neko zauzeo metar bašte. Ovo je vanredna situacija i ljudi treba da žive zbog svog mentalnog stanja što je moguće više i da rade i da kreću i da kažem i druže se ali na način koji će ići u smislu zaštite njihovog zdravstvenog stanja. I konačno Apoteke nisam dobio odgovor. U apotekama se dešavaju

Predsjedavajući.

Vrijeme kolega. 15 minuta je davno prošlo.

Poslanik/zastupnik Vedran Jakupović:

Samo evo ću završavam još jednu rečenicu. Gospodin direktor Apoteka mobinguje farmaceute, gospodin direktor Apoteka na neodređeno zapošljava nemedicinski kadar, gospodin direktor Apoteka bez obzira Vlade, bez obzira na mišljenje UO, teroriše na jedan poseban način farmaceute, magistre farmacije, konstantnim ugovorima na određeno vrijeme. Nešto što mu je trebalo prije pandemije sada mu ne treba. Iako su ljudi i umorni i dosta njih je i zaraženo i samim tim ugrožava sistem. I ja ću zamoliti i Skupštinu i Vladu da se pozabavi ovim što taj gospodin radi. Dobit ćemo zaključke. Zahvaljujem. I ono što je zdravstveni savjet četvorke uradio nadam se da će sve kolege podržati kroz zaključke. Hvala vam.

Predsjedavajući:

Zahvaljujem uvaženi zastupniče Jakupović. Dvije minute smo vam dali više nego što je Poslovníkom. Ali evo razumijemo, današnja je situacija ponovo ću kazati takva kakva jeste da razgovaramo o zaista bitnim stvarima, pa evo to ćemo i tolerisati danas. Kolegica Dizdarević Neira izvolite, imate riječ kolegice ako ste vi spremni.

Poslanik/zastupnik Neira Dizdarević:

Spremna sam. Hvala predsjedavajući. Prije svega pozdrav za sve prisutne kao i građane koji prate naš današnji rad. Ja ću na samom početku izraziti nezadovoljstvo što danas nemamo nastavka hitne sjednice za imenovanje ministara. Podsjetit ću to je sjednica čiju hitnost je utvrdila vladajuća koalicija, za razliku od ove sjednice koja za vas nije bila dovoljno hitna pa je nismo održali prije nekih 20 dana već evo danas nastavljamo. Dakle ovaj cijeli proces, počevši od odbijanja zahtjeva opozicije za održavanje hitne sjednice, ovaj luksuz koji smo sami sebi priuštili u Skupštini Kantona Sarajevo u jeku pandemije. Ova šutnja od 15 dana do prekida sjednice za imenovanje ministara zdravstva i rada. Trenutno dva najvažnija resora pa potom odsustva predstavnika Ministarstva zdravstva na sjednici na kojoj se isključivo bavimo stanjem u zdravstvu oslikava jedan potpuno indolentan odnos vlasti prema stanju u kojem se nalazimo. Od početka pandemije u svijetu su se desile samo dvije ostavke ministara zdravstva. Novi Zeland i Kanton Sarajevo. Novi Zeland za kojeg znamo da se smatra možda i najsvjetlijim primjerom borbe protiv pandemije je zabilježio 22 smrtna slučaja a Kanton

Sarajevo sada već preko 60. ostavka ministra Klarka argumentovana je zakašnjelom i neadekvatnom reakcijom na pandemiju a Mesihovićeve njegovom narušenim zdravljem. Istog dana kada je Klark dao ostavku, Vlada Novog Zelanda je imenovala privremenog ministra zdravstva a mjesec dana nakon Mesihovićeve ostavke odnosno dva mjeseca kako je uopšte odsutan sa posla. Ministarstvo zdravstva Kantona Sarajevo je i dalje obezglavljeno a Vlada Kantona Sarajevo zbog navedenog apsolutna iznimka u svijetu. U situaciji u kakvoj se nalazi Kanton svaki dan bez ministra zdravstva ali i ministra rada i socijalne politike je poguban za mnoštvo najugroženijih stanovnika Kantona. Gotovo pola godine od početka krize, pojam put pacijenta ne gubi na apstrakciji. Čini nam se da je mliječni put manje misteriozan od puta pacijenta. Preporuka kriznog štaba je da se građani koji imaju simptome COVID telefonskim pozivom obrate svom porodičnom ljekaru. Iskustva većine pacijenata su takva da je pozivanje ljekara porodične medicine nemoguća misija. Ukoliko imate dovoljno sreće sljedeći korak je testiranje. Kanton Sarajevo kao žarište pandemije je većine krize imao samo jednu COVID ambulantu. Stanovnici cijelog Kantona su bili prinuđeni testirati se isključivo u DZ Saraj polju. Tu su zabilježene ogromne gužve zbog čega se veliki broj ljudi odlučio testirati u privatnim klinikama, plaćaju testove, jer ipak zdravlje nema cijenu. Tek krajem prošlog mjeseca testirati je moguće na još tri lokaliteta. Utvrđeno je da od momenta prvih simptoma do hospitalizacije životno ugroženih pacijenata može proći 4 do pet dana što u slučaju obostranog zapaljenja pluća pacijenta, vrlo često za pacijenta znači opravdanu smrt. Građani su opravdano izgubili povjerenje u zdravstveni sistem Kanton Sarajevo pa se sve više njih odlučuje liječiti kući, vrlo često zbog neznanja i očaja slušaju medicinske savjete laika. Loš pristup ovoj krizi može dovesti do dugoročno pogubih posljedica za zdravlje naših ljudi koji će se sve češće odlučivati za neprovjerenu alternativu uslijed nedoraslog javno zdravstvenog sistema u Kantonu Sarajevo. Pitanja koja smo upućivali na prvom dijelu ove sjednice, pokazuju koliko je i danas šest mjeseci od prvog slučaja korone u našem Kantonu nejasnoća. Na koji način se pacijent prati u samoizolaciji? Da li se zbog odsustva ministra zdravstva kasnilo sa izdavanjem rješenja o samoizolaciji i do isteka iste? Evo iz iskustva profesora Marjanovića potvrđujemo isto. Dakle, pacijenti koji još uvijek ne dobiju rješenje o samoizolaciji su praktično hodajuće bombe, potencijalne ubojice jer tako idu i u makete, idu u apoteke a nemaju rješenje o samoizolaciju, koji je osnova za kontrolu iste. Postoji i jedinstvena doktrina u liječenju pozitivnih pacijenata? Da li imamo dovoljno količine Sumameda? Nova školska godina je pred nama, pred nama je sezona sezonske gripe. Imamo li stepenovani plan pripravnosti u slučaju velikog broja zaraženih? Unapređenje primarne zdravstvene zaštite ali i otvaranje zdravstvenih ustanova za sve pacijente, jer korona nije jedini zdravstveni problem. Mora biti prioritet. Ova pandemija je ustvari samo razotkrila sve slabosti zdravstvenog sistema koji je uslijed višegodišnjeg nemara u zapuštenosti doslovno na koljenima. I sve leži na plećima entuzijastičnih pojedinaca koji se nadljudskim naporima bore da pruže makar minimum usluge građanima Kantona Sarajevo. Da ne bi sve ostalo na analizi i kritici, kako s kolege već najavile, opozicija, odnos četiri kluba: Naša stranka, SDP, NiP, NBL, kao i Klub samostalnih zastupnika, predložit će niz zaključaka na kojima su radili eksperti. Dakle struka, zdravstveni savjeti sa ciljem naravno poboljšanja situacije i stvaranja preduslova za period koji nam neminovno dolazi. Ja ću poslati sekretarki ove zaključke i zamolit ću uvaženi predsjedavajući da iste na kraju pročitate kako bi se zastupnici izjasnili. Toliko. Hvala.

Predsjedavajući:

Zahvaljujem uvažena zastupnice Dizdarević. Sljedeći nam je uvaženi zastupnik Zvonko Marić. Imate riječ kolega Marić ako ste spremni.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi i poštovani gledatelji koji

prate na bilo koji način ovaj prijenos. Pa nema se puno šta reći nakon ovih izlaganja kolega, ali ipak osvrnut ću se na nekoliko stvari za koje smatram da su vrlo bitne da e barem ima u vidu neke činjenice koje su neophodne u borbi protiv korona virusa. Dakle odsustvo slažem se i s kolegom Konakovićem te strategije evidentno je. Nemamo jasnu viziju šta želimo i koji nam je plan za budućnost i nešto dugoročnije da napravimo već su prisutna ta svojevrsna lutanja o kojima su govorile kolege zaista je to nepodnošljivo stanje nakon ovoliko dugo vremena. I ono što posebno želim reći je to da su iz ranijeg sustava ljudi znali i imali su strateške odluke pa su napravili recimo u okviru KC i to svi oni koji rade, a ja sam sticajem okolnosti radio puno tema vezanih za to, i oko doktora Voloneka i za klinike iz Beča, pa sam radio istovremeno kada je Francuska ambasada imala svojevrsnu viziju ljudi koji rade u Francuskom prijateljstvu taj dio sjevernog Pariza koji su željeli instalirati jedinicu intenzivne terapije (nerazumljivo) tzv. i radili su jako puno na tom planu i sasvim sigurno bilo je veliko razočarenje i francuskog veleposlanika i svih drugih koji su sudjelovali u tom lancu zbog toga što nije urađen taj posao do kraja odnosno taj projekat je zapravo ugašen, uništen na neki način. A sjećam se da je Dion Teri, ne Pjeri Anri, čovjek koji je entuzijasta i posvetio se tome bio je pun razočarenja kada je morao da ode sa KC neobavljenog posla. Nije finaliziran taj projekat. A moram reći da svako ko se razumije u zdravstvo zna da ta jedinica intenzivne terapije ili JIT kao i Infektivna klinika i izolatorij koji je također u KC su zapravo trebali biti kičma ili mač borbe protiv korona virusa. To se nije desilo. Da ne govorim više o tim stvarima. Mogao bih puno toga da kažem, ali da se vratimo sadašnjoj stvarnosti. Ja znam isto tako da svojevremeno bio sam, sjećam se jako dobro kada se desila Variola Vera ili male boginje u Jugoslaviji 71 godine. Znam kada je čovjek hodočasnik koji je bio iz Prizrena zaražen bio malim boginjama. Znam kakve su mjere tada uvedene, znam i da su tenkovi bili kod (nerazumljivo) JNA bivše. I znam koliko se poštovala ta disciplina. Međutim ovdje kod nas je izostalo puno toga. Prije svega nije se radilo na informiranju stanovništva. I evo već neke kolege su pomenule da nije bilo nikakvih letaka edukacionih da svako može ponijeti kući i neke napomene, najvažnije naznake, preporuke, da se educiraju djeca prije škole. Evo svi su manje više pominjali tu činjenicu. Dakle nema te neke jasne strategije. Moram kazati da je zaista teško vrijeme kada je ova Vlada došla jer eto desilo se da je korona virus počeo da hara, ali ono što moram posebno istaći je ta činjenica da kasnije nismo imali svi jednak odnosno prema borbi protiv te pošasti i moram reći da desilo se to da u jednom trenutku evo šefica kriznog štaba ode na godišnji odmor a premijer završi u bolničkom krevetu na KC: dakle nije bio isti odnos. Zašto nije premijer otišao na godišnji odmor. Zašto je šefica kriznog štaba otišla na odmor. Pa to je nezabilježan slučaj sasvim sigurno u ovoj novijoj povijesti, da tako kažem borbe protiv korona virusa. To je nedopustiv čin. Dakle zašto ni ja nisam, zašto još mnoge kolege nisu otišle na godišnji odmor, imali su drugačiji pristup, drugačiji odnos. I zaista ja ne bih želio da se ljuti gospođa Pilav, ali sasvim sigurno iznosim notorne činjenice i već sam o tome govorio kakav je bio odnos nje i čuo sam i vidio sam i toga dana bio prisutan, sve vrijeme bio sa gospodinom Nenadićem, koji je zaista nekako žrtvovao zdravlje i moram kazati nikada neću zaboraviti njegovo nije važnije moje zdravlje od zdravlja građana. Dakle time je se rekao i suvišno je bilo šta govoriti. A onda je došlo do urušavanja sistema i tih poluga u Ministarstvu zdravstva, pa znate, ja prema m om ukusu, možda sam prestrog ali zaista neću promijeniti svoje uvjerenje da je trebalo sankcionirati sve te ljude koji su nisu pouzdani, nisu pokazali da su odgovorni u ključnim momentima, a prevashodno mislim ina sve zaposlenike Ministarstva zdravstva, jer u jednom trenutku, svi se tobože razbole i otvore bolovanje 6 ljudi. 6 ljudi iz Ministarstva zdravstva. Ali po čijoj komandi su oni zapravo otišli na bolovanje? Ako nemamo sankcija, nemamo odgovornosti, onda ti ljudi će kao i do sada ostati nekažnjeni. Neće biti sankcionirati, to je sramotno pogotovo jer je riječ o uglavnom zdravstvenim radnicima da se odnose prema ljudima tako. Evo čuli smo kakvi su što se tiče onog lutanja da se samo vratim na kratko i na žalost što bi rekao kolega Marjanoviću i u mojoj obitelji, mojoj porodici korona virus je našla pukotinu, u užem dijelu moje porodice i

znam kako je to. Ne bih volio da govorim o tim nekim iskustvima. Zašto ne bih? Ne bih iz prostog razloga što su bili neki pojedinci i upravo zbog tih pojedinaca neću da govorim o onoj tamnijoj strani puta pacijenta itd. Ono što bih posebno istakao i čuo sam od kolege Čelika, pa i kolege Konakovića a dijelom je od kolege Marjanovića eto imao sam i to iskustvo unutar uže obitelji zaista je to poučna stvar. Oni su to govorili u medijima, ja sam sa pažnjom i to čitao a i bio sam u komunikaciji u jednom vremenu sa njima. I zaista to iskustvo ljudima treba da bude opomena da moramo biti daleko, daleko discipliniraniji i odnositi se odgovorno prema ovom stanju u kojem se trenutno nalazimo- što se tiče ovog dijela kako treba strateški uraditi i napravili, čuli smo i priču da ne ponavljamo, o izolatoriju na Građevinskom fakultetu,pa studentskom centru. Zašto garnizona ambulanta, zašto nismo strateški koncentrirali se. Znae šta opterećeno je ovo zdravstvo zaista politikom, to moram reći, definitivno i ona je prepoznatljiva svakome ko živi u ovom Kantonu a i šire sasvim sigurno i nikako se ne mogu pomiriti sa filozofijom koja se manifestira i sada u ovim teškim vremenima. Ako ja ne vodim priču ili procese neka sve propadne. To je zaista pogubno. Ta vrsta i nikada ne možemo dobiti bitku protiv korone i protiv benignijih oboljenja sasvim sigurno. Ako budemo u tom stilu nastupali. Ja ne znam nisam baš upoznat, možda nisam ni u pravu,da sada trenutno zdravstvo vodi gospodin Kapidžić meni ta činjenica nije poznata. Gospodin Kapidžić je imao ovlasti da potpisuje ulaznu i izlaznu poštu i bio je jednom u Općoj bolnici u posjeti. I znam da su to mediji objavili. A mislio sam da predložim upravo s obzirom da se nismo mogli do sada odgovoriti da Vlada imenuje, kako je rekao gospodin Konaković iz reda ministara za vršitelja dužnosti kako bi mogli neki proces da se otkoče. Ali ako već obavlja, to nisam ni znao nisam mogao vidjeti ni u medijima da gospodin Kapidžić obnaša tu dužnost. To je sasvim OK. Ali ja za to nešto nisam znao. Što se tiče borbe protiv korona virusa. Mi znamo, ne znam zbog čega recimo dječji hirurg je raspoređen na neke poslove , uz davanje priznanja za sve ono osoblje koje radi u Podhrastovima koji pružaj maksimalnu pomoć i zaista su požrtvovani. I to me podsjeća uglavnom na ono vrijeme rata kada smo na praznim planinama imali razne bolnice, itd. I zaista ljudi su požrtvovani ljudi i zato i jesu heroji u bijelom.međutim u ovom vremenu nisu baš bili na visini zadatka. Dakle i ono što bih zaista molio, apelirao u ovom trenutku s obzorom da svi govorimo o toj budućem mogućem povratku ili nekom drugom virusu, i sezonskim gripama da se zaista opredijelimo da nekako jedinstveno nastupimo i pronađemo taj put. Možda neko strateško rješenje. A evo pominjao sam ovaj izolatorij koji bi mogao biti referentni centar, kao što sam i prošli put govorio, u regionu i sasvim sigurno da bi dao odgovor na brojna pitanja kojima se mi bavimo ovih dana. Što se tiče škola još samo zaista ovo da kažem. Zaista su oprečna mišljenja, ja u susjedstvu imam ljude i osobe koji me pitaju i žele da im djeca idu u školu, imate one koji se suprotstavljaju tome. Opet ću ponoviti jednu stvar. Kada je riječ o korona virusu 15 dana je velika budućnost. I čak mislim ove 14 model koji je Ministarstvo zdravlja, ne samo naravno, neko reče da je gospodin Krivić odbio da prolongira početak nove školske godine ja mislim da je konačna potvrda zapravo odgovor kroz inicijativu koja nije usvojena. Skupština je rekla da se ne treba prolongirati to a ne osobno gospodin Krivić. Dakle puno je nedorečenosti kada je riječ o tom sistemu ali očigledno da je to 14 dnevni a može biti i kraći ako ne daj bože prenese nekako krivim smjerom. I taj kombinirani model primjenjuju ga ili odlučili su da ga primjenjuju i neki drugi, ali vjerovatno će danas koliko sam informiran i Vlada FBiH otprilike upravo potvrditi da je to dobar model za početak, a sasvim sigurno da će se situacija prilagođavati odnosno mjere i kada je riječ o tom modelu vremenom, kada se vidi kako i na koji način će se snaći profesori, a sasvim sigurno da su imali vremena da razmišljaju i o različitim modelima u školama. Pa sam rekao da je manjkavost svojevrсна upravo kontrola poštivanja epidemioloških mjera i nošenju sredstava zaštite kod učenika i na neki način s obzirom da moramo naučiti da živimo s koronom i da se djeca educiraju na neki način kako i na koji način da komuniciraju i da se kreću u tim sredinama gdje je nužno da pohađaju školu itd. Dakle i tu je taj edukativni karakter potreban jer sasvim sigurno da se očekuje puno od

toga. Dakle da rezimiram ovo što sam do sada govorio, nismo dobili odgovore od šefice kriznog štaba, ja u neku ruku i razumijem i nije mogla dati odgovore, ali sasvim sigurno da smo je pitali ono što bi je građani pitali, mnogo od nas su ostali bez i jednog jedinog odgovora, a postavili smo sijaset tih pitanja i na žalost nismo našli odgovore. Međutim, treba imati na umu svi ti od kojih tražimo odgovore, da znaju da oni nisu tu zbog sebe nego zbog građana, a mi koji postavljamo pitanja, sasvim sigurno da znamo u dobrom dijelu odgovore na sva ta pitanja, ali je naš posao da tražimo od njih da građanima kažu sa pozicija za koje su dobro plaćeni. Da kažu koji su to, a ne da mi i građanima govorimo. A oni se stalno pozivaju da su profesionalci da su te struke. Ja koliko znam šefica kriznog štaba nije te struke i razumijem je, i sasvim sigurno u koordinaciji sa ostalim članovima kriznog štaba može doći da joj pomognu da javnosti pruži adekvatne informacije i odgovore na pitanja koja mi postavljamo. Hvala vam.

Predsjedavajući:

Zahvaljujem uvaženi zastupniče Mariću. Samo ako možete isključite mikrofon. Hvala vam. Kolegica Segmedina Srna Bajramović nam je sljedeća zastupnica. Kolegice Segmedina jeste li vi spremni?

Poslanik/zastupnik Segmedina Srna Bajramović:

Da, jesam. Zahvaljujem predsjedavajući. Pozdravljam sve prisutne. Pa evo, ono što ja na samom početku želim jeste iskreno poželjeti dobro zdravlje i brz oporavak i premijeru i članovima Vlade koji su dali ostavke iz zdravstvenih razloga koji su dali ostavke u želji da se institucionalno i funkcionalno na nivou koalicije što prije kadrovski kompletirate kako bi građani imali puni kapacitet sistema na raspolaganju u vremenu koje je pred nama. Bio je dovoljan virus, jedan virus da na žalost do kraja ogoli i u autentičnoj formi prikaže sve slabosti našeg sistema. Za zdravstveni sistem smo i prije pandemije znali da je fragmentima, osiromašen, sa manjkom zdravstvenog kadra, neorganizovan sa često politiziranim upravljačkim i rukovodnim tijela. Neregularnim odnosom prema privatnim zdravstvenim ustanovama. Zastarjelom i nedovoljnom opremom, nedostatkom lijekova itd, da ne nabrajam. Međutim stanje u toku pandemije dramatično ukazuje i na destrukciju zdravstvenog sistema u njegovim humanističkim temeljima. Uzimajući u obzir samu ozbiljnost situacije u kojoj se nalazimo, pokušat ću biti vrlo konkretna i korektna, bez bilo kakve politizacije, iako je ambijent takav da bi vi prethodnoj Vladi u današnjoj situaciji oči vadili. Ne želim dakle nikakva politička prepucavanja jer je narodu ionako muka od kolapsa sistema, nego ozbiljnu i odgovornu raspravu, u kojoj danas niko neće biti vojnik stranke iz koje dolazi sa zaduženjem da brani svog direktora ili direktoricu, nego voditi računa o opštem zajedničkom interesu kako do što kvalitetnije usluge pacijentima. Veće zaštite zdravstvenog osoblja i efikasnih mjera prevencije koje koliko toliko štite ekonomski potencijal Kantona. Ovo što smo do danas imali u smislu politike i njene logistike i na žalost (nerazumljivo) zdravstveni profesionalni u COVID bolnicama rekla bih po vlastitom snalaženju Hipokrata bez maske, spašavaju što se spasiti može. Većina ostalih zdravstvenih djelatnika u sistemu voljna raditi ali sistemski pogubljeni, i situacijom očajna, dok su pacijenti u šizofrenoj situaciji. U šizofrenoj situaciji neodgovornih politika i pojedinaca kroz posljedice COVID-a u strpljenju potvrdili sav sabur koji živi u nama stoljećima. Organizacija rada i zdravstvena situacija nam je dokazala da nam sistem škripi, hramlje, te da ne postoji vertikalna i horizontalna odgovornost kako onih koji su na nekim položajima u zdravstvenim ustanovama, tako i onih koji donose zdravstvenu politiku i sprovode tu politiku u resorna ministarstva. Ne slušamo jedni druge, što je u politici manji problem, od činjenice da se ne slušamo u segmentu struke. Cijenjeni ekspert sa višegodišnjim iskustvom i izvan sistema, pokušavaju da se uključe, predlažu, ali se ignorišu i omalovažavaju iako je jasno, sasvim jasno da nas je u pameti ionako malo, da ne kažem premalo. Počela je dakle trka u sujetama, i međusobnom egoizmu koja nije dobra ni za koga,

a posebno ne za Kanton Sarajevo u cjelini. Pripremljena informacija sama po sebi dokazuje tu haotičnu rascjepkanost sistema u filozofiji pojedinačne institucionalne odgovornosti i u nedostatku cjelovitog sistemskom pristupu u smislu odnosa spram pacijenta. Moram reći da izveštaj sadrži dominantno političko finansijski aspekt korona krize u kojoj su i zdravstveni profesionalci na žalost usvojili politički rječnik zaključaka, naredbi, statistike i strogog formalizma, bez da se suštinski analizira i utvrđuje objektivni rezultat uspješnosti svega predloženog u odnosu spram statusa pacijenta i ciljanog epidemiološkog konteksta. Na žalost uz potpunu i objektivnu sliku iz izvještaja vam je kao i iz kompletnog sistema, ispao pacijent i njegovo iskustvo koje na žalost ruši sve navode u ovom izvještaju. Ta činjenica sama po sebi dokazuje koliko smo funkcionalno atrofirali, da ono što danas imamo u digitalnom eteru o iskustvima pacijenata, odjekuje toliko da anarhija u velikom procentu kuca na naša vrata. Kada kontekst epidemije u teorijama zavjera o virusu i njegovim posljedicama nadopunite sistemskim haosom i iskustvima prestravljenih pacijenata onda ste krenuli na stranputicu liječenja preko Fejsbuka i potpunoj devastaciji povjerenja i opštoj eroziji javnog zdravstvenog sistema. Ljuti li se vi ili ne, mi smo na korak od provalije, a vrijeme koje nam dolazi u susret je ambijentalno i epidemiološki složenije nego danas, kada nam situacija bojim se izmiče kontroli, bez obzira koliko mi to prema vani pokušavali uljepšati. Na žalost politika i dalje uopšte ne pokazuje konzistentnost i sistematičnost. Krizni štab se posljedično pokušava uspostaviti kao autoritet iako ga je politika srozala do dna. Zdravstveni sistem je većinski neodgovorno siledžijski ograđen ogradom i na žalost fokusiran na potpuno neprimjerene međusobne institucionalne rasprave sa svojim sestrinskim institucijama, i neprofesionalnim polemiziranjem saopštenjima sa pacijentima. Želim vjerovati kako smo svi zajedno svjesni trenutka te da imamo taj nivo odgovornosti da ova sjednica Skupštine danas završi sa smjernicama za potpuno resetovanje sistema a ne nekom novom psihološkom traumom za građane Kantona Sarajevo koji nas gledaju s nekom malom nadom dok mi ružemo nove političke brazde među nama, pumpajući predizborne mišiće za lokalne izbore. Jasno je svima nama da ovo više ovako ne ide i da bi se nešto mijenjalo moramo da mijenjamo sistem vrijednosti u društvu. On jednostavno mora da počiva na praktičnom a ne samo na verbalnom sistemu rada, odgovornosti ličnoj i društvenoj i da opšti interes stavimo prije onih partijskih ličnih ili grupnih. Onda ima neke nade da se nešto promijeni u nastavku pandemije. Sve poluge su u našim rukama kada je u pitanju funkcionalnost sistema, tako da je samo do nas. Ili znamo ili ne znamo. Ili smo sposobni ili nismo. Ovo su vremena u kojem od toga ne zavise glasovi nego ljudski životi, pa je stoga i odgovornost utoliko veća u namjerni da se uozbiljimo. Toliko zahvaljujem.

Predsjedavajući:

Zahvaljujem uvažena zastupnica Segmedina Srna Bajramović je govorila. Mekić Amel nam je sljedeći. Kolega Mekiću da li ste vi spremni?

Poslanik/zastupnik Amel Mekić:

Da, hvala vam predsjedavajući. Da li se čujemo?

Predsjedavajući:

Mi vas odlično čujemo, izvolite imate riječ.

Poslanik/zastupnik Amel Mekić:

Hvala. Pošto se prvi put javljam želim da pozdravim sugrađane ispred TV ekrana, kolege zastupnike, Vladu, službe. Pitanje za krizni štab premijera i sve odgovorne zbog čega se iz DZ tek nakon 24 sata šalju prikupljeni testovi u laboratoriju? Danas se skupe prenoće i tek sutra šalju. Znamo da 24 sata igraju veliku ulogu u suzbijanju

Predsjedavajući:

Kolega Mekiću nije vam kamera uključena, ako možete radi gledalaca ako nije problem samo.

Poslanik/zastupnik Amel Mekić:

Kada upalim kameru konekcija mi je slaba.

Predsjedavajući:

Izvinite, nastavite, nastavite kolega.

Poslanik/zastupnik Amel Mekić:

Hvala, hvala. Znamo da 24 sata igraju veliku ulogu u suzbijanju upale pluća ako je do nje došlo. Ovo govorim iz svog ličnog iskustva gdje sam nalaz dobio nakon 72 sata. Kada se upala pluća dosta raširila. U razgovoru sa pulmolozima rekli su da bi upala bila minimalna da sam počeo sa terapijom 48 sati ranije. Pa postavljam pitanje zar se ne može organizovati da se PSR testovi nose dva puta dnevno u laboratorij. Iz provjerenih izvora znam da laboratorija može raditi 24 sata i da imaju dovoljno ljudi na raspolaganju. Ovo je vanredna situacija, pandemija, dajte da se uozbiljimo i da sistem krene da radi kako treba u interesu građana. U vanrednoj situaciji treba se više i odgovornije raditi. Sugrađani nam umiru svakim danom sve više. Ovom prilikom želim da se zahvalim osoblju COVID ambulante u Vrazovoj kao i svim herojima u bijelom. Kada se ode u DZ, bolnice, tek se vidi kakav i koliki teret nose na svojim leđima. Hvala i toliko od mene za sada.

Predsjedavajući:

Kolega Mekiću jeste li završili, prekinuli ste se na trenutak.

Poslanik/zastupnik Amel Mekić:

To je bilo jedno pitanje zbog čega se ne organizuje da se testovi bar u dva navrata iz DZ ne nose u laboratorije da se testiraju.

Predsjedavajući:

Kolega Mekiću mi smo pitanja završili već otvorili smo raspravu.

Poslanik/zastupnik Amel Mekić:

Ovo je diskusija, nek neko odgovori zbog čega se ne bi mogli testovi dva puta nositi. Gledajte i sami ste oboljeli od COVID znate kada dođe do upale pluća kako je teško, e sada zamislite da ste 48 sati ranije znali da imate upalu pluća i da ste mogli da primijenite odgovarajuću terapiju. Iz svog iskustva kažem gdje sam zdravstveno dobar, imunitet strašan, ali sam zakasnio s primjenom terapije, upala pluća se raširila i mogu da kažem da se teško, zahtjevno i bolno opraviti. I zbog toga želim da se o ovom mom.

Predsjedavajući:

Kolega Mekiću ja bih vas lijepo molio imamo već prijavljenu u 11,28 evo kolegice Kerla Bibija je tražila poslovničku intervenciju. U skladu s Poslovnikom ja moram dati njoj riječ. A nakon kolegice Kerle ja ću ponovo vas uključiti i da nastavite sa svojom diskusijom.

Poslanik/zastupnik Amel Mekić:

Dosta od mene.

Predsjedavajući:

Kolegice Kerla, izvolite. Imate riječ. Poslovnička intervencija.

Poslanik/zastupnik Bibija Kerla:

Hvala lijepa, pozdravljam sve. Ja bih samo da kažem da su pitanja prošli puta kada smo krenuli sa nastavkom sjednice Skupštine i mislim da je ovo samo promocija, koja ne bi trebala sa se nastaviti dalje. Ukoliko ima nekih nejasnih stvari mislim da bi gospodin Mekić trebao da se javi svom doktoru da mu objasni šta ustvari to treba da radi, a ne da sada postavljamo pitanja kada je diskusija i kada treba da diskutujemo o vrlo važnim stvarima. To što gospodin Mekić ima koronu, ja mu želim što je najbrže moguće ozdravljenje, međutim pitanja može postaviti svom ličnom doktoru. Hvala lijepa.

Predsjedavajući:

Zahvaljujem uvažena zastupnice Kerla. Kolega Mekiću, evo imate riječ. Možete nastaviti s vašom diskusijom.

Poslanik/zastupnik Amel Mekić:

Ja sam završio, hvala vam predsjedavajući.

Predsjedavajući:

Zahvaljujem uvaženi zastupniče Mekiću. Kolega dopredsjedavajući Handžić Vibor ima riječ. Kolega da li ste vi spremni?

Dopredsjedavajući Vibor Handžić:

Ja sam u potpunosti spreman. Samo da provjerim da li se čujemo. E zahvaljujem predsjedavajući. Želim dobar dan svima i ugodan rad. Ja ću prije nego što krenem sa diskusijom, nisam se htio javljati, samo da na neka prethodna izlaganja dam kratku repliku. Vezano za ovo popunjavanje mjesta ministra zdravstva od strane nekog drugog člana Vlade, ja bih napomenuo da to ne predstavlja niti je ikakva dobra volja premijera da takvu stvar uradi. Već je to isključivo zakonska obaveza koja je uređena članom 9. stav 2) Zakona o Vladi Kantona Sarajevo gdje se kaže da u slučaju odsustava bilo kojeg ministra od 30 dana i duže obaveza je zakonska premijera da imenuje nekog drugog ministra do imenovanja novog da obavlja njegovu dužnost. Sada ću krenuti s diskusijom. Ja ću u svojoj diskusiji, kolege prije mene su dosta govorile o samim zdravstvenim pojedinostima, ja ću svoju diskusiju posvetiti snalaženju sistema u ovom vremenu pandemije u kojem se mi nalazimo. Dakle, snalaženje trenutno sistema u vremenu pandemije možda najbolje oslikava i sama priprema ove sjednice Skupštine Kantona Sarajevo. Svaka Vlada sistem, tim koji se svakodnevno bavi određenim problemom, a posebno ovom pandemijom kakva je snašla i naše društvo i u svakom trenutku dana i noći bila spremna da izađe pred zastupnike i građane i prezentuje ono što je do sada urađeno, kao jedan decidan plan budućeg rada evo i ovo što je kolega Marjanović ranije govorio i spominjao, plan za jesen koja dolazi. Međutim mi u trenutku enormnog porasta broja oboljelih u Kantonu Sarajevo umjesto hitne sjednice smo dobili sjednicu za 12 dana, a većinu materijala noć prije i na dan same sjednice. Dakle i od tih svih materijala ko je smo mi dobili, ja mogu slobodno reći sem nekih pukih podataka nismo dobili apsolutno ništa. Ja ne znam kakva je poenta ove sjednice ako nećemo dobiti odgovore na pitanja od kojih ogroman broj dolazi direktno od građana koji se sami sa sobom snalaze u ovom zdravstvenom sistemu. Dakle na pitanja zastupnika u najvećem mogućem omjeru nije ni odgovoreno, uključujući i moja pitanja. Put pacijenta koji najviše puta spominjemo ne zna, ni nakon današnje sjednice, ni Dejvid Koperfeld, ministra zdravstva i dalje nemamo, a kako smo jučer mogli čuti, nećemo ga ni imati. Tj neki u koalicionalnoj većini smatraju da on nije ni potreban, što znači da nam i dalje sljedi jedna apsolutna zdravstvena anarhija u budućnosti. Mjesec dana slušamo rasprave koje svakom razumnom čovjeku potpuno jasnih stvari, i hoćemo li COVID pacijente pustiti na milost i nemilost potpuno za te stvari neuslovnih prostora, za medicinsku njegu, baš

kao da ih šaljemo na neki dvokrevetni boravak na ekskurziji a ne na liječenje od najveće pošasti ovog vremena. Kada je ovaj novi sistem koji danas rukovodi Kantonom Sarajevo u vidu nove Vlade preuzimao vlast u martu mjesecu, ja sam znao da to neće biti dugog vijeka, i da tu nema nekog konkretnog koncepta i plana djelovanja. I moram reći da je ova pandemija do kraja ogolila i na svjetlo dana iznijela taj neprirodni koncept zbog kojeg smo po mom skromnom mišljenju kako je naš (loš snimak nerazumljivo) za pola godine izgubili šest mjeseci naših dragocjenih života. Činjenica je da ovoj Vladi nije bilo lako, ovo iskreno zaista govorim, jer je skoro kompletan svoj rad provela u izuzetno teškim okolnostima na koje niko nije mogao biti spreman. Ali ono što je jasno da su te okolnosti sasvim dovoljno pokazale da se ovakav koncept nije u stanju nositi ni sa mnogo jednostavnijim stvarima i izazovima. Pohvale od Svjetske zdravstvene organizacije koje su stizale u periodu lock down kada je stao kompletan život u Kantonu Sarajevo, državi pa i samim tim logično i širenje samog virusa, čini mi se dolaska do blizu potpunog fijaska i gubljenja konaca kada su se mjere liberalizovale. O kakvom sistemu se zapravo radi ovo zaista govorim na žalost najiskrenije i bez trunke ironije, najbolje govori činjenica da je premijeru Kantona Sarajevo gospodinu Nenadiću narušeno zdravstveno stanje, i koji bilo savjestan i odgovoran čovjek mogao gledati ono što se oko njega u sistemu dešava, prozivajući odgovorne da izađu ispod suncobrana, dok istovremeno medicinski radnici rade paralelno na dvije klinike i stignu otići kućama samo da se presvuku. Paralelno pokušavajući, govorim za premijera, i dalje da nas uvjeri da je sve pod kontrolom i da Vlada i štabovi funkcionišu normalo i dobro. Dakle, kada ne postoji sistem, ili barem niko nema percepciju da sistem postoji u praksi, imamo to što imamo u posljednjih nekoliko mjeseci, a umjesto sistema imamo potpunu anarhiju sada i potpunu anarhiju u najavi, kao i gubitak kontrole u funkcionisanju sistema. Ponavljam, što su mnogi danas zastupnici rekli, što sam i ja rekao na početku, put pacijenta je koncipiran tako da pacijent po vlastitom nahođenju lutaju po zdravstvenom sistem u Kantona Sarajevo, ministra zdravstva nemamo mjesecima zbog ta da kažem dječjih bolesti između koalicionih partnera koji se prepucavaju oko potpunu nebitnih stvari u najtežem mogućem trenutku. A činjenica je također da ova Vlada od početka radi sa malim kapacitetom ministra zdravstva i onda kada ga je formalno pravno imala, kojeg je obilježio osujećeni pokušaj nabavke automobila, prije nego što se ona zakletva da će se raditi savjesno i odgovorno i ohladila. Žargonski da kažem. Dosta stručnjaka je isključeno iz samog procesa savjetodavnog i direktnog procesa, samo zato što kritikuju rad pojedinih direktora zdravstvenih ustanova, koji misle da su svemogućí i formirano stručno, naučno, savjetodavno tijelo su potpuno gurnuti u zapećak. A prednosti i benefite neželjenog izolatorija nam pojašnjava ministar prostornog uređenja i to na točkovima. U takvoj zdravstvenoj anarhiji, zdravstvene ustanove su nam prepuštene vlastitoj snalažljivosti i voženju procesa, tako imamo u praksi da su neke ustanove dolaze do samih granica izdržljivosti a neke stvari u privid vlastitog rada. Komunikacija s građanima je prekinutima mjesecima to sam baš postavio u pitanjima, i to baš u onim mjesecima kada je situacija najalarmantnija i kada je šutnja sistema uz ogroman porast novo oboljelih potpuno logično stvara najveću paniku i zabrinutost u javnosti. Sistem nije u stanju da organizuje na adekvatnu provedbu već donesenih mjera i naredbi, a u pitanju sam spomenuo problem javnog prijevoza, kao jedan primjer ovog što govorim i potpuno mi je neshvatljivo da sistem nije u stanju da obezbijedi da se poštuju takve mjere koje je i donio, već apeluje na njihov poštivanje kao da je nevladina organizacija, a za posljedicu, recimo, konkretno u slučaju javnog prijevoza, imamo ogroman broj oboljelih vozača. I predsjedavajući, da ne uzimam previše vremena zaista, ono što je meni sasvim jasno u prethodnih pola godine, a posebno u prethodna dva mjeseca, a to je da ovom sistemu zbog odnosa kakvi unutar njega vladaju, pljuskavice predstavljale ogroman problem i izazov a kamo li pandemija koja nas je snašla. Zahvaljujem.

Predsjedavajući:

Zahvaljujem uvaženi dopredsjedavajući Handžić. Kolegica Bešlija Vildana je sljedeća zastupnica. Molim vas kolegice ako ste spremni, imate riječ.

Poslanik/zastupnik Vildana Bešlija:

Jesam hvala predsjedavajući. (snimak nije u redu) korona virusa donijela, sada već nekom iskustvo koje imao, koje je nekih cca šest mjeseci, trebali smo i ovu informaciju dobiti (nerazumljivo) šta je bilo sa prvim nekim trenucima suočavanja s pandemijom, sa onim što smo naučili kroz ovaj period (nerazumljivo) šta namjeravamo poduzeti. Međutim ova informacija je zaista štura i kao obiluje velikim brojem stranica, i moram priznati kada (nerazumljivo) materijal, odnosno dopunu kao i sve ostalo.

Predsjedavajući:

Kolegice Bešlija ja bih vas lijepo molio ako me čujete, hajte isključite sliku, bolje bi bilo da vas možda samo čujemo, jer vas čujemo u prekidu, kako mi tako i građani u Kantonu Sarajevo. Pa evo da probamo i na taj način.

Poslanik/zastupnik Vildana Bešlija:

Je li bolje? Jel me bolje čujete sada možda?

Predsjedavajući:

OK. sada nemamo prekida. Izvolite.

Poslanik/zastupnik Vildana Bešlija:

OK. Evo znači uzimajući u obzir sve nevolje koje nam je pandemija korona virusom donijela i koje se protežu na nekih šest mjeseci zaista rekla sam smatram da bi bilo dobro da smo dobili određeni presjek stanja sa onim početnim situacijama koje su nas snašle, sa onim što smo naučili u međuvremenu i što ustvari namjeravamo poduzeti, od kriznog štaba, CZ, posebno Ministarstva zdravstva. Međutim, ona trenutna situacija u kojoj smo sve svjesni i koja je zaista paradoksalna i ne znam da li uopšte u bilo kojem svijetu, bilo kom nivou vlasti je trenutno aktuelna da mi u suštini nemamo više od mjesec dana ministra zdravstva, što je izuzetno poražavajuća činjenica. Ono što sam očekivala u ovoj informaciji je da trebamo razdvojiti medicinski i društveni pogled, odnosno te segmente na koji način ćemo se boriti sa svim problemima koji nam dolaze. Kao što rekoh, sa ovom velikom dopunom materijala sa 190 stranica noć uoči prošle sjednice prošle sedmice sam se onako zabrinula da li ću uspjeti sve do iščitam. Hoću li nešto preskočiti itd međutim kada sam počela to da čitam u suštini ono što je vidljivo da smo imali negdje možda čak i više od 100 stranica ustvari nekih raznih procedura koje nam je dostavio direktor Zavoda za HMP, koje su isključivo vezano za struku, za njihov način obavljanja posla, koje su ja vjerujem jako dobro definisane ali to nije nešto o čemu mi trebamo ovdje raspravljati, o čemu treba biti javnost upoznata. Znači dragocjene i neophodne te informacije su u suštini izostavljene. Ja moram opet napomenuti, da li je razlog, ne znam da li je razlog zaista, što šefica kriznog štaba je bila na godišnjem odmoru, da li je problem što je i sama navela u svom izlaganju, u odgovorima na pitanjima prošle sedmice, da je zaboravila ispred svoje ustanove, zbog velikih obaveza, ispred kriznog štaba, napraviti na vrijeme izvještaj, pa se toga sjetila pa smo i to dobili tokom sjednice itd. Mislim evidentno je da zaista se moraju napraviti promjene, da nam treba novi krizni štab, da nam treba novo rukovodstvo koje će osvježiti ovo sve i ne smijemo sebi dozvoliti, bar ovaj ostatak godine, i period koji smo čuli da može biti jako poguban kada je u pitanju jesen i zimski mjeseci, moramo dočekati daleko, daleko spremniji. U informaciji koju smo dobili, ne raspolažemo informacijama o tačnom broju obavljenih usluga i ono što je informacijama o kojima ja raspolažem i što smo imali priliku čitati u javnosti u sredstvima javnog informisanja, kada je KC u pitanju, je o tom nekom broju usluga koji se svakodnevno pruža. Međutim informacije

koje ja imam da su takve procedure striktno napisane u KC, kada dođete u onaj centar za hemodijalizu, bilo šta drugo, koliko god puta dolazili vi sedmično, itd. Ako imate pratnju testira se i pratnja i bolesnik. tako da i taj dio treba razdvojiti da vidimo koja je zaista tačno efikasnost u pitanju i koliko mi u suštini pružamo tih zdravstvenih usluga. Ono što ovdje također ključno nedostaje a što smo trebali predvidjeti to su postupanja tokom i nakon oporavka pacijenta. Niko ne spominje mentalno zdravlje. Ja sam postavila na pitanjima prošle sedmice, pitanje iz toga jer mi je bilo prosto nevjerovatno da sam uključila evo na traženju, na kompjuteru kada sam čitala te silne stranice da se ni jedna jedina riječ nije pronašla u tom izvještaju mentalno kada ukucate. I čitali smo rađena su mnoga istraživanja u svijetu da mentalno zdravlje je u velikoj mjeri narušeno i to kod svih kategorija stanovništva. Znači od onih najmlađih do najstarijih. Ne smijemo zaboraviti da smo imali period lock down koji je strašno uticao i na djecu a i na one najstarije koji nisu mogli da se kreću. Imamo pacijente koji svakodnevno kažu, ja sam evo slušala ljude iz njihovog ličnog iskustva koji su se izborili sa korona virusom, koji kažu da se susreću sa velikom anksioznošću tokom oporavka. Znači nakon bolesti koja je prošla. Znači mi moramo imati program koji je usmjeren i na to. Evo imam jedan događaj gdje je dijete bilo vidno preplašeno kada je trebalo da mu se uzme uzorak za analizu i pitalo je da li će umrijeti, prestrašeno plakalo, desetogodišnje dijete jer mu je otac umro prije dva dana. Medicinsko osoblje ispred DZ koje ga je primilo, nije ga uputilo psihologu znate, nego je tako uplakano, otišlo i medicinari su bili isto tako u šoku ali nisu imali instrukciju na koji način da postupaju, a paralelno recimo, ako dijete grize nokte direktno se upućuje psihologu. Takve stvari nam se zaista ne smiju dešavati. Ne smijemo zaboraviti ni nasilje u porodici. To se spomene nekada u momentima ali to je nešto s čim mi živimo, ali moramo na žalost već sada razmišljati o tome jer se bojim da će tokom vremena posljedice da bi mogle biti puno veće. A ne treba posebno isticati naše heroje u bijelom koji svakodnevno rade svoj posao, odnosno mislim da to treba uvijek istaći ali mislim da nam je svima to važno i prosto mi je žao kada zbog nedostatka sistema i svega što se dešava oko njih pričamo na ovako mučan način a ljudi neki daju sebe od jutra do sutra žive to i vrlo su preopterećeni. Međutim instrukcije kada je u pitanju mentalno zdravlje moraju es promijeniti. Ja znam da svi DZ u Kantonu Sarajevo imaju centre za mentalno zdravlje. Međutim ovo nije redovna situacija i oni ne mogu nastaviti raditi onako kao što su radili u najboljim vremenima. Sada mi moramo imati jedan potpuno drugačiji plan koji će biti prilagođen ovoj situaciji. Federalno Ministarstvo koje je dalo tablete u saradnji sa nekim donatorima i besplatne brojeve telefona u saradnji čini mi se s BH Telecomom da mogu ljudi kontaktirati u slučaju potrebe. Međutim, mjesec dana su imali besplatan internet i sada je to isto zamrlo jer neko treba pokriti troškove i toga. Ja ne znam da li je direktor DZ tražio recimo novac za to. To je također jedna stvar koju moramo riješiti. U skladu sa svim ovim što sam rekla, ja ć u predložiti jedan zaključak koji bi u ustvari trebao da obaveže i Vladu i Ministarstvo zdravstva da se formira koordinaciono tijelo sastavljeno od stručnjaka iz oblasti mentalnog zdravlja koje bi ponudilo preporuke i neophodne mjere u očuvanju mentalnog zdravlja za Kanton Sarajevo i zamolit ću da se svi zastupnici izjasne o ovom zaključku, a isti ću poslati e-mailom. Hvala vam.

Predsjedavajući:

Zahvaljujem uvažena zastupnice Bešlija. Samo bih vas molio da pošaljete na mail sekretara Skupštine kako bi isti bio prosljeđen svim zastupnicima. Kolegice Bilsena Šahman da li se čujemo. Jeste li vi spremni za diskusiju prvu.

Poslanik/zastupnik Bilsena Šahman:

Jesam, spremna sam. Zahvaljujem Mirza. Pozdravljam vas, pozdravljam kolege i naše sugrađane. Postavila sam više pitanja, na neka nisam uopšte dobila odgovor, a na neke sam dobila i na većinu sam dobila odgovore koji nisu tačni. Izvještaji i materijali koje sam dobila

su lijepo složeni, međutim u praksi to ništa nije tako. I nije tačno da se dobro nosite sa krizom, što je bila najčešća rečenica ovih dana i do sada. DZ su se zatvorili za sve ostale pacijenti, a COVID pacijenti i potencijalni zaraženi ne smiju doći nego ih telefonski liječite. I tu moram istaći pojedine ljekare koji rade svoj posao kako treba ali u većini slučajeva se ne javljaju na telefon ili liječe C vitaminom. U redu za nalaz stoji po 50 ljudi. Većina ih ne dođe na red jer se prekine uzimanje uzoraka koje do 9 ili do 10, a nema dvokratnog što je kolega Amel tražio. A o rješenjima za izolaciju i trošenje naših policajaca na obilazak tih pacijenata, umjesto da se bave migrantima i ostalim stvarima, neću ni da govorim sada, međutim postoji još jedan problem, da urađeni nalazi u privatnoj režiji ne ulaze u sistem. I ako ti pacijenti (nerazumljivo) jel me čujete?

Predsjedavajući:

Slabo vas čujemo. Kolegice možete i vi isključiti kameru ako nije problem, možda nam je puno bolje jer imamo prekide.

Poslanik/zastupnik Bilsena Šahman:

Urađeni nalazi u privatnoj režiji ne ulaze u sistem iako se ti pacijenti samostalno ne jave u ambulantu mogu komotno šetati i raznositi virus. Ako nemaju veće zdravstvene tegobe. A uzgred poslala sam i tu inicijativu, za smanjenje cijene testa, odnosno da snosi Kanton određeni finansijski dio. Da li ćemo mi i dalje slušati ove priče i ćutati na sve to, i odgovor koji sam dobila da KC ima dnevno 2000 posjeta dnevno, što nije tačno. I mnogo toga još nije tačno. Ali je tačno da mi imao ljude koji znaju i hoće da rade ali ih niste dobro organizovali i educirali. Niste ni građane educirali i tu ste se oglušili na moju inicijativu. Tačno je da ne želite čuti struku. Ne treba se premijer baviti COVID, nego se struka treba baviti COVID-om. Testovi se čekaju po nekoliko dana. Vikendom se ne radi testiranje. Ljudi nam umiru jer nisu na vrijeme dobili terapiju ili su loše tretirani. Da li znate da smo prvi u regiji po broju smrtnih slučajeva? Još niko to nije iznio. Niko još nije izašao i rekao kako se to naši pacijenti liječe? Pratimo li šta se u svijetu dešava, da li imao sve potrebne lijekove a da o krvnoj plazmi i ne govorim. Građani imaju pravo da znaju jer oni nas plaćaju, i vas i nas plaćaju. Da znaju na koji način se liječe naši pacijenti. Zašto ne tražite pomoć od država koje uspješno liječe pacijente i da tražite od Svjetske zdravstvene organizacije, konferenciju o metodama liječenja. Hoćemo li već jednom krenuti u borbu s virusom ili ćemo stalno se braniti. I to sva nam je odbrana sjediti u kući i nosite maske. Ukoliko se niste mogli nositi, to govorim kriznom š tabu, zašto niste tražili pomoć. Svi bi mi zastupnici pomogli i uključili se. Imali ste naučni odbor pa nisam primijetila da ste prihvatili njihove sugestije. I što je još začuđujuće novca ima i te kako a naše zdravstvo se ponaša kao zemlje u Africi. Medicinsko osoblje je nedovoljno zaštićeno, pacijenti ne dobijaju ni minimum terapije. Neki budu otpušteni kao oporavljeni a ne izliječeni. Naše zdravstvo je bolesno i na izdisaju je a samo zbog ljudskog faktora, politike i nećijih mračnih ideja i onoga poslije mene potop. I na kraju samo bih ovdje što sam čula već neke zaključke da su donešeni koji svi stoje, i sve je tačno, samo se nadam da ćemo nabavku vakcina raditi kako treba a nećemo imati rusku vakcinu. Zahvaljujem.

Predsjedavajući:

Zahvaljujem uvažena zastupnice Šahman, Stojanović Igor nam je sljedeći.

Poslanik/zastupnik Igor Stojanović.

Spreman sam predsjedavajući. Hvala lijepo. Moja diskusija će se isključivo odnositi na ozbiljnost i odgovornost Vlade kada je u pitanju imenovanje ministra zdravstva. Ja vas molim da što prije imenujete glavnog čovjeka za zdravstvo da bi mi konkretno znali ko vodi ovu situaciju, ko je lider u ovom trenutku, kome ćemo postaviti određena pitanja i dati sugestije i ko će ovo sve što mi govorimo predočiti u jedan ozbiljan sistem. Neshvatljivo mi je da jučer

čujem od predsjednika SBB da je nebitan ministar zdravstva jer imamo direktore bolnica, pa ko biva eto možete ići u bolnice. Moramo imati ministra zdravstva da bi neko mogao da kaže gdje sistem škripi i gdje da ga popravimo. Ne može direktor jedne bolnice znati sve šta se dešava u drugoj bolnici. Neko mora čitav sistem da objedini i zato moramo imati odgovornog čovjeka. Nekome ja moram danas postaviti pitanje, evo povećan je novac za KC, jedna od građanki mi se obratila i svoju staru majku je iz drugog Kantona prebacila u Kanton Sarajevo. Žena ima potrebu za ortopedskim pomagalicama, ima potrebu za pelenama, i ovdje je bila uredba na snazi gdje se moralo čekati šest mjeseci da ona ponovo iz jednog Kantona u drugom ostvari ta prava, kada je sačekala svojih šest mjeseci počela je pandemija i taj je rok produžen na 12 mjeseci. Povećan je novac za KC nemamo novac za stare ljude. Jer logično djeca za stare ljude brinu, dovode ih svojoj kući iz drugih Kantona jer svakako prema naredbama kriznih štabova stariji ljudi se nisu mogli kretati, zamislite kako je nekim osobama koje su u stalnoj potrebi da neko o njima brine, kome ćemo mi danas predložiti neka rješenja i s kim ćemo o tome diskutovati. Hoće li neko iz Ministarstva zdravstva prenijeti ovo što govorimo, ili neće. Kome će prenijeti. Da li ima nadležnost da naredi nekome iz ZZO, nekoj bolnici ili nešto. To su danas pitanja. Zato mi je neshvatljivo da nam ne treba ministar zdravstva. Jer onda po tome ne znam šta će ta stranka ili bilo koja stranka koja tvrdi da nam ne treba ministar, uopšte u vlasti. Onda brate neka izađe iz vlasti i neka napusti tu odgovornost za koju se tako žrtveno borila i bila non stop u vlasti od početka mandata. Šta će nam onda ministar zdravstva ili šta će nam premijer ili bilo koja druga funkcija. Ne treba nam. Dajte onda da legalizujemo anarhiju koja je trenutno na snazi u Kantonu. Neshvatljivo je to za mene i neodgovorno od bilo koje političke stranke koja neće u ovom trenutku da preuzme odgovornost. Također ministar nam treba u svemu ovome što su zastupnici govorili da li imamo plan za jesen, za sezonsku gripu. Da li imao bilo koji drugi plan. Da li imamo plan, konkretno pitanje za obdaništa spajaju se grupe, spajaju se obdaništa, toliko pitanja od roditelja vezano za školu i za online nastavu, po toj nekoj logici ne treba nam ni ministar obrazovanja, imamo direktore škola pa nek on sami odlučuju. To je neodgovorno ljudi, ili se sklonite iz vlasti ili dajte čovjeka i odgovorne ljude i vodite nas. Jer ljudi umiru. Ljudi gube živote zbog naše neodgovornosti. Ili da ne kažem vaše neodgovornosti koji vodite vlast i vodite određene procese. Neshvatljivo mi je da neki zastupnici koji su glasali za ovu Vladu danas pričaju o tome kako je neko otišao na odmor, kako nešto ne funkcioniše, nema strategije. A oni podržali tu Vladu bez ikakvog plana i bez ikakve strategije. I činjenica je ovo što kolega Handžić govori da je situacija bila izuzetno teška, nesvakidašnja. Ali se pokazalo da ljude koji su predložili ove stranke nisu lideri, i nisu uopšte sposobni za krizne situacije i nisu sposobni da nas vode bilo gdje. Nema zdravstvene strategije, to su konstatovale kolege iz opozicije i iz pozicije. Dakle, čitav ovaj sistem i čitava situacija oko imenovanja ministra govori o sistemu u Sarajevu i BIH koji je uspostavljen u proteklih 30 godina, a otprilike glasi ovako: ma šta će nam menadžer iz zdravstva, može nas arhitekta Kapidžić voditi svakako jel šta ima veze zna i on o zdravstvu ko i svi mi. Ko što smo gledali ove i čitali o ovim lijekovima po internetu kako treba da se liječi. Ili šta će nam ministar zdravstva može nas premijer Nenadić pravnik voditi, isto je to sve. Samo nek neko preuzme odgovornost. Ljudi nije to ozbiljno u ovoj situaciji kada nam treba struka i to su svi zastupnici konstatovali i treba neko da preuzme odgovornost i na kraju krajeva treba da funkcioniše Vlada. Treba neko da nas vodi, treba neko da Vlada. Treba neko da sutra kad ne poštuje mjere da pošalje neki organ da nekoga uhapsi skloni, zato što je ugrozio neke građane. A ne da izgubimo dragocjene živote ljudi zbog nečije odgovornosti. I ni ko na kraju nije odgovoran, nego ne treba nam ni ministar, ma hajde ne treba nam ni Vlada, ne treba nam niko živ. I poj'o vuk magarca, niko nije kriv. E pa ne možete tako sjediti u vlasti. Dale trebaju nam ljudi koji će preuzeti odgovornost iz dva najvažnija resora i prestanite se političke prepucavati i nego preuzeti odgovornost prije nego što još ljudi ne umre u Kantonu Sarajevo. Hvala.

Predsjedavajući:

Zahvaljujem uvaženi zastupniče Stojanoviću. Ja koliko vidim nemamo više prijavljenih, te ukoliko se više niko ne javlja za riječ, ja zaključujem raspravu. Obzirom da smo dobili tek sada prijedlog zaključka od uvažene zastupnice Bešlije, ja dajem pauzu 15 minuta. Kolega ja se izvinjavam. Kolega Damir Nikšić je tražio riječ. Ja bih vas lijepo molio da se javljate ranije. Imamo zaista viber grupu koju koristimo i za normalan rad Skupštine Kantona Sarajevo. I evo ja ću dati riječ uvaženom zastupniku Nikšiću, pa ako ste spremni kolega Nikšić. Jel to diskusija, poslovnička intervencija?

Poslanik/zastupnik Damir Nikšić:

Jesam, samo jedna replika kolegi Stojanoviću i kolegici Bajramović Srna, u vezi ovoga pominjanja anarhije. Da li me čujete? Reko, čuo sam ovdje u par navrata da se anarhija pominje u negativnom kontekstu i naravno to je jasno i zašto je poslije dugi niz godina, više vjekova te tradicije da je anarhija nešto jako negativno i da je sinonim za kaos, radi toga što znači bezvlašće. Međutim, ja bih evo ispravio ako smijem, da kažem da anarhija jeste bezvlašće ali nije i bezakonje. I slažem se s njima da ćemo pribjeći anarhiji, jer zapravo značenje anarhije jeste kada se ljudi sami organizuju. A pošto su građani vidjeli da od sistema skoro da nema ništa, da je sve u raspadnom stanju i pribjegli su samoorganizaciji, samozaštiti, čak i zdravstvenoj samozaštiti. znači jeste radi se o anarhiji i u pozitivnom smislu, i to u smislu samoorganizacije i samozaštite građana. Čak i samozdravstvene zaštite građana. Međutim, ono što je vrlo bitno pomenuti jeste da to nije anarhija. Ovo što oni misle da je anarhija to nije legalizovana anarhija itd. To nije anarhija jer anarhija ne naplaćuje istovremeno i porez. Ljudi kada se samoorganizuju ne naplaćuju i poreze ili se bar dogovore. Mi znamo da je 2018 prije izbora da je krenulo naplaćivanje poreza retroaktivno tri godine freelenserima, čak i zdravstveno osiguranje 4% ko je mnogi od njih nisu uopšte ni imali prijavljeno, niti ga možda ni dan danas imaju i da je njima oduzet taj novac pod prijetnjom zatvora i ne znam čega. I da mnogi free lenseri svojim ugovorima plaćaju obavezno doprinos, a nije doprinos nego taksu od 4% za zdravstvenu zaštitu koju nemaju, ili plaćaju na svom stalnom radnom mjestu a honorarno kada rade preko ugovora ponovo plaćaju tu istu stvar i niko od nas ne zna gdje pare idu. Tako da to nije anarhija, to je dobro organizovan sistem harača i naplaćivanja poreza, tada država odlično funkcioniše. U tom segmentu država odlično funkcioniše. U tom segmentu država odlično funkcioniše. A kada treba da da uslugu za te pare, onda je anarhija, onda mi moramo sami da se organizujemo, građani kako bi preživjeli, kako bi se liječili itd. Tako da eto ja sam samo htio da ispravim to. A ovo što su oni htjeli reći da ne treba ministar što je rečeno da ne treba ministar i ostalo.

Predsjedavajući:

Kolega Nikšiću, tri minute, evo pustili smo vas četiri minute. Replika je tri minute po Poslovníku. Ja sam bio i zaključio diskusiju.

Poslanik/zastupnik Damir Nikšić:

OK. to je antidemokratski a ne anarhija. Samo sam to htio reći.

Predsjedavajući:

Obzirom da smo bili zaključili raspravu. Ja ću se vratiti na tačku koju smo otvorili i omogućit ću svim zastupnicima da kada pročitam da je zaključena rasprava jer nemamo više prijavljenih, kada se vi počnete uključivati na viber grupu, ja smatram da je otežavanje rada i onda kažete da nekome ne dozvoljavamo da se glasa pojedinačno, izjašnjavanje, raspravu na samoj tački. Ali evo ja sam pozvao i pozivam ponovo zastupnike koji žele da se prijave za diskusiju da se prijave u viber grupu i da dozvolimo svim zastupnicima koji se prijave, a kada zaključimo raspravu da se ne prijavljuju jer nema razloga i nema osnova da dajem riječ. Ali

evo to ćemo sada prekršiti. Ja ću povući ono što sam kazao da zaključujemo raspravu i dat ću riječ uvaženom zastupniku Mariću. Bila je replika, pretpostavljam uvaženom zastupniku Stojanoviću. I to morate navoditi. Kolega Marić replika.

Poslanik/zastupnik Zvonko Marić:

Zahvaljujem predsjedavajući. Replika je više zastupnika, želio sam pa zbog ozbiljnosti želio sam da samo objedinim. Ali moram kazati kada sam govorio o tome i neko od zastupnika je također pominjao, angažiranje ljudi i proglašavanje vanrednog stanja ili stanja epidemije, pandemije ii ne znam čega sve ne, bilo koje forme, prevashodno sam mislio da sugeriram Vladi, da to pojasnim da razmisli o angažiranju ljudi koji su u mirovini, a koji bi dali ogroman doprinos, ja znam daje nešto slično uradila sa Senatom u Općoj bolnici. I da to uradi u okviru kriznog štaba jer treba odati poštovanje prema tim ljudima koji su imali sjajne karijere ljekarske itd. I ono što bih posebno istakao da se proglas neko od tih stanja ako idemo u nešto složenije kako bi dalo za pravo da se ti ljudi mobiliziraju i angažiraju u tim timovima, stručnim i da napokon kao autoriteti kažu svoje mišljenje, kako i na koji način postupati u ovim teškim vremenima. I neko je od zastupnika pomenuo također da, aludirajući vjerovatno na ono što sam ja rekao, da se glasalo svojevremeno za tu Vladu, ali samo da osvježim pamćenje nekima od njih, kada se glasalo za novu Vladu nije bilo riječ o korona krizi tako da ono što kritiziramo, mi ćemo kritizirati uvijek i u ma s kim bili u koaliciji, to je naš, ja mislim da je posve logična ambicija da unapređujemo kritikama pa ma s kim bili. To što mi kritiziramo, to je za neko potrebno možda da to sinhrono radimo, da istovjetno radimo kao što rade naše koalicioni partneri i t razumljivo vodi u jednoulje. Insistiranje na tim stvarima da se moramo slagati sa svim, pa čak i sa onim što nije dobro, to je klasično jednoulje. I to dolazi otprilike iz škola koje su bile na ovim prostorima dugo vremena, prema otme mi se s tim nećemo pomiriti nego ćemo naprosto kritizirati sve što nije dobro. Hvala vam.

Predsjedavajući:

Zahvaljujem uvaženi zastupniče Mariću. Kolega Vreto Elvis izvolite, imate riječ. A neka se pripremi uvaženi zastupnik Senad Hasanović.

Poslanik/zastupnik Elvis Vreto:

Hvala predsjedavajući. Koristim priliku da pozdravim. Sve kolegice i kolege, predstavnike Vlade kao i građane koji nas prate. Ja sam kod pitanja koja su se postavljala, postavio tri pitanja, međutim nisam vidio ni jedan odgovor adekvatan pa sam odlučio da se kroz diskusiju osvrnem na ta pitanja. Vezano za, mnogo toga smo čuli vezano za materijalno tehnička sredstva koja su neophodna za rad zdravstvenih radnika, kao i DZ pojedinih jedinica. Ja sam postavio korektno pitanje zašto u DZ na Ilidži ima samo jedno vozilo koje je operativno dok ostala vozila nisu registrovana i nisu u funkciji. Moram priznati da sam dobio čudan odgovor, da li je direktor DZ uopšte razumio ovo pitanje. Odgovor sam dobio takve vrste da je DZ, kao JU, imaju više, da nije tačno da imaju više od jednog vozila. Pa mislim da je to, bilo bi porazno da nemaju više od jednog vozila. Ja sam konkretno pitanje postavio za jedinicu DZ Ilidža dalje, po pitanju pored svega ovoga što smo isto tako čuli, po pitanju migranata, isto tako nije niko odgovorio vezano za njihov, kako bih rekao iako dostupan put pacijenta nije ni građanima Kantona Sarajevo ne za migrante, na koji način se oni tretiraju obzirom da je ogroman broj migranata po našim ulicama svakodnevno. Dalje, dosta kolega je pitalo vezano za put pacijenta, pa naravno i ja. Ja ne mogu zaista da shvatim da mi par mjeseci se bavimo tom temom umjesto da je to dostupno građanima. To još dodatno jednostavno komplikuje stvari i kod građana stvara paniku. Ja se nadam da će taj dokument ugledati svjetlo dana što prije. Svjestan činjenice da 30 dana smo bez ministra zdravstva ali ipak moja namjera i želja da bez obzira na probleme koje imaju i partneri u vlasti oko dogovora ko će zamijeniti Mesihovića koji je zbog zdravstvenih razloga napustio tu funkciju, ja imam želju i namjeru da

se krizni štab i Vlada bavi progresivnim stvarima koje su u regionu dostupne. Ja ne znam koliko se bavi, očito vrlo malo zbog ovih unutrašnjih stvari, i dobru sam stvar čuo od jednog od kolega da našem kriznom štabu, odnosno Vladi potreban krizni štab da bi riješio ova neka pitanja. Da li se razmatra mogućnost, evo vidimo u javnosti se pojavila krvna plazma kao jedan do metoda koji se može koristiti kod preventivno i u zaštiti jačanju antitijela protiv u borbi protiv COVID: dalje, vidjeli smo, ja naravno ne znam, to struka treba da kaže da li je to tačna informacija, ali vidjeli smo u regionu, npr Hrvatska je nabavila više od 120.000 određenih bakrenih maski koje se pojavile na tržištu koje imaju bolju funkciju u sprečavanju i zaštiti od COVID. Da li se na tom planu išta radilo kod nas, da evo i djeca nam polaze u školu brzo, da li smo u tom smjeru trebali uraditi. Ja preporučujem da se te maske, ako je moguće u što kraćem roku nabave kako bi bile dostupne učenicima, zdravstvenim, obrazovnim, radnicima policajcima, i ja se nadam da eto u tom smjeru ćemo se baviti tim temama u narednom periodu, a ne temama koje nas tište da 30 dana smo bez ministra, da mi nemamo operativno jak plan borbe protiv COVID-a. Uz sve probleme koje su kolegice i kolege čuli i ja se nadam da će određeni zaključci koje ćemo danas usvajati pokušati prevazići i popraviti ovo stanje u kojem se nalazi Kanton Sarajevo trenutno. Eto toliko, hvala predsjedavajući.

Predsjedavajući:

Zahvaljujem uvaženi zastupniče Vreto. Odgovor na repliku Stojanović Mariću. Kolega Stojanoviću da li se čujemo da li ste spremni?

Poslanik/zastupnik Igor Stojanović:

spreman sam predsjedavajući. Hvala vam. Dakle cijeni to što gospodin Marić insistira na demokratiji ina više mišljenja koje sigurno mogu dovesti do boljih rješenja. Ali nekonzistentnost stavova političkih, stalne promjene koje je u pravu koje nije, ko treba da bude vlasti, ko ne, dovode nas do anarhije. Dovele su nas na kraju krajeva da mi danas nemamo dva ministra, dva najodgovornija resora. Dakle jednodimenzionalna i demokratija sa milion mišljenja prije svega mora dovesti do odgovornosti da znamo sutra ko je odgovoran u bilo kojem sistemu. I dakle sada bih očekivao da se partneri koji vode ovu vlast koji nas vode u kriznoj situaciji dogovore ko je to ministar, a ne da se prepucavaju zbog nekih rečenica sa viših nivoa vlasti ministara da mi sada ovdje trpimo i da nemamo lidera u zdravstvenim procesima. Mislim da je to neodgovorno jer su cijena ljudski životi, ponavljam. Dobro vam je rekla kolegica Srna Bajramović. Veliko je pitanje da su suprotne situacije, da je Vlada šestorke trenutno na vlasti a da se ovo dešava. Ja sam ubijeđen da bi tadašnja opozicija izvela građane zbog gubitka života na ulice i napravila kaos. Ja ne mislim da treba praviti kaos. Ali mislim da nam treba lider kojem ćemo mi kao predstavnici građana delegirati problem, e prijedloge, rješenja. Evo ovako kako je zdravstveni savjet predložio određene zaključke za pomoć u situaciji kada nemamo ministra. Dakle sve drugo nema svrhe. Onda Vlada nema svrhe i onda je to već anarhija. I zato bez obzira na suprotstavljena mišljenja, na suprotstavljene političke stavove, ja ću vas još jednom kroz repliku zamoliti da što prije imenujete najodgovornijeg čovjeka koji će nas voditi da ne budemo najugroženija zemlja čijim su građanima vrata svijeta zatvorena zbog situacije u zdravstvu. Dakle molim vas da imenujemo tog čovjeka da što prije se približimo zemljama koje na bolji način rješavaju ovaj problem. Evo ako treba i pomoć, evo ako treba i da ga izglasamo, i da ga predložite, i da to bude neka odgovorna osoba koja je radila u zdravstvenim institucijama ali da znamo više ko vodi ovu situaciju nakon šest mjeseci a ne da su svi opozicija i koji su vlasti i koji su opozicija. Hvala.

Predsjedavajući:

Zahvaljujem uvaženi zastupniče Stojanoviću. Replika uvaženi zastupnik Nikšić Mariću. Kolega Nikšiću imate riječ. Izvolite.

Poslanik/zastupnik Damir Nikšić.

Hvala. Evo vidim opet anarhija. Dobro ima raznih stanovišta. Ali htio bih gospodinu Mariću kolegi, slažem se. Postoji jednoulje, jednoulje nije progresivno, nije dobro. Ali postoji razlika između jednoulja i dvoličnosti. Tako da, a postoji i kognitivna disonanca kada neko ima previše ideja u glavi i ne može da odluči kojim putem da ide. I da upravi i da se drži tog puta. Tako da je to moja neka replika. Jeste da ima jednoulje, ali boga mi ima i dvoličnosti. Hvala.

Predsjedavajući:

Zahvaljujem uvaženi zastupniče Nikšiću. Odgovor na repliku, uvaženi zastupnik Marić. Izvolite imate riječ.

Poslanik/zastupnik Zvonko Marić.

Zahvaljujem predsjedavajući. Neću replicirati kolegi Nikšiću. Hvala.

Predsjedavajući:

Zahvaljujem uvaženi kolega Mariću. Kolega dopredsjedavajući Vibor Handžić druga diskusija. Izvolite. I molim zastupnike ukoliko imaju potrebu da se prijave za diskusiju da to urade sada, jer poslije uvaženog dopredsjedavajućeg Handžića zaključujem raspravu ukoliko se niko ne prijavi. Kolega dopredsjedavajući Handžić imate riječ, izvolite.

Dopredsjedavajući Vibor Handžić.

Zahvaljujem se predsjedavajući. Ja ću vrlo kratko drugu diskusiju koja je prouzrokovana nekim diskusijama drugih zastupnika. Ja ću samo kao dodatak navesti dva primjera u kojem je jasno vidljiva i evidentna pogubljenost ovog sistema o kojem mi pričamo. Jedno se tiče proglašenja stanja epidemije. Dakle 12.juna prije nego što je ova situacija u Kantonu Sarajevo u potpunosti eskalirala Federalno Ministarstvo zdravstva je sugerisalo Kanton Sarajevo i TK da u potpunosti samostalno mogu proglasiti stanje epidemije. A mi znamo kada se takvo stanje proglasi da to jeste jedini put i osnova za mobilizaciju kadrova, prostora i opreme. Kanton Sarajevo to do dana današnjeg nije uradio, već u svakoj svojoj aktivnosti nema nikakvih čvrstih odluka i jasnih, već se samo čeka šta će uraditi drugi nivo vlasti, tj Federacija. Drugi primjer je početak školske godine i trakavica koju smo imali na prvoj tački dnevnog reda prošli put gdje moja kolegica Vildana Bešlija ponudi zaključak da se odgodi početak školske godine za 07.09. odbije se zaključak iz razloga što će to uraditi Federacija pa će ona propisati da će 15 septembra krenuti školska godina, pa sutradan to Federacija ne uradi nego kaže da školska godina kreće 01.09. a da ostavlja mogućnost na osnovu procjene kantonalnih kriznih štabova da kantoni samostalno uredi početak školske godine a mi zastupnici i javnost ostanemo potpuno kratkih rukava i nedefinisanog statusa vezano za početak školske godine. E to su primjeri koji nedvosmisleno ukazuju na pogubljenost sistema o kojem sam govorio. Zahvaljujem.

Predsjedavajući.

Zahvaljujem uvaženi dopredsjedavajući Handžiću. Ukoliko se više niko ne javlja za riječ, zaključujem raspravu. Dajem pauzu 15 minuta kako bi mogli da se o istim izjasnimo. Pauza 15 minuta. Nastavljamo u 12,35 minuta.

NASTAVAK NAKON PAUZE

Predsjedavajući:

Evo uvažena kolegice i kolege, samo da TVSA bude spremna za par minuta i nastavljamo sa radom sjednice. Evo molim zastupnike da se strpe još dvije, tri minute.

TVSA je spremna za 10 sekundi.

Zahvaljujemo. Nastavljamo s radom, 28. sjednice. Zaključili smo raspravu, došli smo do prijedloga zaključaka. Zaključke nadam se da ste pročitali. Kolega Marić je tražio poslovničku intervenciju, koliko vidim. Kolega Mariću, izvolite. Poslovnička intervencija.

Poslanik/zastupnik Zvonko Marić:

Zahvaljujem predsjedavajući. S obzirom na veliki broj inicijativa koje su došle u ime Kluba SBB tražim pauzu dodatnu, pa možete i dati vrijeme za ručak, budući da je ovo da bi. Jer je riječ o ozbiljnim stvarima pa da usaglasimo sve stavove kako ne bi ostavljali prostora za bilo kakvu vrstu manipulacije. U to ime vas molim evo ako hoćete stavite na glasanje, da li pauza za ručak ili polusatnu pauzu nakon čega ćemo se uključiti naravno u prijenos.

Predsjedavajući:

Klub SBB-a traži pauzu pola sata ili pola sata kako bi napravili anketu da zastupnici glasaju. Ja bih vas lijepo molio po Poslovniku i radi stenograma moramo imati vaš zahtjev, da li je pola sata dovoljno da bi dali na glasanje ili sat vremena.

Poslanik/zastupnik Zvonko Marić:

Pa naprosto evo, ako je prilika da bude i pauza za ručak, ako ne prođe onda polusatna pauza.

Predsjedavajući:

Pauza za sat, prijedlog Kluba zastupnika SBB-a. Molim zastupnike da pristupe glasanju, otvaramo anketu. Otvaram glasanje. Molim zastupnike da glasaju u viber grupu, očito da zastupnici nisu otvorili poruku. Znači na viber grupi je otvorena anketa za prijedlog uvaženog zastupnika Marića, pauza od sat vremena. Još 30 sekundi za glasanje.

Za je glasalo 18 zastupnika, protiv 8, suzdržanih 7.

Pauza na zahtjev Kluba zastupnika SBB-a uvaženog zastupnika Marića sat vremena. Nastavljamo sa sjednicom u 13,55.

NASTAVAK NAKON PAUZE

Predsjedavajući:

Kolegice i kolege za jednu minutu nastavljamo. TVSA je spremna. Zahvaljujem. Nastavljamo sa radom. Došli smo do prijedloga zaključka. Prvi prijedlog zaključka koji je došao, došao je iz Kluba zastupnika Naše stranke, NiP-a, SDP, NBL-Samostalni zastupnik. Drugi zaključak je uvažena zastupnica Vildana Bešlija.

Zamoliti ću sekretara Skupštine da napravi anketu vezano za zaključak četiri kluba, odnosno političke partije. Molim sekretara da napravi anketu i da pusti a ja ću pročitati.

1. Obavezuju se Vlada Kantona Sarajevo i Ministarstvo zdravstva Kantona Sarajevo da obezbijede potrebne uslove za unapređenje primarne zdravstvene usluge – unapređenje postojećih

Poslovnička intervencija, Konaković izvolite.

Poslanik/zastupnik Elmedin Konaković:

Hvala predsjedavajući. Ne znam čujete li me, mijenjao sam lokaciju. Ne znam jel ima tona, jel OK? Samo ima jedna mala korekcija u ovom zaključku, ne znam dogovorili smo se da se neko od kolega javi, u samom uvodu da se doda samo jedna riječ, ustvari rečenica, izuzev zaključaka koji su u međuvremenu realizirani. Jer neke od predloženih zaključaka po informacijama iz Vlade su realizirani, da mi ne bi sada se, oko toga, šta jeste, šta nije.

Predsjedavajući:

Kolega Konakoviću ja bih vas lijepo molio, bili ste predsjedavajući. Moramo imati radi stenograma da pročitamo te zaključke ili da dobijemo u formi u kojoj smo dobili i ovaj zaključak kako bi podijelili svim zastupnicima da pročitaju. I možemo evo odmah se izjasniti po istim zaključcima. Ima li neko da bi to proslijedio sekretaru, mi ćemo proslijediti zastupnicima.

Poslanik/zastupnik Elmedin Konaković:

Pa evo dajte nam onda pauzu samo pet, šest minuta da dodamo samo tu jednu rečenicu.

Predsjedavajući:

Pauza deset minuta, nastavljamo. Kolegica Dizdarević Neira ima isto poslovničku intervenciju. Izvolite.

Poslanik/zastupnik Neira Dizdarević:

Hvala uvaženi predsjedavajući. Pa upravo da bi smo izbjegli sadašnju pauzu, samo sam htjela ukoliko je moguće da se izjasnimo o zaključku kolegice Vildane Bešlije a ja upravo šaljem u ovim sekundama na e-mail sekretarke novi zaključak, samo sa dodatkom pola rečenice koju je kolega Konaković iznio.

Predsjedavajući:

Zahvaljujem. Pa evo možemo se izjasniti za zaključak. Uvažavamo prijedlog inicijative uvažene zastupnice Dizdarević. Molim sekretara da napravi anketu vezano za zaključak uvažene zastupnice Vildane Bešlije. Zaključak glasi:

Obavezuju se Vlada Kantona Sarajevo i Ministarstvo zdravstva Kantona Sarajevo da formiraju koordinaciono tijelo sastavljeno od stručnjaka iz oblasti mentalnog zdravlja koje bi ponudilo preporuke i neophodne mjere u očuvanju mentalnog zdravlja za Kanton Sarajevo.

Molim zastupnike da glasaju. Otvaram glasanje.

Još 30 sekundi za glasanje. Molim zastupnike da glasaju, oni koji nisu glasali.

ZA JE GLASAO 21 ZASTUPNIK, PROTIV NIJE BIO NIKO, SUZDRŽANIH 8.

konstatujem da je usvojena zastupnička inicijativa odnosno zaključak uvažene zastupnice Vildane Bešlije.

Evo molim vas samo trenutka da sačekamo prijedlog zaključka koji ste poslali iz Kluba Naše stranke, NiP-a, SDP-a, NBL-a Samostalni zastupnika kako bi isti mogao pročitati pred zastupnicima i da se o istom izjasnimo. Evo molim zastupnike da ostanu online kako bi isti mogli dati na glasanje.

Prijedlog Kluba zastupnika Naše stranke, NiP-a, SDP-a BIH, NBL-a Samostalni zastupnika, anketu imao već. Znači ispravljeni prijedlog zaključka:

1. Obavezuju se Vlada Kantona Sarajevo i Ministarstvo zdravstva Kantona Sarajevo da obezbijede potrebne uslove za unapređenje primarne zdravstvene usluge – unapređenje postojećih call centara za komunikaciju sa pacijentima, angažovanje mobilnih timova za tretman i praćenje COVID pozitivnih pacijenata, angažiranje svih raspoloživih medicinskih i laboratorijskih kapaciteta s ciljem uspostavljanja sistema prikupljanja i testiranja uzoraka koji će omogućiti saopštavanje rezultata pacijentu i nadležnom u roku od 8 sati nakon prikupljanja uzorka od pacijenta, promptno izdavanje i dostava rješenja o samoizolaciji COVID pozitivnih pacijenata, efikasnije praćenje mjera samoizolacije, rješenje pitanja transporta COVID pozitivnih pacijenata na kontrolne preglede, ako se isti nalaze u kućnoj samoizolaciji.

Vi uvažane kolegice i kolege možete glasati. Anketa je otvorena.

2. Jasno definisati protokol postupaka od prvog javljanja pacijenta u COVID-ambulantu, koji podrazumijeva sve potrebne dijagnostičke postupke, odluku o daljem toku liječenja i reguliše izdavanje propisane terapije u COVID ambulantom ili eventualnom dostavom putem mobilnih timova, bez mogućnosti da oboljeli pacijenti lično odlaze u apoteke i sami idu na dalje preporučene preglede. Ustanoviti referalni put pacijenta ka višim nivoima zdravstvene zaštite.

3. Jasno definisati protokol svih postupaka prilikom prijema klinički i laboratorijski pozitivnih pacijenata na opservaciju u zdravstvenu ustanovu (izolatorij), od prvog pregleda, dalje dijagnostike, terapijskih postupaka i definitivnog smještaja pacijenta uz definisano vrijeme svih postupaka i mjesta dijagnostike uz određivanje istih kao prioriteta, bez nepotrebnih zadržavanja pacijenata na ovom odjeljenju.

4. Obavezuje se Vlada Kantona Sarajevo da hitno naloži svim zdravstvenim ustanovama otvaranje vrata za sve ostale pacijente, radi ostvarivanja prava na zdravstvenu uslugu i tretman koji im je neophodan u cilju liječenja postojećih i novoustanovljenih oboljenja, uz definisanje redosljeda prioriteta u liječenju, a shodno epidemiološkoj situaciji i raspoloživosti kadra i eventualno potrebnih hospitalnih smještajnih kapaciteta.

5. Skupština Kantona Sarajevo zahtjeva od KCUS da, za potrebe Izolatorija, stavi na raspolaganje Infektivnu kliniku KCUS, te da se u iste svrhe angažuju i drugi raspoloživi i neiskorišteni bolnički kapaciteti u Kantonu Sarajevo, a koji raspolažu potrebnim i adekvatnim higijensko-epidemiološkim uvjetima.

6. Nalaže se Ministarstvu zdravstva Kantona Sarajevo i Kriznom štabu Ministarstva zdravstva Kantona Sarajevo da sačine stepenovani Krizni plan o postupanju u odnosu na moguću epidemiološku situaciju i broj oboljelih, i o istom upoznaju sve relevantne subjekte.

7. Nalaže se Vladi Kantona Sarajevo i Ministarstvu zdravstva Kantona Sarajevo da analizira i angažuje po potrebi dodatne ljudske resurse u svim zdravstvenim ustanovama, za potrebe borbe protiv pandemije (medicinsko osoblje sa biroa, penzionisani doktori i medicinari).

8. Nalaže se Ministarstvu zdravstva Kantona Sarajevo i Kriznom štabu Ministarstva zdravstva Kantona Sarajevo da dostavi podatke o broju i raspoloživosti preostalih PCR testova za Kanton Sarajevo, te u slučaju potrebe obezbijedi dovoljne količine za naredni period.

9. Obavezuje se Vlada Kantona Sarajevo da hitno imenuje ministra zdravstva KS, koji treba da koordinira svim navedenim aktivnostima.

10. Obavezuje se Vlada Kantona Sarajevo da će intenzivno raditi na rješavanju pitanja blagovremenih rezervacija i nabavki vakcina za COVID, kao i dodatnih količina vakcina protiv sezonske gripe, koje odmah po pojavi na tržištu moraju biti na raspolaganju zdravstvenim ustanovama, uz definisanje prioriteta.

11. Obavezuje se Ministarstvo zdravstva Kantona Sarajevo da urgentno hardverski, softverski i kadrovski optimizira funkcioniranje „MediT“ softvera i obezbijedi njegovo nesmetano korištenje od strane uposlenika 24 sata dnevno, te na taj način spriječi probleme s kojima se susreću zdravstveni radnici prilikom korištenja istog.

12. Obavezuje se Vlada Kantona Sarajevo da napravi jasan i jednostavan sistem pooštavanja i ublažavanja obaveznih mjera ponašanja građana u skladu sa trenutnom epidemiološkom situacijom u Kantonu Sarajevo.

13. Obavezuje se Vlada Kantona Sarajevo da napravi i primjeni jasan, intenzivan i vidljiv model informiranja i edukacije građana Kantona Sarajevo o svim aspektima borbe protiv COVID-19, sa posebnim osvrtom na populaciju učenika i studenata.

14. Obavezuje se Ministarstvo zdravstva Kantona Sarajevo da sazove hitni sastanak predstavnika ministarstva i Naučnoga tijela za praćenje i analizu situacije izazvane koronavirusom u toku pandemije u cilju razmatranja i hitne primjene mjera iz ranije dostavljenih dokumenata ovoga tijela.

15. Obavezuju se Vlada Kantona Sarajevo i Ministarstvo zdravstva Kantona Sarajevo da izvrše rekonstrukciju trenutnog saziva Kriznog štaba Ministarstva zdravstva KS, kao i kadrovski kapacitira saziv Kriznoga štaba Vlade Kantona Sarajevo, kada i ako isti bude formiran, te da u ta tijela imenuje eminentne stručnjake iz svih odgovarajućih oblasti, neophodne za brze i pravovremene aktivnosti shodno epidemiološkoj situaciji u Kantonu Sarajevo.

Otvaram glasanje. Molim zastupnike da pristupe glasanju.

ZA JE GLASALO 23 ZASTUPNIKA, PROTIV NIKO, SUZDRŽANIH 8.
KONSTATUJEM DA SMO USVOJILI ZAKLJUČKE.

MOLIM ZASTUPNIKE DA SE IZJASNE O INFORMACIJI MINISTARSTVA ZDRAVSTVA, KRIZNOG ŠTABA I CIVILNE ZAŠTITE O PODUZETIM MJERAMA I SA PRIJEDLOGOM MJERA ZA SUZBIJANJE ŠIRENJA PANDEMIJE KORONAVIRUSA.

Molim kolegicu sekretarku da napravi anketu. Imamo poslovničku intervenciju zastupnika Marića. Kolega Mariću izvolite.

Poslanik/zastupnik Zvonko Marić:

Zahvaljujem predsjedavajući. Međutim, moram kazati da mi nismo dobili ovu anketu, ni Bilsena kolegica, ni ja, sjedimo u istoj kancelariji. Nemamo uvid. Eto. Pa ako može da se otkloni ovaj tehnički nedostatak. Jer mi nismo glasali.

Predsjedavajući:

Ja koliko sam vidio vi ste glasali, svi ste glasali.

Poslanik/zastupnik Zvonko Marić:
Da, za inicijativu.

Predsjedavajući:
Piše zaključak 4 kluba.

Poslanik/zastupnik Zvonko Marić:
Sada je ona glasa, a ja pokušavam sada da nađem tu anketu.

Predsjedavajući:
Hajte ovako. Napraviti ćemo novu anketu i molim zastupnike da se izjasne. Znači otvaramo novu anketu, zaključak 4 kluba – ispravljeno. Tako ćemo nazvati. Ovaj gore zaključak koji smo imali i anketu, ja ću zamoliti sekretara da izbriše. Radi stenograma i zapisnika, ovo je trajni dokument koji ostaje kod nas.

Molim zastupnike da pristupe izjašnjavanju. Samo napravite anketu i dajte da glasamo. Samo napravite zaključak 4 kluba ispravljeno. Otvaram glasanje, molim zastupnike da glasaju. Još 30 sekundi za glasanje. Molim zastupnike da glasaju.

ZA JE GLASALO 23 ZASTUPNIKA, PROTIV NIKO, SUZDRŽANIH .
KONSTATUJEM DA SMO USVOJILI PRIJEDLOG ZAKLJUČAKA OD KLUBA ZASTUPNIKA NAŠE STRANKE, NiP-A, SDP, NBL – SAMOSTALNIH ZASTUPNIKA I TO ISPRAVLJENU VARIJANTU KOJU SMO DOBILI OD KOLEGICE DIZDAREVIĆ.

MOLIM ZASTUPNIKE DA SE IZJASNE O INFORMACIJI MINISTARSTVA ZDRAVSTVA, KRIZNOG ŠTABA I CIVILNE ZAŠTITE O PODUZETIM MJERAMA I SA PRIJEDLOGOM MJERA ZA SUZBIJANJE ŠIRENJA PANDEMIJE KORONAVIRUSA.
Otvaram glasanje, molim sekretara da napravi anketu kako bi mogli glasati. Glasati možete sada. Izvolite.

ZA JE GLASALO 9 ZASTUPNIKA, PROTIV 13, SUZDRŽANO 6.
KONSTATUJEM DA SKUPŠTINA NIJE USVOJILA OVU INFORMACIJU.

Obzirom da smo iscrpili sve tačke današnje sjednice zaključujem rad na nastavku 28. Radne sjednice i zahvaljujem se uvažanim kolegicama i kolegama.